




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.272/a





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.272/a





Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.272/a



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CfMAGL 2.3 272/a

2.3.272

2 Q's



XXXIX

~~XXXVIII~~

S. GREG.

VII


*paraphr.*

MORATAN

~~Paraphr. S. Greg.~~

~~Henr. 1. 1. 1.~~





# PARAPHRASIS

In secundum Dialogorum

S. GREGORII PAPÆ

In qua


SANCTISSIMI PATRIARCHÆ

BENEDICTI VITA

Heroici Carminis concentibus  
donatur.

D. ISIDORO MORATINO

Monacho Casinensi & S. MARIE de Monte  
propè Casenam Priore modulante.



VENETIIS, M. DC. LXII.

Typis Hæredum Francisci Baba.

SVPERIORVM PERMISSV, ET PRIVILEGIO.



PARAPHRASIS

8. GREGORII PAPAE

BEATIFICATA

IN 1811

ANNO DOMINI 1811

1811

VI MEI 1811


1811

1811



Reuerendissimo Patri  
**P. D. IACOBO LENCIO**  
Congregationis Cassinensis Procuratori  
Generali vigilantissimo.

*D. Isidorus Moratinus Felicitatem.*



Anctissimi Patriarchæ Benedicti stū-  
penda miracula, quæ, non minus Clau-  
stri, quam Vaticani splendor magnus  
Gregorius; secundo suorum Dialogo-  
rum Libro prosequutus est, erudito fa-  
cundiæ stylo, Musarum modulis ac-  
commodata in lucem editurus ( Re-  
uerendissime Pater) tui Nominis immortalitati inscribe-  
re decreui. Tibi inquam debentur, qui, ne tanti Genito-  
ris degener Proles dicereris, mores virtutibus decorare,  
pietatemque ingenij cultura fecundare studuisti. Vix  
enim inter sacri Cassinatum Cœnobij Alumnos adscri-  
ptus, tanquam bonæ indolis germen vberimè fructifi-  
cans, sanctæ legis documenta hausisti, breui prouectiores  
superaturus. Nam admirabili quadam animi solertia  
Palladias artes, non strictim, & perfunctoriè, sed sedulo

\* 2 per-



percurrēns, te Magistrum demirata est Cassinensis fami-  
lia, cum Tyronis vix tempora compleueras. Hinc te  
summa cum laude docentem Ticinense Cœnobium,  
primò, deindè Parmense Lyceum, postremò Perusinum,  
excepere. Namque siuè argumentorum iaculis hostes  
impeteres; seu aureo eloquentiæ flumine Stagiritæ, vel  
Aquinati Asserta propugnare, subtilissimo mentis acu-  
mine, omnium plausus, secunda tui adinurmutatione re-  
sonabant. Accedit morum grauitas hilari comitate con-  
iuncta, quæ tecum prodijt, pariter & adoleuit, haud mi-  
nus venerationem in hominum mentes instillans, quam  
amorem. Talibus permotus Prælatorum Cassinensium  
Coetus, vnanimi consensu, nulloque Comitiorum dissi-  
dio, te in Procuratorem Generalem (Reuerendissime Pa-  
ter) adsciuit, & è Lyceo, ad Curiam, è Cathedra ad Fo-  
rum traduxit, vt amplissimo munere, ingentes animi tui  
dotes referares, ad totius Congregationis nostræ aug-  
mentum, non mediocre auxilium, hac præcipuè tempe-  
state, alaturas. Neque enim magnorum Patrum pruden-  
tia, omnibus votis, nobiliori regimine donassent, nisi te  
Mineruam forensibus negocijs adaptare posse certò spe-  
raret. Non enim nesciunt, mansuetudinem illius esse sa-  
pientiæ Altricem, quam in te cuncti admirantur; quæ,  
magna dexteritate, ingenia tractas, & blando tuo elo-  
quio omnium animos concilias. Plura quidem de te con-  
gerere (Reuerendiss. Pater) ac paginæ consignare non re-  
fugerē ni tua reluctaret modestia, quæ tyrocinijs humi-  
litis instructa, etiam debitis constantissimè abhorruisse  
encomijs pro comperto habereim. Qualia tibi offeram  
munera, carmina sunt, non parui pendenda ab ijs, qui  
car-



carmine digna gessere. Musarum sunt ornàmenta, anti-  
quæ obseruantia erga te meæ obsequium testantia. En  
Helicon: in Sanctissimi Genitoris laudes venerabundus  
assurgit, qui, & si paria prodere non valet præconia (tan-  
ti enim Herois gesta omnium ora fatigarunt) ea tamen  
qua pollet concinnitate famulatus monumenta depro-  
mit. Æquum erat, vt, quæ Ecclesiæ oculus Gregorius,  
de Sancto Parente hominum memoriæ mandauit, Pieri-  
dum flosculis coronari, vt potè gratis redolentia odori-  
bus in huius sæculi Theatrum apparerent, ad ipsarum  
amplexus cunctorum mentes Natorum allectura. Sunt  
enim Lenocinia Poetarum suauissima mella, quibus vti-  
le dulci miscere assolent, vt quod sæculorum iniuria, cu-  
rioso Legentium appetitui insulsum apponit suis dulco-  
ribus gratum palatui saporem reddit. Aliquod meæ in-  
natæ propensionis erga te pignus offerre tibi semper op-  
tabam, vt esset dedititij animi signum, quod erat reue-  
rentiæ incitamentum. Illo igitur supercilio, quo ingenij  
mei rudes partus aspicere priuatus solebas, eodem nunc  
volutare ne despicias, si quando ab importuna negocio-  
rum molestia vacare contigerit, & quem, vt tui amicissi-  
mum olim coluisti, nunc inter deuinctissimos Clientes  
asserere ne dedigneris; sunt enim generosi spiritus partes  
minima nec aspernari. Vale.

Ad



Ad eundem.

*Cum in Procuratorem Generalem eligeretur.*

Poësis.

**S** Vme chelym docti, qui proteris arua Lycei,  
En virtute tuus (Phæbe) Iacobus ouat.  
Euche Pierio ingentes modulamine dotes,  
Docticanum cantu da resonare nemus.  
Debita virtutis sunt præmia, adorea frontis,  
Quæ tu largiflua scis glomerare manu.  
Cynthia, tolle melos; auratis nocte capillis  
Serta, triumphali more recinge comas.  
Sollicitas tandem, Pater optime, mitte querelas,  
Mæstitiæ solitos fac reticere sonos.  
Vicit Io Virtus, vulgi labefacta furore  
Quæque diu iacuit semisepulta solo.  
Ep Iacobus habet meritos quos optat honores,  
Finibus in patrijs dona laboris habet.  
Nam reuocata forum Sophia Urbem leta reuisit,  
Tarpeiumque datur cernere posse iugum.  
Oria, segnities procul ocys, ardua regnat  
Virtus, Phæbea Daphnide cinctâ niter.  
Fortè animo Sophia viridaria leta colebant  
Lencius, ingenio pabula grata ferens.  
Indè stagiræi versat secreta profundi,  
Quidquid & omniparæ Matris origo ferat.  
Materies quod gignat opus; quid voluat olympum,  
Sidera quæ citius dextera siue rotet.

LA

Utque



Utque solum strictis amplexibus Amphitrite  
 Ambiat, atque aer sit per inane vagans.  
 Ignis an aetherei confinia terminet Axis,  
 An face perpetua corpora Sol foueat.  
 Ulcro progrediens Triadis miracula mente  
 Concipit, & Monadis, non titubante fide.  
 Lumine quo superi cernunt arcana Tonantis,  
 Quis Deus humanas sumpserit exunias.  
 Quae media aeternam valeant firmare salutem,  
 Quis vicia nobis munera morte tulit.  
 Talibus intentus, cupiens iuuenilia corda  
 Fingere, Praeceptor feruidus, ore tenat.  
 Dogmatibus positis, simulacrum indicere Martis,  
 Autumat, ut fiant docta Palestra Lares.  
 Concilium interea Patres ubi Parma resedit  
 Conglomerant; plausus dant, Iacobe, tibi.  
 Namque onus exercens suprema negocia nostri  
 Ordinis, Orbis ubi Legifer Arte sedet  
 Hic ferat (Agmen ait) nostrum sit lumen in Urbe,  
 Et gerat impavidus iussa probata Patrum.  
 Est potis eloquio sanctum penetrare Senatum,  
 Ingenio, & summum flectere Pontificem?  
 Maeste animo, generose Cliens Virtutis; Alumnus  
 Phabi, Cecropidum Romulidumque Nepos.  
 Quas animi, Linguaeque audent tibi texere Laudes,  
 Quas celebrata valet currere Fama plagas!  
 Certus amor fandi, nec non fiducia nostri  
 Carminis, haud speret Nomina ferre fati.  
 Non de Phaebea tantum desumere Lauro  
 Mens mea praesumat, scandat ad alta licet.

Non



*Non si Aganippæos hauriret pectore fontes,  
Siccaret sacras atque Heliconis aquas.  
Sola pares soluent pretiosa silentia laudes;  
Semper & in vastis, est voluisse satis.*

*Ad eundem.*

**EPIGRAMMA**

**C***erta Casinatum spes, inclyta fama Lycei,  
Cui Charis ambrosiam præbuit eloquium.  
Moribus innocuis ex aquas facta Catonis,  
Dum tua, non luxus; non Cypris ora domant..  
Te virtutis amor flectit, reuerentia Diuum;  
Quod pariter Pietas, Religioque probant..  
Hinc mortalis adhuc se se fama inserit Astris,  
Post fata ut longas ducat Olympiadas..*



**LE-**





## LECTORI AVCTOR.

**R**epositum est (Lector) Sanctissimi Parentis mei Benedicti vitam, à Magno Pontifice Gregorio conscriptam, Paraphrasi illustrare; quod, an quicquam antè patrauerit, ignoro. Nam licet Reuerendissimus P. D. Angelus Singrinus nostræ Congregationis dignissimus Abbas, ea qua feruebat pietate, illius miracula carminibus, nec non imaginibus, eo ordine quo à præfito scriptore recensentur, exornauerit, eius tamen intentio à Paraphrasi aliena fuit. Nos itaque dum hanc effecimus, minimè actum agimus, quamuis eiusdem ferè argumenti nostrum sit opus, quippè qui miracula, quæ de Sancto Patriarcha hominum conspectibus apponuntur ex secundo D. Gregorij Dialogorum traducta videntur. Germanum verborum sensum fideliter reddere, cumque metro, ac numeris, maiori qua potuimus concinnitate, alligare curauimus; licet difficile sit, in hoc genere compositionis, dulcissimum heroici carminis melos effundere, dum menti, textus compedibus, constrictæ, liberè per Pindi prata expatiari posse negatur. Non nullis tamen descriptionibus, ac Poetarum ornamentis facta præcipua effingere curæ fuit, ne opus insulsum exurgeret, & potius versificatoris, quam Poetæ partes agere diceremur. Nullatenus tamen fabulosis Musarum commentis historiæ candorem maculare volumus, sed simplici narratione, latine simul, & poeticè loqui; id est sermonis puritati absque humilitate, maiestati, absque timore seruire, satagemus. Id præcipuè fuit cordi, obsequium Genitori præstare; & illud otij, quod assidua Diuinarum laudem cura laxauit, in aliquod opus impendere, quod filialem deuotionem, & amorem erga illum testatam Orbi relinqueret. Hinc fugam, & ambitum, omnemque violentam culturam odimus ne  
B                    exe-




execrando vanitatis errore Religio exfordesceret. Initio cuiuslibet  
Capitis Tetrastichon inuenies, quod argumenti vim habet, suoque  
acumine Epigrammatis trabeam induit. Placuit etiam, in calce ope-  
ris nonnulla admouere, quæ tum geneologiam, tum Sancti Viri in-  
fantiam modulantur, ad legentium oblectamentum, vt esset vtilitas  
voluptati coniuncta, est enim Poetæ onus, non tam prodesse, quam  
delectare. Non ignoramus sciolos minimè defuturos, quibus hunc  
laborem nostrum capere, & lioris dente lacerare placuerit, vt potè  
ad alterius gloriam in sequendam intentos; sed ijs Musa nostra non  
arridet, qui ea, quæ non intelligunt spernunt, vel quæ gignere ne-  
queunt calumniantur. Non mundanam ex hoc opere auram aucu-  
pari cupimus, sed debitum Parenti honorem persolvere, eique quasi  
papyraceum sacellum erigere, quod ingentem animi reuerentiam,  
singularemque filij, quantumuis minimi, deuotionem declaret,  
quod non ingratum futurum spero, haud minus si ex pario ei lapide  
Templum construxissem. Parce igitur (Lector beneuole) si quid  
vel inscitia, vel nimia loquendi licentia balbutienti linguæ sugges-  
sit, quod errorem redoleat, nam difficile est in huiusmodi materijs  
non aliquando cæspitare; quod si operi faues, citò ad maiora canen-  
da nostram Thalamiam incitabis. Vale.

In

1

In vitam S.P. Benedicti Monachorum Patris  
Præmium Auctoris.



*Q*ua per nubiferas rupes, lucosque silentes  
Egerit, Occiduas qui primus duxit in oras  
Agmina queis taciti refouentur dogmata Claustrî,  
Mens pia deuoto gliscit percurrere plectro.  
Lumine, Sancte Parens, Celesti dirige Vatem;  
Da dulces nemoram pertingere mente recessus,  
Et decertatos recludere carmine Montes;  
Numine Romuleæ spresli quo gaudia Romæ,  
Antè rosas tegeret dubio quam vellere vultus  
Florea lanugo, primæ ornamenta iuuentæ:  
Miles ut exesi factus Puer incola saxi,  
Ingenuum tegmen villosa nebride obumbras.  
Tu, Sophe Christiadum, trino qui tempora seruo  
Comprimis, effulgens ex doctis quattuor unus,  
Gregori, inhexausto ditans pia flumine lingue  
Pectora, Cecropia madidus, latiaque Minerva.  
Te præeunte mei scrutabor gesta Parentis;  
Nam fictos cupio Phæbi procul esse furores,  
Castalidumque Choros, iactat quos vana vetustas.  
Te monstrante viam, Benedicti exordia pandam,  
Et Genus Augustum, mirandaque facta, Phalangas,  
Quæ nulla obscurat mendacis fabula fontis.



Proœmium S. Gregorij Papæ in vitam  
Sanctissimi P. N. Benedicti.



Vit vir vitæ venerabilis, gratia Benedictus, & nomine. Ab ipso pueritiæ suæ tempore cor gerens senile: ætatem quippe moribus transiens, nulli voluptati animum dedit. Sed dum in hac terra adhuc esset, quo temporaliter liberè vti potuisset, despexit iam quasi aridum Mundum cum flore. Qui liberiori genere ex Prouincia Nursiæ ortus, Romæ liberalibus litterarum studijs traditus fuerat. Sed cum in eis, multos ire per abrupta vitiorum cerneret, eum, quem quasi in ingressu Mundi posuerat retraxit pedem: ne si quid de scientia eius attingeret, ipse quoque in immane, præcipitium totus iret. Despectis itaque litterarum studijs, relicta Domo, rebusque Patris, soli Deo placere desiderans, sanctæ conuersationis habitum quæsiuit. Recessit igitur scienter nescius, & sapienter indoctus.

IN

## IN PROEMIVM S. GREGORII

## Paraphrasis.



Ir fuit eximij Benedictus nominis hares ,  
 Quem simul innumeris cumulauit Gratia donis .  
 Vix primo niueam decorabat flore iuuentam  
 Forma, serenato depingens ora nitore ,  
 Mellia dum prudens dominatur corda senectus ,  
 Et grauitas , Pueri residet sub fronte virilis ;  
 Namque tenella ætas veterum transcenderat annos ,  
 Surgenti cum luce animum sortita verendum ,  
 Indixit fragili Mundi diuortia menti .  
 Aptæ altis nondum curis , apparet adulta  
 Vis , nec docta vagæ dissoluere plectra loquæ .  
 Luminibus iuuenis , vultuque ciebat amores ,  
 Ad quos libertas luxus ancilla trahebat .  
 Quid subit ingenium , vanæque cupidinis æstum ,  
 Lætitiæ quicquid telluris & otia donant ,  
 Seruire haud renuunt Domini iuuenilibus ausis :  
 Omnia posthabuit superum generosus Achilles .  
 Qualiter orta suum florum Regina decorem  
 Perdit , Apollinei radij crescente vigore ,  
 Mane superba auidos florens cum spargit odores ;  
 Sic metuenda perit Benedicti in corde voluptas ,  
 Cuiubar ut nascens vitales exerit ignes .  
 Sic decreuit opes , & lubrica gaudia Mundi  
 Temnere , Romulidum , quæ caca superbia laudar ,  
 Et colere , æternas recto sub paupere gazas .

*Ardua*



*Ardua magnanimam dedit orbi Nursia Prolem ,  
 Terra potens armis , Heroum . atque inclyta Mater .  
 Nobili at ingenio propinat Palladis artes  
 Roma , illuc postquam Iuuenis vestigia torsit .  
 Ast ibi cum genti iam Ditis aperta paterent  
 Limina , cui noxæ maculant contagia mentem ;  
 Quo posuit veniens primum telluris ad auras  
 Ipse pedes , subito plantas , gressusque retraxit ,  
 Ne miserè pereat stygijs absorptus ab undis ,  
 Doctrinas nimium vulgi sectatus inanes .  
 Despiciat ergo Puer stultæ commercia Gentis ,  
 Et sophiæ ambages , & dogmata vana lycei ,  
 Quidue paterna Domus , proauitaque gloria iactat ,  
 Æthereis solum cupiens inhiare Triumphis ;  
 Hinc meliora virum , fugiens , consortia quarit .  
 Nescius ibat ouans , sapienti præditus arte ,  
 Ignarusque Sophus , nulli virtute secundus .*







## CAPVT PRIMVM.

*Quemadmodum contemptis litterarum studijs Mundo renuncia-  
uit : ac de Capisterij in duas partes confracti  
integra restauratione .*



Ita itaque cum iam relictis litterarum studijs  
petere deserta decreuisset ; Nutrix , quæ  
hunc arctius amabat sola secuta est . Cum-  
que ad locum venissent, qui Effide dicitur ,  
multisque honestioribus viris charitate se illic detinen-  
tibus in B. Petri Ecclesia demorarentur, prædicta Nutrix  
illius ad purgandum triticum à vicinis mulieribus præ-  
stari sibi Capisterium petijt : quod super mensam incau-  
tè derelictum , casu accidente fractum est , sic vt in duas  
partes inueniretur diuisum .

Quod



## TETRASTICHON I.

Palladias gaudet pessundare Nursius artes,  
 Diceret ut Mundo Miles: amice, vale.  
 Cælicus orantis mox vasa redintegrat ardor,  
 Vasa prius renuit qui pretiosa sequi.

## CAPVT PRIMVM.



Osthabitis igitur Cathedris, Helyconis & vndis,  
 Auia Tecta ardet scrutari, & sentibus apta  
 Culmina, conuallesque cauas, & scrupea saxa,  
 Nota feris tantum, rerum superoque Satori.

Lactcolis cuius siccauerat vbera labris  
 Altrix, fida suum, mærens, sequebatur ocellum.  
 Effidis paruos tandem tetigere Penates.  
 Hospitis utque noui vultus videre Coloni,  
 Egregiumque decus formæ, moresque pudicos,  
 Luminibus Petro cupiunt succedere sacris.  
 Ingentem pietatem animi, pectusque benignum  
 Mirati, facilis præbent consortia vita.  
 Hic vicina Nurus Cyrille commodat olim  
 Rustica vasa, datum Cereris purgare paranti.  
 Fortè cadunt, lapsuque simul franguntur eodem,  
 Et loca bina tenent, dura cecè cæsa bipenni.

C

Fæmina

Quod mox, vt rediens Nutrix illius inuenit, vehemen-  
tissime flere cæpit, quia vas, quod præstitum acceperat  
fractum videbat. Benedictus autem religiosus, & pius  
Puer, cum Nutricem suam flere conspiceret, eius dolori  
compassus ablatis secum vtrisque fracti Capisterij parti-  
bus, se se cum lachrymis ad orationem dedit; qui ab ora-  
tione surgens, ita iuxta se vas sanum reperit, vt in eo fra-  
cturæ vestigia nulla videri potuissent. Mox autem Nu-  
tricem blandè consolatus, ei sanum Capisterium reddi-  
dit, quod fractum tulerat. Quæ res in eodem loco à cun-  
ctis est agnita, & in magna admiratione habita.

Hoc



Examina mox rediens, vultus implevit aniles  
 Largifluis lacrymis, alieni ut fragmina cribri  
 Adspicit: afflicta tenero sed corde Parenti  
 Condoluit, casumque pius miseratus Alumnus,  
 Membra manu disiecta tenet, simul ordinat; atque  
 Vas fragile extinctæ sperat concedere formæ.  
 Tanta erat in superis puræ fiducia mentis.  
 Mox genibus flexis, versusque ad sidera vultus  
 Perfusus undis; palmas utrasque terendit,  
 Voluebatque imo tacitos in pectore questus,  
 Oppresseque petit reparari damna Parentis.  
 Vix niueo ore preces feruens explevit Ephebus,  
 Nectit inhonoræ cum dissita membra figuræ;  
 Apparet vasis diducta ruina refracti  
 Irrita, longævam soluens formidine Matrem.  
 Vulgantur subito tanti miracula Nati;  
 Obstupere Nurus, iuvenesque, senesque colentes  
 Oppida, miranturque piæ primordia prolis;  
 Quam, validas, sub corde faces adolcuit olympi,  
 Numinis ostendens se posse recludere fontes  
 Donorum, & superam votis deflectere mentem.

Hoc ipsum capisterium eius loci incolæ in Ecclesiæ ingressu suspendunt, quatenus, & præsentis, & futuri omnes agnoscerent Benedictus Puer à quanta perfectione capisset. Quod annis multis illic antè oculos omnium fuit, & usque ad hæc Longobardorum tempora super fores Ecclesiæ pependit. Sed Benedictus plus appetens mala Mundi perpeti, quam laudes, pro Deo laboribus fatigari, quam vitæ huius fauoribus extolli, Nutricem suam occultè fugiens, deserti loci secessum petijt, cui Sublacus vocabulum est, qui à Romana Vrbe quadraginta fere passuum millibus distans, frigidas, atque perspicuas emanat aquas. Quæ illic videlicet aquarum abundantia in extenso prius lacu colligitur, ad postremum vero in Annem deriuatur. Quo cum fugiens pergeret; Monachus quidam Romanus nomine, hunc eundem reperit, quo tenderet requisivit.

Huius



Vestibulum antè ipsum Templi mox Cribra reponunt,  
 Suspenduntque viri, ut cunctis memorabile factum  
 Clareseat, serisque trahat par fama nepotes,  
 Orbis & agnoscat fuerit quæ gratia Nati,  
 Vix cum prima bibit supremæ pocula vite.  
 Antè diu sacros aditus iuuenile pependit  
 Prodigium, scirent venturi ut facta Coloni;  
 Barbarus hoc hominum conspectibus abstulit ensis.  
 At Puer exosus mundanæ nomina laudis,  
 Æstiuas tolerare faces, Boreæque furores  
 Appetit; impastus longas & ducere lucas;  
 Altricis fugiens oculos, clam tecta requirit  
 Inuia, desertumque nemus, Rupeque rigentes,  
 Inter sublaci cautes, cecæque cauernas,  
 Quique quater decies Romana distat ab Arce  
 Millia, perspicuas ubi flumen congerit undas.  
 Copia namque lacum prius efficit; inde per Amnem  
 Diffusa; hinc longè nomen deponit, & imbres.  
 Solus ut obscuris sylvarum se occulit umbris,  
 Perque soli colles iuuenis descendit apricos,  
 Et saltus fugiens, superat vallesque profundas.  
 Quo peteret rigidi Romanus at incola Claustri  
 Obuius exquirat, quæ causa viæ impiger audit.

Vota

Huius cum desiderium cognouisset, & secretum tenuit,  
 & adiutorium impendit, eique sanctæ conuersationis  
 habitum tradidit, & in quantum licuit ministravit. Vir  
 autem Dei ad eundem locum perueniens, in arctissimo  
 specu se tradidit, tribusque annis, excepto Romano Mo-  
 nacho hominibus incognitus mansit.

Qui



Vota noui postquam Pater explorauit Alumni ,  
 Illius arcanum tacito sub pectore clausit ,  
 Distulit auxilium cupido nec ferre petentiis  
 Exanias Tyrio nam detrahit illita succo .  
 Villosque tegit puerilia membra cucullo ,  
 Fercula qua potuit lasitanti tum arte ministrat .  
 In latere aerij, qua vertice sidera lambit ,  
 Cernitur alta specus vacuo sub fornice Montis :  
 Interclusa viris domus, opportuna colubris .  
 Exesum caueis Antrum terebratur opacis :  
 Intus inaequali crescunt asarota figura .  
 Arte nec exstructum , cacas penetrare latebras  
 Agglomerat, tenebras, & muta silentia claudens .  
 Desuper ingressum per obesa foramina praebet ,  
 Quem currus medio librat dum Phœbus olympo  
 Vrit, & igniferis resouet laqueare quadrigis .  
 Hic audios habitare lupos , dirosque leones  
 Dixeris ; humanis imperuia semita plantis  
 Crescit , & horrificis umbrantur compita dumis .  
 Carceris in vacuo puerilia membra recondit  
 Roma us, spectant ubi ternæ germina messis ,  
 Tam benè nota Polo, quam Aulco incognita Mundo .

Per-

Qui videlicet Romanus non longè in Monasterio sub Theodati Patris sui regula degebat. Sed piè eiusdem Patris sui oculis furabatur horas, vt quem sibi ad manducandum surripere poterat, diebus certis Benedicto panem ferebat. Ad eundem vero specum à Romani cella iter non erat, quia excelsa desuper rupes eminebat; sed ex eadem rupe longissimo fune religatum Romanus deponere panem consueuerat. In qua etiam resti paruum tintinnabulum inseruit, vt ad illius sonum vir Dei conosceret quando Romanus sibi panem præberet, quem, exiens acciperet. Sed antiquus hostis vnus charitati inuidens, & alterius refectioni, cum quadam die submitti panem conspiceret, iactauit lapidem, & tintinnabulum fregit.

Roma.



Peruigil ille Pater Sancti Praeceptor Ephebi ,  
 Nubiferæ rupis crescentia claustra colebat ,  
 Desuper & plantis Pueri spelea premebat ,  
 Castra Teodatti, leges sectatus, & acta .  
 At pius inspector Romanus, fallere Patris  
 Lumina sollicitus, Benedicto alimenta parabat .  
 Nulla per abruptos aperitur semita montes,  
 Altori facile referens commercia Patri .  
 Limina Romani longè super Æthera surgunt ,  
 Despectantque specus latitans sub rupe cauata .  
 Arce sed ex alta calatho, longaue rudente ,  
 Impasto iuueni Cerealia dona ferebat .  
 Inferuit paruis resonantia signa canistris  
 Æris, ut oranti venientia pabula præstent .  
 Sed stygius coluber miratus lumine toruo ,  
 Quod manus auxilium oranti præbebat egeno ,  
 Protinus inuisus, præceps, incanduit hostis ,  
 Ardens inuidia, properat turbare paternum  
 Munus, & horrificis diuertere signa lacertis .  
 Projicit en audax baleari dextera funda ,  
 Inter quem rapuit lapidem Phlegetontis arenas .  
 Dira velut stridet neruo demissa sagitta ;  
 Eminus ille volans, arguta metalla refregit .

D

Mon-

Romanus tamen horis congruentibus ministrare non  
desijt. Cum vero Omnipotens Deus, & Romanum vel-  
let à labore quiescere, & Benedicti vitam in exemplum  
hominibus demonstrare vt posita super candelabrum  
lucerna claresceret, quatenus omnibus qui in domo Dei  
sunt luceret, cuidam Presbitero longius manenti, qui re-  
fectionem sibi in Paschali festiuitate parauerat, per visum  
Dominus apparere dignatus est dicens: tu tibi delicias  
præparas, & seruus meus illo in loco fame cruciatur. Qui  
protinus surrexit, atque in ipsa solennitate paschali cum  
alimentis quæ sibi parauerat, ad locum tetendit, & vi-  
rum Dei per abrupta montium, per concaua vallium,

*[Faint, illegible text, likely bleed-through from the reverse side of the page]*

per



Monticolæ equalis reparat solertia damnum  
 Romani, stygiæ fundæ, dextræque minacis;  
 Temporibusque statis tamen ora famelica nutrit.  
 Assiduum miseratus opus, longumque laborem  
 Numen, ut anxifera tandem daret otia menti,  
 Sollicitosque metus demat, Stimulosque paternos,  
 Sanguinis utque alti clarescat in orbe Propago,  
 Exemploque viam Populis aperiret Olympi.  
 Qualiter ostentant radiantis lumina, celsa  
 Candelabra facis, teretique foramine stringunt,  
 Cerca quæ vastum lustrant funalia Templum.  
 Abdita sic famuli Diuum Pater acta reuelat,  
 Obductumque iubar saxis, moresque nitentes  
 Christiadis, habitant qui lumen præbeat Ædem  
 Numinis, ut tanti radientur luce Magistri.  
 Paschali volente die iam pabula Mystes  
 Lautæ sibi, latus, curua glomerabat in arca.  
 Increpat Omnipotens auidi sed fercula amici  
 Noctæ sub obscura, visique in imagine somni:  
 His tua delicijs (ait) ò bone guttura farcis,  
 Dirus ut excruciat Benedictum feruor edendi?  
 Presbiter, attonitus visis, congesta resumpsit;  
 Per iuga mox Diuum quærens, in vallibus imis;

anlo

D

2

Sal

per defossa terrarum quæfuit, eumque latere in specu  
 reperit. Cumque oratione facta, benedicentes Dominum  
 confedissent: post dulcia vitæ colloquia, is qui aduenerat  
 Presbiter dixit: surge; sumamus cibum, quia hodie Pa-  
 scha est. Cui vir Domini respondit dicens: scio quod Pa-  
 scha est, quia videre te merui. Longè quippe ab homini-  
 bus positus, quod die eodem Paschalis esset solemnitas  
 ignorabat. Venerabilis autem Presbiter rursus asscruit  
 dicens: veraciter hodie resurrectionis Dominicæ Pascha-  
 lis dies est abstinere tibi minimè congruit, quia & ego  
 ad hoc missus sum, vt dona Omnipotens Dei pariter su-  
 mamus. Benedicentes igitur Deum, sumpserunt cibum  
 expleta itaque refectione, & colloquio ad Ecclesiam  
 Presbiter recessit.

Eodem



Saltibus inque feris, scrobibusque rigentibus antri  
 Conspicit hunc tandem, quem Calica visa reuelant.  
 Mox, precibus fufis, ambo sub Rupe sedentes,  
 Dulcibus eloquijs vultus solantur amicos,  
 Urbanaquē pari recreantur corda loquela.  
 Hospes at impasto verbis sic fatur Alumno:  
 Surge, dapes, Heros, aeterni munera Patris  
 Comprime; sunt Domini solennia gaudia Pasche.  
 Miles at inuentus repetit: sunt gaudia Pasche,  
 Cernere dum merui faciem, dextramque benignam.  
 Namque specus cultor, Mundū consortia spernens,  
 Annua surgentis nec nouit festa Satoris.  
 Mysta sacer subdit, superum Vir, vera loquenti  
 Crede; Triumphantis nostri lux alma reuexit  
 Facta Redemptoris, cohibens ieiunia Gentis.  
 Prouida me iussit tua querere Tecta voluntas  
 Numinis, ut superæ pariter nunc munera dextræ  
 Cederet, & vigili recrearet mente Clientes.  
 Æthere laudatos feriunt mox fercula morsu,  
 Oraque bina fouent blandè Cerealibus escis.  
 Cuncta leuant saturis precibus de more solutis,  
 Presbiter ad patrios gaudet remeare Penates;  
 At Criptæ cultor reuocare silentia promptus

Eodem quoque tempore, hunc in specu latitantem etiam Pastores inuenerunt; quem cum vestitum pellibus inter frutera cernerent, aliquam bestiam esse crediderunt. Sed cognoscentes Dei seruum esse eorum multi ad pietatis gratiam à bestiali mente mutati sunt. Nomen itaque eius per vicina loca cunctis innotuit. Factumque est, ut ex illo iam tempore à multis frequentari cœpisset. Qui cum ei cibos deferrent corporis, ab eius ore in suo pectore alimenta referebant vitæ.





Autumat; hinc tetrus vultus occludit in antris.  
 Depulit e stabulis ad gramina læta capellas  
 Pastor & herbiferi montis iuga celsa petiuit.  
 Hunc reperit quondam spelæa recurua prementem,  
 Hirsutis tectum villis, rigidoque Cucullo;  
 Inter sylvestres frutices; fera corpora belue  
 Tegmina dissimulant, & rustica lumina fraudant.  
 Cominus Heroem postquam videre Coloni,  
 Mentitos artus, humane & corpora stirpis;  
 Moribus excussis pecudum, mentisque ferinæ,  
 Religionem pia flagrantia pectora replent.  
 Namque viri nomen vicina per oppida currit,  
 Multifonisque tubis latitantis limina prodit,  
 Fama, sacrosque specus, & obesa foramina saxi.  
 Cæcus at innumerae Benedicti Gentis inundat  
 Atria: sed pius, indociles hic mollit Agrestes,  
 Compita qui nemorum, latebrosaque Tecta frequentant.  
 Inuento fert Turba viro quo pasceret artus:  
 Gentibus hic contra vitalia fercula frangit,  
 Cælestique cibum mortalia dona rependit.



## CAPVT SECVNDVM.

*Quemadmodum Auis Merula ei circa faciem infesta fuit volitans, ex quo valida carnis tentatio insecuta est.*

**Q**Vadam vero die, cum solus esset, tentator affuit. Nam nigra, paruaque auis, quæ vulgo Merula vocatur, circa eius faciem volitare cæpit, eiusque vultui importunè insistere, ita vt capi manu posset si hanc vir Sanctus tenere voluisset. Sed signo Crucis edito recessit auis. Tanta autem tentatio carnis aue eadem recedente secuta est, quantam Vir Sanctus nunquam fuerat expertus. Quandam namque foeminam aliquando viderat, quam malignus spiritus ante mentis eius oculos reduxit.



Tanto



## TETRASTICHON II.

Vt Paphijs feriat Benedicti pectora telis  
 Rex Erebi, obscuræ corpora fingit Auis.  
 Dum petit ora volans lasciuos excitat æstus;  
 Vulneribus Iuuenis vulnere fert & opem.

## CAPVT SECVNDVM.

**L** Vce Dei Miles quadam suprema reuoluens  
 Gaudia, solus erat turbarum teste remoto;  
 Perfidus Antra subit tenebrosa Impostor Aiuerni,  
 Obscuram simulans volucrem, Meruleque figuram.  
 Circinat alarum venerandos remige vultus  
 Ditis Auis, niueum tentans maculare pudorem,  
 Prædatorque Dei fieri malefidus amantis.  
 At Crucis Inferni dio manus ense fugauit  
 Pennigeram Prolem, volitantis & ora Colubri.  
 Ad sua carpit iter laruatus Tartara Dæmon:  
 Cypridis, at fugiens, lasciuos expuit ignes,  
 Motibus immodicis castos turbauit & artus.  
 Cordibus arma mouet, Cytherea dolosa, pudicis,  
 Et blandum mentita ciens in fœdera luxum,  
 Excitat insanos motus, æstumque proteruum;  
 Expertus similes nunquam sub pectore flammæ  
 Hic Iuuenis fuerat, sic Tartarus arietat hostes.  
 Virgineis olim, cernens, in vultibus Heros  
 Hæserat; hos candor miro variarat honore,  
 Fulgebatque genæ Tyrio saturata liquore  
 Purpura, Maiestasque simul regnabat in ore.  
 Virginis hæc species mentis bacchatur in aula;  
 Ingeniumque nouat festiue obliuia formæ.

E

Cre-

Tanto igne serui Dei animum in speciem illius accendit,  
 vt se in eius pectore amoris flamma vix caperet, & iam  
 penè deferere Eremum voluptate victus deliberaret, cum  
 subito superna gratia superueniente, ad semetipsum re-  
 uersus est, atque vrticarum, & veprium iuxta densa suc-  
 crescere fruteta conspiciens, exutus indumento, nudum  
 se in illos spinarum aculeos, & vrticarum incendia pro-  
 iecit, ibique diu volutatus, toto ex eis corpore vulneratus  
 exijt, & per cutis vulnera eduxit à corpore vulnus men-  
 tis, quia voluptatem traxit in dolorem.

Cum-



Crescit Amor, cordisque fibras temerarius urit,  
 Insanoque quatit Iuuenis praeordia motu.  
 At Puder ingenuus, stimulis agitatus iniquis,  
 Pectoris obsessas iam cedere cogitur Arces,  
 Sanctaeque dilectae confinia pulsus Eremitae,  
 Numinis auxilium praestet ni dextra labanti.  
 Gratia sydereis late stipata Manipulis,  
 Sedibus ex altis volitans cito corda serenat  
 Militis, & reneuat fragiles in corpore vires.  
 Impiger, hinc stygij restaurat bella Tyranni,  
 Cuspibusque nouis hostilia tela retundit.  
 Irruit, exuujs deiectis, nudus in hostem,  
 Arduus, & pectus dumis armauit acutis.  
 Corpora spinarum lacerantur acumine Diui,  
 Sanguineusque rubor rorantes inficit artus;  
 Hinc dolor Idalios sensus prostermit Amores,  
 Duplicat & fractas, repetito vulnere, vires.  
 Purpureis undis Benedicti membra natabant.  
 Iam confusa cadit carnis male sana voluptas,  
 Virgineique leuat Victoria signa Pudoris;  
 Sicque nouis stimulis, stimulos excussit iniquos.

Cumque pænalter bene arderet foris, extinxit quod illicite ardebat intus. Vicit itaque peccatum, quia mutauit incendium. Ex quo videlicet tempore, sicut post discipulis suis ipse perhibebat, ita in illo est tentatio voluptatis edomita, vt tale aliquid in se minimè sentiret. Ceperunt postmodum multi iam mundum relinquere atque, ad eius magisterium festinare, liber quippe à tentationis vitio, iam iure factus est virtutum Magister.



C A-



*Tela foris augent diras si vulnere penas ,  
 Intus at ardentem, patiendo, attemperat ignes .  
 Vicerat ergo luem, mutans incendia, mentis .  
 Postquam sic domuit sensum, motusque rebelles  
 Pectoris, illecebris, dumum mucrone, refractis .  
 Exstinxit fragili varios in carne tumultus ,  
 Sedauitque ferum iuuenilis corporis æstrum .  
 Ulterius flammæ blandæ tolerasse nec, inquit ,  
 Matris Acidaliæ, victo certamine Prolis .  
 Postmodum Turba, Ducis Benedicti castra sequuta ,  
 Caput damnosæ Mundi contemnere curas .  
 Namque cupidineis potuit qui ponere legem  
 Ignibus, ignaras mentes mox legibus arctis  
 Erudit, exercens virtutum iura Magister .*



T E.

## CAPVT TERTIVM.

*Quomodo Monachorum illic vicinorum pulsatus precibus in  
eorum Abbatem est assumptus.*

**R**Ecedente igitur tentatione Vir Dei, quasi spinis  
exutis excolta terra, de virtutum segete feracius  
fructum dedit. Præconio itaque eximie conuersationis  
celebre nomen eius habebatur. Non longè autem Mo-  
nasterium fuit, cuius Congregationis Pater defunctus  
est, omnisque ex illo Congregatio ad eundem venerabi-  
lem Benedictum venit, inagnis precibus vt eis præesse  
deberet petijt. Qui diu negando distulit, & suos, illorum-  
que fratrum mores conuenire non posse prædixit; sed vi-  
ctus tandem precibus assensum dedit. Cumque in eodem  
Monasterio regularis vitæ custodiam teneret, nulliq; (vt  
prius) per actus illicitos in dexteram, læuamq; partem de-  
flectere à conuersationis itinere liceret, suscepti fratres in-

fanè



## TETRASTICHON III.

Proxima surgentis famam mirata Caterua,  
 Herois voluit subdere colla iugo.  
 Paruit inuitè precibus: dum pocula vitæ  
 Suggestit, huic lethi pocula Turba parat.

## CAPVT TERTIVM.

**C**esserunt fedi tandem oblectamina Amoris.  
 Terra velut tribulis ferro purgata tenaci,  
 Nobiliora refert sudanti dona Colono;  
 Nursius haud aliter Miles, terebratus acutis  
 Vepribus, extincto iamque irritamine noxæ,  
 Auxit in immensum laudatæ nomina famæ,  
 Namque seges, fuso virtutum semine crevit.  
 Longè haud Cœnobium viduatum luce Parentis,  
 Orbatis optat Diuum succedere Claustris;  
 Cætus namque Virum supplex, genibusque volutus  
 Syluicola, studuit precibus deflectere mentem.  
 Ille diu renuit regimenque subire negavit;  
 Dissimilesque sui mores optata retardant.  
 Namque Dei Miles rigidi seruator honesti,  
 Discordes animos aperit, casusque futuros.  
 Annuit at votis Cunei consortia præbens.  
 Iamque Lares sacros zelo moderatus amico,  
 Amouet obscenos actus, gressusque retortos,  
 Auia ne quisquam flexi per compita callis  
 Iret, at in frænos componere disceret actus.

Savit

sanè sæuientes, semetipsos prius accusare cæperunt, quod hunc sibi præesse poposcerant. Quorum scilicet tortitudo in normam eius rectitudinis offēdebat. Cumque sibi sub eo conspicerent illicita non licere, & se dolerent assueta relinquere, durumque esset, quod in mente veteri cogeantur noua meditari; sicut prauis moribus semper grauis est vita bonorum, tractare de eius morte aliquid conati sunt. Qui inito consilio, venenum vino miscuerunt. Et cum vas vitreum, in quo ille pestifer potus habebatur, recumbenti Patri, ex more Monasterij ad benedicendum fuisset oblatum, Benedictus, extensa manu signum Crucis edidit, & vas quod longius tenebatur, eodem signo rupit, sicque confractum est, ac si in illo vase, mortis, pro Cruce lapidem dedisset. Intellexit protinus vir Dei, quia potum mortis habuerat, quod portare non potuit signum vitæ.

Atque



*Sæuijt insani Cætus odium , inque Parentem  
 Irruit, indigno male sanæ murmure linguae;  
 Se prius incusans rigido parere Magistro  
 Dum patitur, nec prima valet Vestigia Patris  
 Tuta sequi, innocuumque Viri decurrere callem;  
 Dum licuit nullas, tanto sub Præside, noxas  
 Iam vitiosa Cohors, vix assueta supernis,  
 Sectari, & trito legum deflectere sensu.  
 Improbus utque boni semper commercia spernit;  
 Autumat insontem placido detrudere letho  
 Agglomerata simul gens, consilioque peracto,  
 Parricida; truci complet digesta veneno,  
 Vipereum miscens rubicundo nectare virus.  
 Obtulit at postquam spumantia cymbia Patri,  
 Elateque manus Dia Cruce pocula signant,  
 Propinata fero crystallus plena Lyæo;  
 Scinditur in partes geminas, atque humor Iacchi  
 Funditur, infesta fuerit cœu caute petitum.  
 Accipit extemplo Domini Vir pocula, lethi  
 Ferre delos, renuunt dum humanæ signa salutis.*

F

Hinc

Atque illò surrexit, & vultu placido, mente tranquilla,  
conuocatos fratres allocutus est dicens. Misereatur ve-  
stri, fratres, Omnipotens Deus, quare in me facere ista  
voluistis? Numquid non prius dixi, quia vestris, ac meis  
moribus non conueniret? Ite, & iuxta mores vestros vo-  
bis Patrem quærite, quia me post hac minime habere  
potestis. Tunc ad locum dilectæ solitudinis redijt, & so-  
lus in superni inspectoris oculis habitauit secum.



C A.



*Hinc celer, aſurgens, venerabilis ore Magiſter  
 Blandiloquo, placidus, crudos affatur Alumnos:  
 Diluat Omnipotens veſtræ contagia noxæ;  
 Irrita cur patriæ properatis funera vitæ?  
 Iam prius explicui, quæ ſit diſcordia morum;  
 Uſque labor varias fruſtrâ contexere curas  
 Tentaret, mentesque vagas cohibere pararet.  
 Ite modo, & ſimilem vobis perquirite Patrem,  
 Qui ſciat æqualem Soboli præſcribere legem;  
 Namque meæ vires vanè conamina fundunt;  
 Ferula degeneri proli præbere reuſo.  
 Limina prima petit chara Benediſtus Eremitæ,  
 Solus ut æterni meditetur lumina Patris.*



## CAPVT QVARTVM.

*Quemadmodum construxit S. Benedictus duodecim Cœnobia ,  
& de susceptione Mauri , & Placidi  
puerorum illustrium .*

**C**VM Sanctus Vir diu in eadem solitudine virtutibus, signisque succresceret, multi ab eo in eodem loco, ad Omnipotentis Dei sunt seruitium congregati; ita ut illic duodecim Monasteria, cum Omnipotentis Iesu Christi Domini nostri opitulatione construeret; in quibus, statutis Patribus, duodenas Monachos deputauit, paucos vero secum retinuit, quos adhuc in sua præsentia erudiri iudicauit. Cæperunt etiam tunc ad eum Romanæ Urbis nobiles, & Religiosi concurrere, suosque ei filios Omnipotenti Domino nutriendos dare. Tunc quoque bonæ spei suas soboles Euthitius Maurum, Tertullus vero patricius Placidum tradidit. Ex quibus Maurus cum bonis polleret moribus Magistri adiutor cæpit existere: Placidus vero puerilis adhuc indolis annos gerebat.

C A



## TETRASTICHON IV.

Erexit duodena Pater Penetralia Alumnis,  
 Eloquij sacris quos alit vberibus.  
 Hinc Placido, Mauroque dapes propinat Olympi,  
 Effigiemque ferunt corda tenella senis.

## CAPVT QVARTVM.

**S**yluicolæ iam fama omnes diffusa per aures,  
 Mille tubis latè Iuuenis miracula prodit.  
 Turba virum cupiens magno seruire Tonanti,  
 Ad nemorum curat, feruens, properare recessus,  
 Amplexata Dei legem, monitusque paternos.  
 Hinc bis sena illic Penetralia sacra locauit,  
 Numinis auxilio fretus, Gentisque labore.  
 Liminibus struētis, duodenos donat Alumnos,  
 Detinet & paucos secum queis pabula vocis  
 Instillat, superis, & legibus erudit vltro.  
 Traxit ab Ausonia tunc Legifer Vrbe Quirites,  
 Fascibus insignes, ardentis subdere Patri  
 Crescentes Soboles, aperiat quibus alta Polorum  
 Arcana, excelsasque vias, & compita Diuum.  
 Eutichius Maurum; Placidum Tertullus alendos  
 Adduxere sibi: puerilia corda gerebat  
 Iste; sed ille prior teneros superebat Ephebos;  
 Integer, & nulli seniorum, more secundus;  
 Hinc capit patrij socius mox esse laboris.

T E.

## CAPVT QVINTVM.

*De Monacho cum nullo pacto posset crare virga à S.P.  
Benedicto percusso.*

**I**N vno autem ex eis Monasterijs, quæ circumquaque construxerat; quidam Monachus erat, qui ad orationem stare non poterat. Sed mox vt fratres se ad orationis studium inclinarent, ipse egrediebatur foras, & mente vaga terrena aliqua, & transitoria agebat: cumque ab Abbate suo sæpius fuisset admonitus, ad virum Dei deductus est. Qui ipse quoque eius stultitiam vehementer increpauit, & ad Monasterium reuersus, vix duobus diebus Viri Dei admonitionem tenuit. Nam die tertio ad vsum proprium reuersus vagari tempore orationis cepit. Quod cum seruo Dei, ab eodem Monasterij Patre, quem constituerat, nunciatum fuisset, dixit: ego venio, eumque per me metipsum emendo. Cumque Vir Dei venisset in eodem Monasterio:

Et



## TETRASTICHON V.

Dum meditata precum refugit consortia Alumnus,  
 Verbere confirmat corda proterua Pater.  
 Ipse manu, duroque potens, Benedicte, flagello  
 Corda furore pius, non pietate leuas.

## CAPVT QVINTVM.

**V**Na Domus precibus Monachum indulgere negantem  
 Ingemit: hic sociam declinans sepe Cateruam,  
 Soluere continuos renuebat Numini honores,  
 Vota Chorus postquam supplex ad sydera voluit;  
 Namque vagus, nugis fallebat temporis horas.  
 Increpat hunc Rector frustra; namque ipse proteruus,  
 Spernere nec timuit mandata, minasque Magistri.  
 Insani cordis Benedictus deuouet ausus  
 Ipse quoque obiurgans factum, mentemque vagantem.  
 Corruptus Iuuenis, monitum de corde repellit  
 Ante soli Eoas quam Titan flammeus oras  
 Ter lustrat, referens hominum commercia terris.  
 Dum caput Æquoreis iterum solexerit undis,  
 Tertiaque aethereo lux aurea splendet Olympo,  
 Sacra Cohors solito Davidis carmine laudes  
 Soluit vix superis, cum Frater, mente rebeli,  
 Deserit orantes, & lata per arua recursat.  
 Nursius ast Heros ferat ut medicamina proli,  
 Ecce ego iam veniens male sani pectoris æstrum  
 Insequar, & proprijs curabo viribus agrum.  
 Canobijs subito Benedictus Claustra petiuit;

Tem-

Et constituta hora, expleta psalmodia, se se fratres in orationem dedissent: aspexit quia eundem Monachum, qui manere in oratione non poterat, quidam niger puerulus, per vestimenti fimbriam foras trahebat. Tunc eidem Patri Monasterij Pompeiano nomine, & Mauro Dei famulo secreto dixit. Nunquid non aspicitis quis est, qui istum Monachum foras trahit? qui respondentes dixerunt, non. Quibus ait. Oremus, vt & vos etiam videatis quem iste Monachus sequitur. Cumque per biduum esset oratum, Maurus Monachus vidit, Pompeianus autem eiusdem Monasterij Pater videre non potuit. Dic igitur alia;

exple-



Temporibusque statis, Iesseo carmine dicto,  
 Numina cum tacito Cælestia corde lacescit  
 Turma virum, inspectat renuentem mente precari,  
 Quod stygius iuuenis præcinctus fraude, dolisque  
 Tegmine constricto miserum, diuellit Alumnum.  
 Rectori Cætus, Benedictus gesta reuelat,  
 Nec non & Mauro: nequeunt hi cernere factum.  
 Numquid, ait, vestri non conspexere trahentis  
 Corpora, non oculi flectentis corda Clientis?  
 Cernere tunc gemini Proceres narrata negarunt.  
 Sollicitate, refert, intentis pectora Diuum  
 Mentibus, ut vobis fas sit spectacula monstri  
 Aspicere, & qualis fugientem vellicet hostis.  
 Ingeminant tunc vota viri, nec fundere voces  
 Cessarunt, geminos dum Lucifer Axe rotatus  
 Perficit hinc calidis Cælos clamoribus implent.  
 Postera namque dies concessit munera Mauro  
 Infestæ prolis cupienti cernere vultus.  
 Talis nulla datur tibi, Pompeiane, potestas.  
 Tertia flammigeram lux vexit ut alma quadrigam.

G

Ex-

expleta oratione, Vir Dei Oratorium egressus: stantem Monachum foris reperit: quem pro cæcitate cordis sui virga percussit. Qui ex illo die nihil persuasionis vltius è nigro puerulo pertulit: sed ad orationis studium immobilis permansit. Sicque antiquus hostis dominari non ausus est in eius cogitatione: ac si ipse percussus fuisset ex verberare.

## CAPVT SEXTVM.

*Quomodo ex montis rupe aquam eduxit ad Monachorum preces.*

**E**X his autem Monasterijs, quæ in eodem construxerat loco, tria sursum in rupibus montis erant: & valde erat fratribus laboriosum semper ad lacum descendere, vt aquam haurire debuissent: maximè quia ex deo exo montis latere erat grande descenditibus in itinere periculum. Tunc collecti fratres ex eisdem tribus Monasterijs, ad Dei famulum Benedictum venerunt dicentes. Laboriosum est nobis propter aquam quotidie ad lacum descendere: & id circo necesse est ex eodem loco Monasteria mutari.

Quos



*Expletis precibus, Benedictus deserit Ædem,  
 Distractumque virum reperit per prata vagantem;  
 Tunc Pater armauit crudeli verberare dextram,  
 Impavidus patrio præcuntem plenus amore  
 Insequitur, geminansque minas exasperat artus.  
 Mox ager, Hygio numquam subductus Ephēbo,  
 Assiduus, semperque crans immobilis hæsit.  
 Sic illusus abir stultus deceptor Auerni,  
 Vtlerius facilem veritus subvertere mentem,  
 Flagra velut Monstri Ditis si terga notassent.*

## TETRASTICHON VI.

*Vt Genitor cupidis ferret solatia Natis,  
 Præpoperè è celsis defluit vnda iugis.  
 Mentis vt ardor aquas ad sicca cacumina traxit,  
 Orantis latices flamma beata parit.*

## CAPVT SEXTVM.

**T***Ecta tria in celsis erexit montibus Heros  
 Nursius, vt sobolis fundamina prima locauit;  
 Non illic riui recreabant guttura lymphis,  
 Atque lacus distans miseros lassabat Alumnos.  
 Nam conuexa iugi metuenda pericla minantur,  
 Nec faciles cursus distans ad flumina vallis  
 Præbuit; hinc humeris graue fit tolerare laborem.  
 Plurima Turba trium latè congesta locorum,  
 Impatiens tam dura pati, Patris ora fatigat,  
 Enixeque rogant alibi Magalia planct.*

G 2 Nam

Quos blandè consolatos dimisit : & nocte eadem , cum  
 paruo nomine Placido, eiusdem montis ascendit rupem ,  
 ibique diutius orauit : & oratione completa tres petras in  
 loco eodem pro signo posuit : atque ad suum, cunctis illic  
 nescientibus Monasterium redijt . Cumque die alio , ad  
 eum pro necessitate aquæ, prædicti fratres venissent , di-  
 xit . Ite, & rupem illam in qua tres super inuicem positas  
 petras inueniretis, in modico cauate . Valet enim Omni-  
 potens Deus , etiam in illo montis cacumine aquam pro-  
 ducere, vt vobis laborem tanti itineris dignetur auferre .  
 Qui euntes, rupem montis quam P. S. Benedictus prædi-  
 xerat , iam sudantem inuenerunt . Cumque in ea conca-  
 uum locum fecissent , statim aqua repletus est.

Quæ



Nam Fluvius currit qui prodigus imbre perenni,  
 Diffusus indigenis latices deuoluit auaros.  
 Legifer at verbis maestos solatus Alumnos,  
 Ad solitos hilari dimisit corde Penates.  
 Texerat inuisa latas ferrugine terras  
 Nox eadem, flammaque caui per compita Cæli  
 Errabant, rutilo spargentes crine nitores,  
 Cum Vir sidereus, Placido sociatus, ad alta  
 Clam iuga conscendens, supplex ibi Numen adorat,  
 Tergeminosque loco silices erexit eodem;  
 Mox tacitus rediens, dilecta ad Tecta meauit.  
 Altera lux properans afflictos visere Fratres,  
 Hos iterum cogit patrios exquirere vultus.  
 Ite, ait, & ternos lapides in montibus Heros  
 Vestigate; soli fortis mox dextra ligone  
 Viscera perfodiat; poterit vis magna Tonantis  
 Rupibus in celsis liquidos haurire liquores,  
 Amodo ne vestros lasset labor improbus artus.  
 En festinus abit Cærus, lapidesque natantes  
 Inuenit, atque nouo latices de fonte scatentes.  
 Ipse caua vitreas Grex in scrobe congerit undas,  
 Quam subito obducunt exorta flumina lymphæ.

Quæ tam sufficienter emanauit; vt nunc vsque vbertim defluat: atque ab illo montis cacumine vsque ad inferiora deriuetur.

## CAPVT SEPTIMVM.

*Quemadmodum ferramentum Coloni in aquam excussum,  
ad proprium reuocauit manubrium.*

**A**Lio quoque tempore Gothus quidam pauper spiritu ad conuersionem venit, quem Vir Domini Benedictus libentissimè suscepit. Quadam verò die ei ferramentum dari iussit; quod ad falcis similitudinem falcastrum vocatur, vt de loco quodam vepres absunderet, quatenus illic hortus fieri deberet. Locus autem ipse, quem mundandum Gothus susceperat, super ipsam lacriam iacebat. Cumque Gothus idem densitatem veprium toto virtutis annisu succideret; ferrum de manubrio profiliens in lacum cecidit: vbi scilicet tanta erat aquarum profunditas, vt spes requirendi ferramentum nulla esset. Itaque ferro perduto, tremebundus ad Maurum Monachum Gothus cucurrit, damnum quod fecerat nunciauit, & reatus sui egit penitentiam. Quod Maurus quoque Monachus, mox Benedicto Dei famulo curauit indicare. Vir igitur Domini Benedictus, hæc audiens, accessit ad locum; tulit de manu Gothi manubrium, & misit in lacum:

& mox



*Late fudit aquas fons : nunc quoque vena perennis  
Ima petit, rupemque rigat, lucosque iacentes,  
Atque caput vitreo fluuij sub gurgite condit.*

## TETRASTICHON VII.

*Nisibus vt totis inimicum dextra vepretum  
Purgat agrestis, aquis falx natat acta lacus.  
Hanc, Benedicte, vocas : en sponte manubria lambit,  
Et sine peruolitans pondere pondus ouat.*

## CAPVT SEPTIMUM.

**E***xigua mentis vir quondam, sanguine cretus  
De Gotico, rigidus cupiens componere mores;  
Claustra premit; Sanctus Pater excipit ore sereno.  
Iussit at hunc primum crescentem, falce tenaci,  
Dumorum sobolem pingui diuellere terra,  
Germen vt inuisum meditatatis cederet hortis.  
At Gothus audaci fusas ferit impete lappas  
Terque, quaterque manus teretem cum deserit hastam  
Profiliensque laci ferrum celer ima petebat.  
Irrita vota dabat magnarum mollis aquarum  
Congeries; chalybem spe vir querebat inani  
Amissum; Mauro casus ex ordine pandit,  
Criminis & noxam lacrymarum fonte piauit.  
Maurus at audenter Genitori cuncta reuelat,  
Euentumque rei, submersi & pondera ferri.  
Audijt afflictus casum Benedictus Alumni  
Protinus, accurrens, capulum quod dextra regebat  
Masta Gothi accepit, liquidasque immergit in undas;*

*En*

& mox ferrum de profundo redijt, atque in manubrium intrauit. Qui statim ferramentum Gotho reddit dicens: ecce labora, & noli contristari.

## CAPVT OCTAVVM.

*Quonam pacto Maurus iussu S. P. Benedicti super undas perexit, atque Placidum eduxit ex aquis.*

**Q**Uadam vero die, cum idem Venerabilis Benedictus in cella consisteret, prædictus Placidus puer Sancti Viri Monachus, ad hauriendum aquam de lacu egressus est. Qui vas quod tenebat in aquam incautè submittens, ipse quoq; cadendo secutus est. Quem mox vnda rapuit, & penè in vnius sagittæ cursum à terra introrsus traxit. Vir autem Dei intra cellam positus hoc protinus agnouit: & Maurum festinè vocauit dicens: frater Maure curre:

quia



*En ferrum baculo (mirum) copulatur aduncum ,  
 Reptabatque celer vasti per inane profundi ,  
 Donec cognato vinxit sua corpora ligno .  
 Squamea vix citius discurrens Turba natantum  
 Æquora salsa secat : Volucrum vel, præpete penna ,  
 Regina , aerei transcendit culmen Olympi .  
 Ad capulum postquam redijt falx , fonte relicto ,  
 Sana Parens trepido reddens hastilia Fratri ,  
 Ecce labora, inquit, pauidosque retunde tumores .*

## TETRASTICHON VIII.

*Protinus exequitur Maurus dum iussa Parentis ,  
 Ceu tellus , celeres sustinet vnda pedes .  
 Terga premens liquidi demissus marmoris Heros ,  
 Instabiles motus dedidicistis, aquæ .*

## CAPVT OCTAVVM.

**S***Tabat Aniciadum camera sub fornice Proles ,  
 Cum Puer innocuus Tertulli nobile germen ,  
 Relligione sacer , Sancti Genitoris ocellus ;  
 Egressus, gelidos quærens haurire liquores ,  
 Dum vas conspicuis, incautè, creditur vndis ,  
 Insequitur Placidus submittens corpora lymphis .  
 Haud secus vndifono Iuuenis deglutitur ore ,  
 Ac celer acrij Threißa sagitta cacumen  
 Tractus perficiat , dextra curuante balistam ;  
 Accelerat sic vnda rapax demergere Natum .  
 Cuncta Parens inter tecti penetralia nouit ,  
 Cum subitò Maurum reperitis vocibus ultro*

H

Com-

quia puer ille, qui ad hauriendam aquam perexerat in la-  
cum cecidit, iamque eum longius vnda traxit. Res mira,  
& post Petrum Apostolum inusitata. Benedictione ete-  
nim postulata, atque percepta: ad Patris sui imperium  
concitus perexit Maurus; atque vsq; ad eum locum, quo  
ab vnda ducebatur puer, per terram se ire existimans, su-  
per aquas cucurrit, eumque per capillos tenuit, rapidoq;  
cursu redijt. Qui mox vt terram tetigit, ad se reuersus post  
terga respexit, & quia super aquas cucurrisset expauit.  
Et quod præsumere non poterat vt fieret miratus extre-  
muit factum. Reuersus ad Patrem rem gestam retulit.  
Vir autem Venerabilis Benedictus, hoc non suis meritis  
sed obedientiæ illius deputare cæpit. At contrâ Maurus  
pro solo eius imperio factum dicebat; seque conscius il-  
lius virtutis non esse, quam nesciens fecisset.

Sed



Compellat, socium velox on dirripit, infit,  
 Vnda vadis auxilium tardes ne ferre ruenti;  
 Eripe membra tui fratris subitura periculum,  
 O noua facta viri, solus que Clauiger Aulae  
 Caelestis, vidit, siccis cum Cerula plantis  
 Calcauit, Dio fluctus placante Magistro.  
 Impiger at Maurus, iam Patri poplite flexo,  
 Accurrens, pedibus non vdis proterit undas.  
 Obriguere metu lymphæ, cum Sancta Parentis  
 Imperia exequitur luuenis: ferus horruit humor,  
 Restituitque virum; strictis nam crinibus illum  
 Incolumem Maurus labentem ad littora traxit.  
 Ut vada conspexit, vastæque voraginis antrum,  
 Tutus in extensæ persistens margine ripæ,  
 Centremuit; steteruntque comæ; circumdedit horror  
 Pectora, mox gelido vultus maducre liquore.  
 Quodque nec humanæ possent exposcere vires,  
 Miratus, stupuit tanti miracula facti.  
 Cuncta suo, rediens, edixit gesta Parenti.  
 At meritò Mauri, Genitor, qui paruit alto  
 Imperio attribuit; iussis hic donat honorem,  
 Qui nec opus cupido sub pectore voluerat ante.

H 2

Dum.

50  
Sed in hac humilitatis mutuæ amica contentione accessit arbiter Puer, qui ereptus est. Nam dicebat. Ego cum ex aqua traherer, super caput meum Abbatis melotem videbam, atque ipsum me ex aquis educere considerabam.

## CAPVT NONVM.

*De Florentij Presbiteri subito casu, & morte.*

**C**Um iam loca eadem in amore Domini Iesu Christi longè, lateque feruescerent, ac sæcularem viam multi relinquerent: & sub leui Redemptoris iugo ceruicem cordis edomarent: sicut mos prauorum est inuidere alterius virtutis bono, quod ipsi habere non appetunt: vicinæ Ecclesiæ Presbiter Florentius nomine, antiqui hostis malitia percussus, Sancti Viri studijs cepit æmulari, eius quoque conuersationi derogare quousque etiam posset ab illius conuersatione compescere.

Cumque



*Dumque fouent humili amborum praeordia sensu;  
 Arbitr ecce venit furibundi fluminis esca,  
 Hic ait: ò Genitor celsi seruator Olympi,  
 Cum me raptabat subitarum feruor aquarum,  
 Abbaris super atra caput melota pependit;  
 Illius auxilio, credam, eluxisse profundum.*

## TETRASTICHON IX.

*Dum lacerat Myſta infantis Patris ore maligno  
 Facta, citò ſtygias cogitur ire vias.  
 Nam cecidere lares, Sancto Genitore repulſo;  
 Hæc odi tantum dona triumphus habet.*

## CAPVT NONVM.

**I***Am conſtructa magis ſeruebant Atria amore  
 Numinis; hinc multos flammata Caterua trahebat.  
 Nam Gens indomitos mores ſub lege coercens,  
 Colla iugoque premens, ſoli ſeruire Tenanti  
 Gaudet, & aſſiduis animos frenare rebelles  
 Fuleribus, ac Vanos Mundi contemnere luxus.  
 Aſſolet utque bonos Grex obtenebrare nocentum  
 Inuidia ſtimulis, ſtygioque armata Veneno  
 Ore ferit mores, quos nulla peſſidet arte.  
 Myſta colens quidam Sancti vicinia Cætus,  
 Cui peſtes Erebi dederunt prætexere fraudes,  
 Et niueas hominum verbis ſubuertere mentes:  
 Caperat anguiferis odijs turbare Parentem,  
 Æmulus, & ſtudijs Sanctos agitare ſodales,  
 Atque pios animos fallaci flectere verbo.*

*Aspi-*



Cumque se iam conspiceret eius profectibus obuiare non posse: & conuersationis illius opinionem crescere, atque multos statum vitæ melioris, ipso quoque opinionis eius præconio indefinenter vocari: inuidiæ facibus magis, magisque succensus deterior fiebat: quia conuersationis illius habere appetebat laudem; sed habere laudabilem vitam nolebat. Qui eiusdem inuidiæ tenebris cæcatus; ad hoc usque perductus est, vt seruo Omnipotentis Domini infectum veneno panem quasi pro benedictione transmitteret, quem Vir Dei cum gratiarum actione suscepit, sed eum quæ pestis lateret in pane non latuit: Ad horam verò refectionis illius ex vicina sylua coruus venire consueuerat, & panem de manu eius accipere. Qui cum more solito venisset, panem quem Presbyter transmiserat Vir Dei antè coruum proiecit, eique præcepit dicens. In nomine Domini Iesu Christi tolle hunc panem, & tali eum in loco projice, vbi à nullo homine possit inueniri. Tunc coruus aperto ore, expansis alis circa eundem panem cœpit discurrere, atque crocitare ac si

apertè



Aspicit hostis iners artes nil ledere Diuum,  
 Illius atque magis vires extendere famam,  
 Nomen & innumeras Cetus glomerare Phalanges.  
 Presbiter inuidie liuenci percitus æstro,  
 Deterior factus, frendebat dentibus aris;  
 Crescentisque viri clarum affectabat honorem,  
 Moribus ast æquis sectari facta negabat.  
 Perfidus hinc hostis, furis agitatus Auerni,  
 Fila dolis patriæ studuit præscindere vitæ  
 Colehidis arte, regens modico sub pane venenum.  
 Abnuat haud Mystæ Cerealia dona Magister  
 Hinc Largitori reddit pro munere grates.  
 Non tamen huic latuere doli, fraudesque paratæ.  
 Agmina dum Fratrum solito de more recumbunt  
 Mensis, iam latitans inter confinia syluæ  
 Coruus, ab innocua Benedicti sumere dextra  
 Annonam solitus, tempus speculatur edendi.  
 Euolat assuetis ater cum plausibus Ales;  
 Munificus dator huic offert circumlita viro  
 Munera; præcipiens Regis sub nomine Olympi,  
 Ut cereale datum humano celaret ab ore.  
 Circinat at crocicans fatalia pabula coruus;

Ora

54  
apertè diceret; obedire se velle, & tamen iussa implere  
non posse. Cui Vir Domini iterum, atque iterum præci-  
piebat dicens: Leua securus, atque illuc projice, vbi inue-  
niri non possit. Quem diu demoratus, quandoque coruus  
momordit, leuauit, & recessit. Post trium vero horarum  
spatium, abiecto pane redijt, & de manu hominis Dei an-  
nonam, quam consueuerat accepit. Venerabilis autem  
Pater contra vitam suam inardescere Sacerdotis ani-  
mum videns, illi magis, quam sibi doluit. Sed prædictus  
Florentius, quia Magistri corpus necare non potuit, se ad  
extinguendas discipulorum animas accendit; itaut in  
horto cellæ cui Benedictus inerat, antè eorum oculos nu-  
das septem puellas

mitteret



Ora aperitque tremens; nigrantes explicat alas;  
 Discurrensque diu, petuit qua voce professus,  
 Se parere suo Domino, nec velle morando  
 Spernere iussa, timens, Patris, quæ implere nequibat.  
 Ast iterum, atque iterum verbis obiurgat amaris  
 Nursius hunc, cogens mandata facessere Rector.  
 Tuus, ait, crustum rostrata forcipe stringe;  
 Deijce namque locis, humanis gressibus altè  
 Tectis, ignaram valeat ne ledere plebem.  
 Restitit ille diu, accepit tandem, atque recessit.  
 Tertia sed postquam reuoluti temporis hora  
 Expleuit metam, proiecto pane, remensus  
 Est iter Ales, et annonam, præbente recepit  
 Patre, nec hic unquam volucris succurrere linquit.  
 Cælicus ac Præsul, Mystæ succrescere flammæ  
 Irarum aspiciens, casum miseratus iniquæ  
 Mentis, quam proprijs damnis plus condolet hosti.  
 Infantis tandem spectat Florentius artus  
 Nil lassisse Viri; Cypridis percurrit ad aësus;  
 Autumat atque animos sanctæ prosternere Prolis;  
 Nam septem nudas, forma superante, Puellas  
 Illorum antè oculos, cogit. Genitoris in hortis,

mitteret, quæ coram eis sibi inuicem manus tenentes, & diutius ludentes, illorum mentes ad peruersitatem libidinis inflammarent. Quod sentiens Vir Dei de Cella, lapsum adhuc conspiciens, tenerioribus discipulis pertimescens, idque pro sua solum fieri persecutione pertractans, inuidiæ locum dedit, atque oratoria cuncta quæ construxerat, substitutis Præpositis, adiunctis Fratribus ordinavit, & paucis secum Monachis ablatis habitationem mutauit. Moxque ut Vir Dei eius odia humiliter declinavit, hunc Omnipotens Deus terribiliter percussit. Nam cum prædictus Presbiter stans in solario Benedictum discessisse cognosceret, & exultaret perdurante immobiliter tota domus fabrica, hoc ipsum in quo stabat solarium cecidit, & Benedicti hostem conterens extinxit. Quod vir Dei discipulus Maurus nomine statim venerabili Patri Benedicto, qui adhuc à loco eodem vix ducem millibus passuum aberat, existimauit esse enunciandum dicens: reuertere, quia

Pre-



Quæ, insertis manibus, faciles ornare choreas  
 Capere, ut niueos Venus inflammaret Alumnos.  
 Audijt hac Heros, quem tunc Conclauē tenebat,  
 Et damnum Cunei metuens, Proliſque tenella,  
 Preſpiciensque ſuis propriam noſſe ruinam,  
 Inuidiæ ceſſit, ſacras muniuit & Ædes,  
 Rectoresque dedit, regerent qui legibus aucta  
 Agmina, fraternosque animos in pace tenerent.  
 De numero paucos ſecum deduxit, & ultro  
 Deſeruit veteres rupes, noua tecta requirens.  
 Nurſus ut Paſtor poſtquam gregis ora reliquit,  
 Seuitiamque hoſtis demisso corde refregit;  
 En Deus Omnipotens, hunc vulnere ſtrauit amaro,  
 Namque ſuper celfi degens laquearia tecti,  
 Letus, ut abſceſſum riſu ſociabat iniquo;  
 Protinus ipſa domus ſolum laqueare relaxans,  
 Immotæ ſiſtetit; at cecidit cum fornice Myſta  
 Precipiti lapſu; hoſtis ſic miſer expirauit  
 Innocui Patris; ſubito iam nuncius ibat  
 Sollicitis precibus, quem Maurus mittit euncl,  
 Millia quique decem ſolum diſtabat ab Æde,  
 Dignetur ſolitos, rediens inuiſere Natos;

1 2

Nam



Presbiter, qui te persequabatur extinctus est. Quod Vir Dei Benedictus audiens, se se in grauib; lamentis dedit, vel quia inimicus occubuit; vel quia de inimici morte, discipulus exultauit. Quia de re factum est, ut eidem quoque discipulo poenitentiam indiceret, quod audiens talia, gaudere de inimici interitu præsumpsisset.

## C A P V T X.

*Quemadmodum accedens in Cassinum montem, vniuersa illic idola confregit: & ibidem erexit Ecclesiam in honorem S. Martini, ac S. Ioannis Baptistæ.*

**S**ANCTUS Vir ad alia demigrans loca, non hostem mutauit. Nam tanto post grauiora prælia pertulit, quanto contra se apertè pugnantem ipsum magistrum malitiæ inuenit. Castrum namque quod Cassinum dicitur, in excelsi montis latere positum est. Qui videlicet mons distento sinu hoc idem Castrum recipit, sed per tria miliaria in altum se erigens velut ad aera cacumen tendit, vbi vetustissimum fanum fuit, in quo ex antiquorum more gentilium à stulto rusticorum populo Apollo colebatur. Circumquaque etiam in cultu Dæmonum luci succreuerant, in quibus adhuc eodem tempore infidelium insana multitudo sacrificijs sacrilegis insudabat. Illuc itaque Vir Dei perueniens,

contri-



Nam subita hostiles Mors contudit ardua vires .  
 At Pater, incedens, hac aure bibebat acerba ,  
 Ingemuitque diu, lacrymarumque imbre rigauit  
 Ora ; quod horrifona mors falce necauerat hostem ;  
 Vel quia de illius le ho gandebar Alumnus .  
 Hinc iussit panis iuuenem placare Tonantem ,  
 Crimen , & austero tantum purgare labore .

## TETRASTICHON X.

Qua nemus, & sacri surgunt Delubra Casini ,  
 Vexilla erexit, Patre tonante , Fides .  
 Quæ Ditis fuerant , superi sunt Numinis Ædes ;  
 Sacrilega & pietas, sub Pietate cadit .

## C A P V T X.

**A**usonius quamuis alibi vestigia torfit  
 Legifer, inuiso tamen illic obuiat hosti .  
 Nam grauiora tulit ferientis praelia dextre ,  
 Dum pugnantis erat virtus manifesta Colubri .  
 Rupis in excelsæ culmen quæ nubila dorso  
 Densa ferit, magni surgunt fundamina Castri ,  
 Quod Latij Proceres sacrum dixere Casinum .  
 Millia ierna iugum excrefcens, despectat Olympum ,  
 Campanumque solum longè, maria omnia circum .  
 Hic , Delubra olim Clario Gens prisca sacrauit .  
 Nubiferas rupes umbrabat frondea sylua ,  
 Plebs ubi sacrificos Diti soluebat honores ,  
 Supplex , innumeris cumulans altaria donis .  
 Templâ petens Heros falsa sub Numina forma

Fre



contriuit Idolum, subuertit aram, succidit lucos, atque in ipso Templo Apollinis oraculum B. Martini, vbi vero ara eiusdem Apollinis fuit, Oratorium S. Ioannis construxit. Et commorantem circumquaque multitudinem, prædicatione continua ad fidem vocabat. Sed antiquus hostis hæc tacitè non ferens, non occultè, vel per somnium, sed aperta visione eiusdem Patris se oculis ingerebat, & magnis clamoribus se vim perpeti conquerebatur, ita vt voces illius etiam fratres audirent, quamuis imaginem minimè cernerent. Vt enim discipulis suis Venerabilis Pater dicebat, corporalibus eius oculis idem antiquus hostis teterrimus, & succensus apparebat, qui in eum ore, oculisque flammantibus sæuire videbatur.

iam



Fregit; sacrilegasque aras, lucosque profanos  
 Disiecit, superis concedens Limina Diuis.  
 Atque ubi Cyrrhæi surgebant Atria Vatis,  
 Condidit adducta Martino mole sacellum;  
 Undè at adorati fumabat Apollinis ara,  
 Instituit tibi conspicuum Penetræ, Ioannes,  
 In quo lingua fidem Genti vulgabat Agrestis;  
 Demonis atque Genus, versum, transcribit Olympo.  
 Ast Erebi Princeps iam alia gesta perosus,  
 Non tacitè Patri per amica silentia noctis,  
 Cum sopor internos inserpens occupat artus;  
 Stridet at impatiens, nuda sub imagine terrens  
 Lumina; confundens stygia cum voce querelas,  
 Dira pati affirmat, rabidosque subire dolores.  
 Quin fremitus, Cætus manifesta concipit aure,  
 Tartarei quamuis nec cerneret ora Tyranni.  
 Credite, Præsul ait, simulacrum tale Satelles  
 Exhibet Inferni, patitur dum luce videri:  
 Terribili figens ingentia cornua fronti;  
 Riētibus eructat flammæ; nigrosque vapores  
 Naribus exhalat; putidamque ex ore Mephitis.

Iam verò quæ diceret audiebant omnes. Prius enim vocabat hunc ex nomine. Cui cum Vir Dei minime responderet, ad eius mox contumelias erumpebat. Nam ei acclamabat dicens, Benedicte, Benedicte, & cum sibi nullo modo respondere conspiceret, protinus adiungebat. Maledicte, non Benedicte. Quid tecum habes? Quid me persequeris? Sed iam vero spectanda sunt contra Dei famulum antiqui hostis noua certamina, cui pugnam quidem volens intulit; sed occasiones victoriæ ministravit inuitus.

## C A P V T X I.

*Quomodo orando Demonem lapidi insidentem ne  
moueretur exturbauit.*

**Q**Vadam die cum fratres habitacula eiusdem cellæ construerent: lapis in medio iacebat, quem in ædificium leuare decreuerant. Cumque eum duo, vel tres mouere non possent, plures adiuncti sunt. Sed ita immobilis mansit, ac si in terra radicitus teneretur, vt palam daretur intelligi,

quod



*Iam stygias voces cuncti sensere Clientes .  
 Ingeminat nomen Patris prius ore profano  
 Damon ; at ille tacens nil autumat addere dictis .  
 Talibus offensus, tandem conuicia lingue  
 Erumpens, ait, audi iam, maledicte, vocantem,  
 Calica cur, (hostis) Benedicti nomina iactas ?  
 Cur tua progenies precibus mea corda laceffit ?  
 Tu quid habes mecum ? quid me sic voce retundis ?  
 Sed spectanda feri veniunt certamina Regis  
 Lethiferique gregis, pugnant qui Marte furenti  
 Infentem contra ; bellum cui contulit Ultro,  
 Inuitus, sed ei præclara Trophæa ministrat .*

## TETRASTICHON XI.

*Aggrauat attractam molem dum pondus Auerni,  
 Implicat impulsu ne moueatur onus.  
 Sancta trahunt saxum niuæ suspiria mentis,  
 Iam finè vi, Ditis vim superare potis .*

## C A P V T X I.

**C***Ultiores olim nemorum, Patrisque propago,  
 Erexere Larem exiguum sub paupere Claustro;  
 At lapis in medio tunc ingens fortè iacebat,  
 Quem cupiere Domus in margine ducere structæ.  
 Ille trahit duris adducta fune lacertis,  
 Addunturque alij; sudant sub pondere vultus,  
 Machina sed semper cunctis immobilis extat,  
 Inque solo molem radicem egisse putares.  
 At patuit subitò laruati Sampsonis ira;*

K

Desu-

quod super eum ipse per se antiquus hostis sederet, quem tantorum virorum manus mouere non possent. Difficultate igitur facta, ad Virum Dei missum est, vt veniret, orando hostem repelleret, vt lapidem leuare possent. Qui mox venit, & orationem faciens, benedictionem dedit, & tanta lapis celeritate leuatus est, ac si prius nullum pondus habuisset.

## C A P V T X I I .

*Qualiter visum est Monachis eius coquinam totam igni  
conflagrare arte Sathana .*

**T**Vnc in conspectu Viri Dei placuit, vt in eodem loco terram foderent. Quam cum fodiendo altius penetrarent, æreum illic idolum fratres inuenerunt. Quoad horam casu in coquinam proiecto exire ignis repente visus est, atque in cunctorum Monachorum oculis quod omne eiusdem ædificium consumeretur ostendit.

Cum-



*Desuper ipse sedens tantis conatibus obstat .  
 Feruet opus ; socios lassat labor improbus artus ;  
 Culmina sed capti nequeunt spectare Penates .  
 Opponat, referunt, quæ dura repagula Patri  
 Crudus Atlas Erebi, possint nec surgere muri,  
 Propterea pendunt opera interrupta domorum .  
 Potinus aduenit ; genibus supe aggere rupis  
 Inflexis, precibusque indulgens, robur Auerni  
 Frangit, & infestum, ducta Cruce, contudit hostem .  
 Mox lapis ille actus celeri petit aera tractu ;  
 Ceu stipula ambiguus attollitur arida ventis .  
 Taliter hæc moles nodosa camabe cincta,  
 Nisibus obsequitur, nec pondere, tracta, resistit .*

## TETRASTICHON XII.

*Tartareus flammæ simulans incendia Rector,  
 Euomit, at fictè, Tecta per atra faces .  
 Anxius auxilium Cætus vocat : ecce precantis,  
 Ignibus extinctis, contulit ignis opem .*

## CAPVT XII.

**T***ellurem iussit socios, spectante Magistro,  
 Eruere, hic ubi fixa prius saxosa iacebant  
 Corpora ; dumque ligo voluit squallentia terræ  
 Viscera ; congeriemque soli, cumulumque reducit ;  
 Ærea signa fodit, simulachraque vana decorum .  
 Fumificas inter trahebatur imago culinas .  
 Cum furit ignis edax, totumque à culmine Tectum  
 Vrere dissimulat, nigrasque incendere sedes .*

K 2

Gens

Cumque iacendo aquam, & ignem quasi extinguendo perstreperent pulsatus eodem tumultu Vir Domini aduenit. Qui eundem ignem in oculis fratrum esse, in suis vero non esse considerans, caput protinus in orationem flexit, & eos quos phantastico reperit igne deludi vocauit fratres, monuit ut oculos suos signarent, & fanum illud coquinæ ædificium existere cernerent, & flammæ quas antiquus hostis sinxerat amplius non viderunt.

### C A P V T XIII.

*Quemadmodum iuniorem Monachum sub muro prostratum  
exsuscitauit S. P. Benedictus.*

**R**ursus dum fratres parietem, quia res ita exigebat, paulo altius ædificarent, Vir Dei in orationis studio inter cellulæ suæ claustra morabatur; cui antiquus hostis insultans apparuit;

& quia



*Gens pauido trepidare metu, flammisque volantes  
 Sollicitat validis restinguere fontibus. Utque  
 Fit strepitus; cursusque recursus tecta fragore  
 Implet; iam Pater excitus, dum conspicit ignes  
 Immutare oculos, afflictam & fallere Turbam,  
 Cum Verè nullos torreret flamma Penates;  
 Protinus inflexit caput crans: atque sodales  
 Conuocat; hic artes aperit simulare fauillas  
 Demonis, utque Crucis munirent lumina signo.  
 Distulit imperio haud Agmen parere paterno;  
 Flamma repente perit, tantumque apparet imago  
 Inuenti Idoli, fumanti in limine iacta.  
 Tunc patuere doli, simulataque facta Tyranni  
 Eiecti, sacras ausi terrere Phalanges.*

### TETRASTICHON XIII.

*Corruit vt paries operis compage soluta,  
 Sub mole heu Pueri membra sepulta iacent.  
 Reddit in extincto Benedictus funere vitam,  
 Contulit & socijs gaudia tanta dolor.*

### C A P V T XIII.

**D***Vm Pater in Tecti penetralibus, ore fatigat  
 Æthera, flammiferi voluens incendia cordis;  
 Sancta locat soboles alti fundamina muri,  
 Altius utque trahit, magno molimine, Cetus  
 Saxosum cumulum (sic aggeris optat egestas)  
 Fatalis Coluber se se conspectibus offert  
 (Humanam speciem, falso mentitus, & ira)*

*Patris*

& quia ad laborantes fratres pergeret indicauit. Quod Vir Dei per Nuncium celerrimè fratribus indicauit dicens: Fratres, vox cautè agite, quia ad vos hac hora malignus spiritus venit. Is qui mandatum detulit, vix verba compleuerat, & malignus spiritus eundem parietem, qui ædificabatur euertit, atque vnum puerulum Monachum cuiusdam Curialis filium opprimens ruina contriuit. Contristati sunt omnes, ac vehementer afflicti, non damno parietis, sed contritione fratris. Quod Venerabili Patri Benedicto studuerunt celeriter cum luctu graui nunciare. Tunc eisdem Pater ad se dilaceratum puerum deferri iubet; quem portare non nisi in sacco potuerunt, quia collapsi saxa parietis eius non solum membra, sed ossa contriuerant. Eumque Vir Dei præcepit statim in cella in strato quo orare consueuerat proijci:

missisque



Patrisi & (inquit ouans) pergo infestare laborem.  
 Protinus intentis operi, celer, ausa reportat  
 Nuntius, ut caueant grauiora pericula Ditis.  
 Praefulis ille refert monitum vix ore fideli,  
 Cum ruit extructi supremo à culmine muri  
 Machina, confususque manet labor, ordine verso.  
 Exanimata cadunt pueri sub mole tenelli  
 Corpora, pondus iners teneros confringit & artus.  
 Attoniti factis omnes, fratrisque ruina,  
 Demisere viri lacrymas, sonitumque dedere  
 Vocibus, & subitus pauidos timor occupat artus.  
 Non operis flebat casum miseranda propago,  
 Damna sed amissi, vasto sub pondere, fratris.  
 Iam subito referunt Genitori flebile factum  
 Marentes socij fundunt, & pectore questus.  
 Ferte (Pater dixit) lacerati membra sodalis.  
 Detulit extinctum sacci vis ampla cadauer;  
 Comminuit, namque ossa lapis, tenuesque medullas.  
 Nursius ast Heros camera sub fornice corpus  
 Ferri iussit, ubi sub nocte cubile quietem  
 Dat grauibus membris; supplex ubi Numen adorat.

Ex-

missisque foras fratribus cellam clausit, qui orationi instantius quam solebat incubuit. Mira res eadem hora hunc incolumem, atque ut prius valentem, ad eundem iterum laborem misit, ut ipse quoque parietem cum fratribus perficeret, de cuius se interitu antiquus hostis Benedicto insultare credidisset. Cæpit verò inter ista vir Dei etiam Prophetiæ spiritu pollere, ventura prædicere, præsentibus etiam absentia nunciare.



C A-



Exclusit Natos Genitor, mox cardine verso,  
 Occuluit se intus; tollens ad sidera vultus,  
 Procubuit genibus, canis fletuque rigatis,  
 Postulat amisse redeuntia munera vite,  
 Duplicat atque preces, puri & suspiria cordis.  
 Haud fuit orantis valide spes irrita Patris;  
 Namque infans (ò rara fides) iam vescitur aura,  
 Et redeunt fractæ molli sub corpore vires.  
 Occupat ora vigor, motus quoque lumina flectit,  
 Gutturâ blandiloque cesserunt verba loquelæ,  
 Gressibus, attritum pes gaudet currere callem  
 Impiger; ac manibus dissecti prima laboris  
 Tentamenta subit, lapsæ & conamina molis.  
 Actibus his, Erebi Benedictus contudit astus  
 Principis, audentis niuæ insultare Cohorti.  
 Signifer ast Heros cunctis aperire futura  
 Cæperat, atque Prophetarum iam more profari;  
 Non Tripodas Clarij, haud vani mendacia collis,  
 Astra, nec exta fere, volucrum non ora sequutus;  
 At superum sensus, Diuino percitus igne,  
 Diffusa præsentis, venturaque gesta canebat.

L

TE.

## C A P V T XIV.

*Prout imputauit Monachis noscens ubi, & quantum comedissent  
extra Monasterium sine licentia.*

**M**Os etenim cellæ fuit, vt quoties ad responsum aliquod egrederentur fratres, cibum, potumque extra cellam minimè sumerent. Cumque hoc de vsu regulæ seruaretur, quadam die ad responsum fratres egressi sunt: in quo tardiori compulsi sunt hora demorari: qui manere iuxta religiosam feminam nouerant: cuius ingressi habitaculum sumpserunt cibum. Cumque iam tardius ad cellam redissent benedictionem Patris ex more, petierunt, quos ille protinus percunctatus est dicens: ubi comedistis? Qui responderunt dicentes; nusquam. Quibus ille ait; quare ita mentimini? Nunquid illius feminae habitaculum non intraistis? Nunquid hos, atque illos cibos non accepistis? Nunquid tot calices non bibistis? Cumque eis Venerabilis Pater, & hospitium mulieris: & genera ciborum: & numerum potionum diceret, recognoscentes cuncta quæ egerant ad eius pedes tremefacti ceciderunt;

seque



## TETRASTICHON XIV.

Fraeta Parens Natis prodit ieiunia ventris,  
 Fercula quanta, locum detegit, atque Domum.  
 Eminus acta animus præfago corde recludit,  
 Abdita fatidico sunt & aperta Duci.

## CAPVT XIV.

**M**Os erat Agminibus Claustri inuiolabilis equis,  
 Ferre pedem quoties, adytisque excedere sacris  
 Accideret Monacho; ora cibo, nec guttur laccho  
 Pollueret; sic Sancti lex iubet ipsa Magistri.  
 Relligiosa Cohors olim penetrare relinquens  
 Progreditur Tectis; multum responsa morari,  
 Hospitioque piæ Matris succedere cogunt  
 Languentes fratres, recreant ubi corpora mensis.  
 Claustra petunt tandem, Titandum mergitur undis,  
 Et, genibus flexis, benè Patrem dicere poscunt.  
 Indulget Natis Senior; tum subdidit ardens:  
 Munere ubi frugum vires reuocastis, Alumni?  
 Ficta refert, escis, nusquam se Turba refertam.  
 Prescius ipse senex; mendacia texitis? (inquit.)  
 Famineos placuit nunquid penetrare Penates,  
 Atque dapés, auide, totis absumere malis?  
 Ore rei seriem pandit, libataque Bacchi  
 Pocula dinumerat, diuino pectore, Vates.  
 Obriguere metu fratres; ceruicibus antè  
 Procubere pedes flexis, veniamque precantur,

seque deliquisse confessi sunt. Ipse autem protinus culpam pepercit; perpendens, quod in eius absentia ultra non facerent:quem praesentem sibi esse in spiritu scirent.

## C A P V T X V.

*Quomodo leniter, & modestè prodidit fratri germano Valentiniani Monachi, qui ad se venerat, de eo quod à comite ter inuitatus: tandem comedit in via.*

**F**RATER quoque Valentiniani eius Monachi, vir erat Laicus, sed religiosus. Qui ut seui Dei orationem perciperet, & germanum fratrem videret, annis singulis de loco suo ad cellam ieiunus venire consueuerat. Quadam igitur die dum iter ad Monasterium faceret, se se illi alter viator adiunxit, qui sumendos in itinere portabat cibos. Cumque iam hora tardior excreuisset dixit. Veni frater sumamus cibum ne lassemur in via. Cui ille respondit. Absit frater; non facio, quia ad Venerabilem Patrem Benedictum ieiunus semper venire consueui. Quo responso percepto, ad horam conuiator conticuit.

Sed



*Jam fassi noxam, transgressaque limina legum.  
 Flexilis at Genitor lachrymarum tactus ab imbre,  
 Crimina supplicibus patria pietate remisit.  
 Admonet ut fugiant, quidquid, praesente Magistro,  
 Perficere haud audent: en eminus omnia cernit.*

## TETRASTICHON XV.

*Quid quid iter dederat venienti prodidit Heros  
 Fatidicus, facit qualiter ora dape.  
 Numinis arcanos reteras, Benedicte, recessus,  
 Abdita, nil mirum, sunt & aperta, simul.*

## C A P V T X V.

**V***ir Monacho quidam germano sanguine iunctus,  
 Hunc solitus senis bis visere mensibus anni  
 Elapsis, ieiunus ite metitur, & horas.  
 Lux aderat, qua promptus carperet apta viarum  
 Compita, venturus, consurgit ubi Domus alta  
 Legiferi Patris, Delubraque sancta Casini,  
 Dogmata ubi Frater tanti haurit mente Magistri.  
 Dum via proteritur, sequitur comes alter euntem,  
 Fercula grata ferens, solatia ruta laborum.  
 Iam magnam partem Phæbi post terga iugales  
 Linquebant Axis superum, mediumque tenebant.  
 Fessus, ait, socius: lassat calor improbus artus,  
 Quaeso, famem mecum dapibus depelle, sodalis.  
 Ille refert: absit; quid me fadare alimentis  
 Sollicitas, Patris qui impastus limina semper  
 Inclino? socius siluit tunc tristis ad horam.*

*Pergit*

Sed post hæc, cum aliquantulum itineris spatium egissent, rursus admonuit ut manducarent. Consentire noluit, qui ieiunus peruenire decreuerat. Tacuit qui ad manducandum inuitauerat, & cum eo ieiunus adhuc pergere modicum consensit. Cumque & iter longius agerent, & eos tardior hora fatigaret, ambulantes inueniunt in itinere pratum, & fontem, & quæque poterant ad reficiendum corpus delectabilia videri. Tunc conuiator ait. Ecce aqua; ecce pratum, ecce amænus locus, in quo possimus refici, & parum requiescere, ut valeamus iter nostrum postmodum incolumes explere. Cum igitur, & verba auribus, & loca oculis

blan-



Pergit uterque terens salebroſi compita ſaxi ;  
 Atque iterum comitem importuna voce fatigat ,  
 Præbe, inquit, laſſis Cerealia munera membris .  
 Poſteriora vetat conſtanter vota precantis .  
 Callidus at ſubitò ſocius nec plura locutus ,  
 Proſequitur deſeſſus iter , longosque viarum  
 Curſus ; nulla datur primo nec meta labori ,  
 Occiduas propius Titanet ſpectat arenas .  
 Interea in medio apparet florentis agelli  
 Fons, gelido fundens ſalientes ore liquores ,  
 Quos nemus umbriferum, ramorum & nexus opacat ,  
 Fundit odorati ſurgentia gleba ſmaragdi  
 Germina , decurrens humor, quæ murmure leni  
 Lambit, & argenteis circum complectitur vlnis .  
 Hic inter lucos plantata ſedilia cernis ,  
 Hoſpitibus pergrata vagis, miſerisque colonis ;  
 Prodigus omne locus fert delectabile viſu .  
 Congeminat tunc ore preces, & verba viator ,  
 Luxuriemque ſoli, fontes, & prata labanti  
 Oſtendens, epulas ſecum conſumere tandem  
 Cogit, & hic pedibus gratam conferre quietem .  
 Blanditijs tractus, ramorum & frigore; dumque

Corpo-

blandirentur, hac tertia admonitione persuasus consensit, & comedit; vespertina vero hora peruenit ad cellam. Præsentatus autem Venerabili Patri Bened. cto, sibi orationem petijt. Sed mox ei Vir Dei hoc quod in via egerat impropertavit dicens. Quid est frater? malignus hostis, qui tibi per Conuiatorem tuum locutus est, semel tibi persuadere non potuit: secundo non potuit: ad tertium suavit, & te ad hoc quod voluit superavit. Tunc ille reatum suæ infirmæ mentis agnoscens eius pedibus prouolutus, tanto magis cepit culpam deflere, & erubescere, quanto se cognouit etiam absentem in Benedicti Patris oculis deliquisse.

## C A P V T X V I.

*Quomodo Rex Totila submisso uno ex suis iuenculis cum ornamentis Regijs voluit experiri si propheticè quid posset dicere.*

**G**Othorum temporibus, cum Rex eorum Totila Sanctum Virum Prophetiæ habere spiritum audiuisset, ad eius Monasterium pergens

paulò



Corpora flammigero latratu syrius urit ,  
 Tela fugit , flammæque facis , rabidosque calores .  
 Hinc & propositum , ventrisque repagula fregit ,  
 Fartus & ad Patris , serò , Penetralia venit .  
 Ora sed Herois postquam lustravit amico  
 Lumine , mox sibi quod reddat placabile Numen  
 Flagitati ; at Vates tunc ipsa vie exprobrat acta :  
 Frater ( ait ) comes ille vie tua corda fefellit .  
 Ter conatus iners mentem tentator Auerni  
 Vertere , iam tandem vis tertia vicit amicum ,  
 Perdomuitque animum ; ieiunia sancta fugauit .  
 Hospes at erubuit , lacrymarum & fonte rigauit  
 Ora , genasque simul ; patris pedibusque volutus ,  
 Noxam lauit aquis oculorum , Patre tonante  
 Vocibus , & supera percurrentes facta loquela ;  
 Agnouitque absens acies læsisse paternas .

## TETRASTICHON XVI.

Mentis dolos serui Vates deprendit , & astus  
 Principis ; hinc vastrum iussit abire virum .  
 Regales , inquit , fastus seponere ; stat Agni  
 Vulpes haud multum tuta sub exuuiis .

## CAPVT XVI.

**C**um pede barbarico premeret gens dura Gothorum  
 Ausoniae fines , populis iam Marte subactis ;  
 Totila , qui Gothicas tenuit sub lege Phalanges ,  
 Audiit emeritæ Vatis præconia famæ ,  
 Lumine fatidico , quod sæcla reuolueret Orbis ,  
 Gesta futura valens veris prædicere dictis ,

M

Obdu-

paulò longius subſtitit, eique ſe venturum eſſe nuncia-  
uit. Cui cum protinus mandatum de Monafterio fuiſſet  
vt veniret, ipſe, ſicut perfidæ mentis fuit, an Vir Domini  
Prophetiæ ſpiritum haberet explorare conatus eſt. Qui-  
dam vero eius ſpatharius, Riggo dicebatur, cui calciamē-  
ta ſua præbuit, eumque indui regalibus fecit, quem quaſi  
in perſona ſua pergere ad Dei hominem præcepit. In cu-  
ius obſequio tres, qui ſibi præ cæteris adhærere conſue-  
uerant comites miſit. Scilicet Vuldericum, Rudericum,  
& Blindinum, vt antè ſerui Dei oculos ipſum eſſe Re-  
gem Totilam ſimulantes, eius lateri obambulant. Cui  
quoque alia obſequia, atq; ſpatharios præbuit, vt tam ex  
eiſdem obſequijs, quam ex purpureis veſtibus Rex eſſe  
putaretur.

Dum-



Obductasque fibras metuenda prodere lingua.  
 Carpit iter, solita cum maiestate Tyrannus,  
 Ardua qua surgunt sacri Delubra Casini,  
 Certior ut factis fieret sententia vulgi.  
 Accessum simulat, lento molimine pergens,  
 Inde gradum sistit longè, dum nuntiat ardens  
 Orator Vati, propius succedere Regem  
 Limina, sic cupiens animum explorare Parentis,  
 Num flatu supero veros praefereret actus;  
 Siue magis vanis deludat vocibus orbem.  
 Regales ocreas, chlamydem, diademaque cessit  
 Ensisero famulo: hic ficta sub imagine Regis,  
 Incessuque graui, magna omitante Caterua,  
 In medio Procerum, geminis ornatus, & auro,  
 Ibat ouans: Regis tota praecedente Cohorte,  
 Auditur longè Alipedum fragor, ore furenti,  
 Qui patulis efflant flammantes naribus, aestus,  
 Frænaque dente premunt, terrentque hinnitibus aures.  
 Signa dat ingenti sonitu vocale metallum  
 Aduentante viro, & iam proxima Tecta tenente.  
 Undique discurrit Benedicti ignara Caterua  
 Facti, sollicitatque Patrem, vocitatque precando,

Cumque idem Riggo decoratus vestibibus, obsequentium frequentia comitatus, Monasterium fuisset ingressus, Vir Dei eminens sedebat; quem venientem conspiciens, cum iam ab eo audiri potuisset, clamauit dicens. Pone fili, pone hoc quod portas, non est tuum. Qui Riggo protinus in terram cecidit, & quia tanto viro illudere præsumpsisset, expauit; omnesque qui cum eo ad Dei hominem veniebant terræ consternati sunt. Surgentes autem ad eum propinquare minimè præsumpserunt, sed ad suum Regem reuersi, nunciauerunt trepidi in quanta velocitate fuerunt deprehensi.





Obuiet, ut Regis vultus, cumuletque decenti  
 Agmen honore, Lares currit quod visere Sanctos.  
 Eminus ipse sedens Heres immobilis hæsit,  
 Obsequiumque negat ficto persolvere Regi.  
 Cominus utique videt Regali in veste tumentem  
 Riggonem, verbis tunc talibus ira resoluit:  
 Cur verum fingis vano Diademate Regem?  
 Sceptra Ducis cur dextra gerit, seruire parata?  
 Pene citò, Fili, pretiosa insignia; pone:  
 Serue, tuo Domino velamina, redde, coronam;  
 Indecet hanc famulo Procerum seruire Cohortem.  
 Corruit extemplo, præclusa voce superbus  
 Ensifer; expauitque tremens; color ora reliquit,  
 Pronus & elusi vestigia Vatis adorat.  
 Cernere nam cæpit temeraria iussa Tyranni;  
 Seque pudet Regis forma illuisse Prophetæ.  
 Riggonis socij subita formidine tacti,  
 Ora dedere solo collapsi; reddit honores  
 Cætus iners Vati, nec vix accedere tentat;  
 At, pauidus surgens, retrò vestigia torset;  
 Rettulit, & vafro deprensa pericula Regi.

## C A P V T XVII.

*Qualiter Totila Rex Gothorum supplex, & maxima cum reuerentia ad S.P. Benedictum accessit visendum.*

**T**Vnc per se idem Totila ad Dei hominem accessit, quem cum longè sedentem cerneret, non ausus accedere, se se in terram dedit. Cui cum Vir Dei, bis, terque diceret surge, sed ipse antè eum erigi de terra non auderet; Benedictus Iesu Christi Domini famulus per semetipsum accedere dignatus est ad Regem prostratum. Quem de terra leuauit, de suis actibus increpauit, atque in paucis sermonibus cuncta, quæ erant illi ventura prænuñciauit dicens: Multa mala facis, multa mala fecisti, iam aliquando ab iniquitate compescere.

Et



## TETRASTICHON XVII.

Totila signiferi, confusus, Vatis adorat  
 Ora; necis tempus nescit, & imperium.  
 Antè pedes Patris domitor stetit Orbis, & Urbis  
 Rex victor, victus, iam sinè Marte cadit.

## CAPUT XVII.

**A**ccepit postquam successus Totila serui,  
 Proripuit se celsa nitent qua limina Patris;  
 Spontè supercilium posuit, fastumque superbum,  
 Atque humilis, fera corda domans, mentemque proteruam,  
 Incessu trepido; gressu titubante, petiuit  
 Atria monticola Vatis quem fortè sedentem  
 Ut videt, ingenti adspectu conterritus hæsit,  
 Continuitque gradum, audet nec succedere Tectis;  
 Acclinusque solum Regali poplite pressit.  
 Surge, sed ingeminat bis verbis, terque Magister,  
 Audebat nec adhuc sublimia genua leuare  
 Ante virum stantem; Benedictus at ipse iacenti  
 Occurrens, manibus Regales erigit artus.  
 Hunc Pater aggreditur dictis; atque increpat, ardens,  
 Perfidiæque animi damnat, mentemque dolosam.  
 Tum paucis aperit verbis compendia vitæ,  
 Quæ sint, quæ fuerint, & quæ ventura parantur.  
 Quot populos à stirpe metis? quot Marte cruento  
 Fædasti miserè? Italiam nunc tristis Erynnis,  
 Bellonæque furor, tetra cum Morte, triumphant.  
 Comprime iam rabiem; belli compeſce furores;

Ro-

Et quidem Romam ingressurus es, mare transiturus, novem annis regnabis, decimo morieris. Quibus auditis Rex vehementer territus, oratione petita recessit; atque ex illo iam tempore minus crudelis fuit, & non multo postquam Romam adiit, Siciliam perrexit. Anno autem regni sui decimo Omnipotentis Dei iudicio, Regnum cum vita perdidit.



C A-



Romuleos aditus penetrabis victor, & Urbis  
 Tarpeias Arces scandes præcinctus ouanti  
 Daphnide; vela dabis percurrentes æquora Classi,  
 Sceptra nouemque reges Astris labentibus, annos;  
 Videris vt decies flauentes victor aristas,  
 Falx inimica metet victricia Sceptra, Coronas,  
 Extinctusque cades orbatum munere lucis.  
 Pectora tunc sabbitus Regalia perculit horror;  
 Dirigere comæ, gressusque coercuit ingens  
 Formido, creberque pavor præcordia pressit.  
 Lumina languescunt: tacito vox conditur ore,  
 Regius atque decor pallentia labra relinquit.  
 Hinc rogat auxilium supplex, precibusque Parentis  
 Commendat proprios successus, ardua facta  
 Mæuortis; tandem Tectis excessit ab altis;  
 Immanes discens, monitis, componere mores.  
 Ausonias Aquilas fregit, Romamque subegit,  
 Littora Sicania mox per freta salsa petiuit;  
 Vt gemina augusti expleuit quinquennia Regni,  
 Qui regit imperio Cælum, Mundique Tyrannos,  
 Abstulit, huic, miseram vna cum Diademate vitam.

N

T E-

## C A P V T XVIII.

*Quomodo prædixit de Vrbe Roma in se corruenda.*

**P**Rætereà Antistes Canusinæ Ecclesiæ ad eundem Domini famulum venire consueuerat, quem Vir Dei pro vitæ suæ merito valdè diligebat. Is itaque dum cum illo de ingressu Regis Totilæ, & Romanæ Urbis perditione colloquium haberet, dixit. Per hunc Regem Ciuitas ista destruetur, vt iam amplius non inhabitetur. Cui Vir Domini respondit: Roma à gentibus non exterminabitur, sed tempestatibus, coruscis, turbinibus, ac terremoto fatigata marcescet in semetipsa. Cuius prophetiæ mysteria nobis iam facta sunt luce clariora;

qui



## TETRASTICHON XVIII.

Nursiadum Vates, Antistitis ora dolentis  
 Solatus, Romæ fata futura canit.  
 Acta fidem firmant: non Mars; iniuria Cæli  
 Hanc terit: Arma vetat: sed Ioue tacta ruit.

## CAPUT XVIII.

**S**Æpè Lares Patris Canusinus Præsul adibat;  
 Cuius amicitiam virtus constrixerat uno  
 Fœdere, nam canos Benedictus Præsulis actus  
 Miratus, Voces audire, & reddere gaudet.  
 Dum simul aloquijs animo solatia præbent,  
 Armorum strepitus recolunt, quos Totila victor  
 Contulit Ausonijs terris, Capitolia subdens  
 Barbaricis palmis, Populos, sanctumque Senatum.  
 Diruta, Præsul ait, cinerique sepulta Quiritum  
 Atria cernentur, putri squallentia tabo.  
 Nursius at Vates tetigit tunc voce profatum:  
 Barbarico non victa cadet subiecta furori  
 Roma modò: at diras cum tempestate procellas  
 Sentiet, & pluuias fundet quas teter Orion,  
 Nec mora, conuulso repetita tonitrua Cælo,  
 Et mugire Polum, discussis nubibus, ignes  
 Ætnæos experta, ruet disiecta fragore.  
 Nec non fatalem, terra minitante ruinam;  
 Romulidum turrets motu dissoluet hianti  
 Insolitus tremor, & rigido situs ore vorabit.  
 Euenere sacri tandem præconia Vatis;

N

2

Nec

qui hac Vrbe dissoluta mœnia, euerfas domos, destructas  
Ecclesiās turbine cernimus, eiusque ædificia longo senio  
lassata quia ruinis crebescantibus prosternantur, vide-  
mus. Quamuis hoc Honoratus eius discipulus (cuius mi-  
hi reuelatione compertum est) nequaquam ex ore eius se  
audisse perhibet; sed quia hoc dixerit dictum sibi à fratri-  
bus fuisse testatur.

## C A P V T XIX.

*Quemadmodum Dæmonium à Clerico effugauit.*

**E**odem quoque tempore quidam Aquinensis Eccle-  
siæ Clericus à Dæmonio vexabatur qui à Venerabi-  
li Viro Constantio eiusdem Ecclesiæ Aristite per multa  
fuerat Martyrum loca transmissus, vt sanari posset. Sed  
Sancti Dei Martyres noluerunt ei sanitatis bonum tribue-  
re, vt quanta esset in Benedicto gratia demonstraretur.

Ductus



*Nec minuenda fides . factis iam luce prebatis .  
 Mœnia semisepulta iacent in puluere tetro ;  
 Stat cumulus lapidum , Domus olim celsa Quirini ,  
 Perque vias latè tristis bacchatur Erynnis ,  
 Relligiosa Dei Vulcani destruit ardor  
 Limina ; marmoreis splendentia Tecta columnis ,  
 Iam constrata solo plantis inhonora teruntur .  
 Hæc quoque sacra Cohors tunc præsens combibit aure ,  
 Et mihi dictanti , patefecit voce fideli .*

## TETRASTICHON XXI.

*Ædituum stygiæ torquebat Rector arenæ ,  
 Ferali quatiens membra misella manu .  
 Corde preces voluit Vates sternitque Tyrannum ,  
 His armis Erebi pellit inermis oues .*

## C A P V T XXI.

**A** Ngitur Ædituus Templis addictus Aquini ,  
 ( Cum , Benedicte , tuæ floreret gloria famæ )  
 Tartareus cuius possederat ora Satelles ,  
 Illius & rabido torquebat membra dolore :  
 Ipse loci Pastor , sanctæ qui præsidet Aræ ,  
 Sollicitus , poscebat opem , Procuresque vocabat  
 Cæticolum , fusus , queis sanguis præmia palmæ  
 Addidit , ut Stygias dignentur frangere vires .  
 At renuit Diuum , suprema potentia , vincla  
 Soluere languenti , vel debellare Tyrannum  
 Tanarij Regni , superas ut panderet Hæros .  
 Nursius ætherei gæzas , & dona Tonantis .

*Sistitur*



Ductus itaque est ad Omnipotentis Dei famulum Benedi-  
 dictum, qui Iesu Christo Domino preces fundens, anti-  
 quum hostem de obsessio homine protinus expulit; cui  
 sanato præcepit dicens. Vade, & post hæc carnem ne co-  
 medas: ad sacrum vero ordinem nunquam accedere præ-  
 sumas. Quacunque autem die sacrum ordinem temera-  
 riè sumere præsumpseris, statim iuri Diaboli iterum man-  
 cipaberis. Discessit igitur Clericus sanus; & sicut terrere,  
 solet animum pena recens, ea quæ Vir Domini præcepe-  
 rat interim custodiuit. Cum verò, post annos multos om-  
 nes priores illius de hac luce migrassent, & minores suos  
 sibi met superponi in sacris ordinibus cerneret: verba Viri  
 Dei quasi ex longo tempore oblitus postposuit, atque ad  
 sacrum ordinem accessit. Quem mox is qui reliquerat  
 Diabolus tenuit, eumque vexare quousque animam eius  
 excuteret non cessauit.



C A-



*Sistitur en Patri miser, Orci Principe tortus ;  
 Hic, supplex, ambas tendens ad sidera palmas ,  
 Numinis ardenti præcordia mente laceffit .  
 Comprimit hinc furias Erebi , iam Dite repulso .  
 Præterea, inquit, amice, caue ne feruida orexis  
 Tetrahat , vt carnem distento in ventre reponas ;  
 Thura time deferre Deo fumantibus aris ,  
 Flaminis exercens primos in Limine honores .  
 Immemor , hæc spernens , Orcus sua iura resumet ,  
 Et tua membra feris audebit motibus hostis  
 Vexare , & fibras rapido torquere rotatu .  
 Exequitur tunc iussa Patris , sub corde recondens  
 Omnia ; sed multis tandem labentibus annis ;  
 Aspicit, vt Proceres lethali falce resectos ;  
 Nobiliore loco iam consedissee minores ,  
 Iussorum oblitus, sanctas accedit ad Aras ,  
 Ordinibusque sacris animum insignire laborat .  
 Hostis Auernalis mox corporis obsidet Arcem ;  
 Excudit atque virum crudeli vulnere , donec  
 Spiritus afflictos expulsus deserat artus .*

## C A P V T X X.

*Quomodo planxit super Monasterij sui destructione à Barbaris.*

**V**ir quidam nobilis Theoprobus nomine, eiusdem Benedicti Patris fuerat admonitione conuersus: qui pro vitæ suæ merito magnam apud eum familiaritatem habebat. Hic cum quadam die eius Cellulam fuisset ingressus, hunc amarissimè flentem reperit. Cumque diu subsisteret eiusque lacrymas non finiri videret: nec tamen, vt Vir Dei consueuerat orando plangeret, sed mærendo; quænam causâ tanti luctus inquisiuit. Cui Vir Dei illicò respondit. Totum hoc Monasterium, quod construxi: & cuncta quæ fratribus præparavi Omnipotentis Dei

iudicio



## TETRASTICHON XX.

Mente Parens niuea penetrans confinia Olympi,  
 Claustra videt dira depopulanda manu.  
 Gaudia tunc animi lacrymarum miscuit imbre,  
 Exhilaratque viri corda dolore Deus.

## CAPUT XX.

**V** Ir clarus titulis, & celso sanguine cretus,  
 Egregios fastus vitæ irradiauerat actis;  
 Namque sacro eloquio, Benedicto dona salutis  
 Tollente, Ætherei sequebatur facta Parentis;  
 Canobiumque colens animum quoque fœdere secum  
 Iunxerat, & studio Patrem resouebat amico.  
 Illius angustum conclaue Theoprobus olim  
 (Tale huic nomen erat) penetrat; plangore rigantem  
 Inuenit ora Virum, tepidoque liquore madentem.  
 Ipse gradum sistens; lacrymarum nec tamen imbres  
 Cedere despectat, sed largum impellere fontem.  
 Non precibus gemitus miscet de more Magister,  
 Questibus at mæstis undas comitatur amaras.  
 Impatiens mox ille petit, quæ causa doloris,  
 Cur modò continuis mæroribus ora lace scat.  
 Talia quærenti concussus reddidit Heros.  
 Limina quæ posui; quæque & Delubra sacraui,  
 Eheu Barbarici fient trux præda furoris.  
 Et constructa cadent miris subiecta ruinis.  
 Expulsis Natis; sic Conditor imperat orbis,  
 Qui simul aercos iaculatur fulmine montes,

O

Cuius

iudicio gentibus tradita sunt. Vix autem obtinere potui, ut mihi ex hoc loco animæ concederentur. Cuius vocem Theoprobis audiuit: nos autem cernimus, qui destructum modo à Longobardorum gente eius Monasterium scimus. Nocturno enim tempore, & quiescentibus fratribus nuper illuc Longobardi ingressi sunt; qui diripientes omnia, nec vnum quidem hominem illic tenere potuerunt. Sed impleuit Omnipotens Deus, quod fidei famulo suo Benedicto promiserat: ut si res gentibus traderet, animas custodiret. Qua in re Pauli vicem video tenuisse Benedictum: cuius dum naus rerum omnium pertulit iacturam, ipse in consolationem vitam omnium qui eum comitabantur accepit.





Cuius & imperij prudentia Regna gubernat.  
 Vix orans, potui soboli conferre salutem.  
 Audyt ista comes patrij speculator Achatis.  
 Hæc oculis stupidi longe perlegimus omnes,  
 Destructos aditus, eversa que Tecta domorum,  
 Quæ Pater excelsæ super ardua culmina Rupis  
 Surgere præcepit, Proli, serieque Nepotum.  
 Cum Nox ebduxit tetra ferrugine terras,  
 Et sopor innocuæ præstrinxit lumina Turbæ,  
 Irruit in sedes ingens exercitus, armis  
 Instructus; miseri laris omnia Mulciber ardens  
 Consumpsit, totam flammis undantibus Ædem;  
 Tum bona dirripuit manus impia militis atri.  
 Nec Deus orantis Benedicti vota fefellit;  
 Numque animas hominum fidenti pectore seruat,  
 Nec fures patitur sanctam incestare Cateruam.  
 Qualis ab æquoreis iactatus Apostulus undis,  
 Dum laceras puppes, disiectaque carbasa sentit,  
 Omnibus amissis, socios ad littora duxit.  
 Lintea namque Ratis regit aura Numinis alti,  
 Agmina sic gaudens audacibus eripit undis.  
 Sic Benedictus opem Proli fert, Arce labante.

O 2 TE

## C A P V T XXI.

*Quomodo de vasculo vini occultato in via admonuit  
delatorem ne biberet.*

**Q**Vodam quoque tempore Exhilaratus noster, quem ipse conuersum nosti, transmissus à Domino suo fuerat, vt Dei Viro in Monasterio vino plena duo lignea vascula, quæ vulgo flascones dicuntur, deferret. Qui vnum detulit: alterum verò pergens in itinere abscondit. Vir autem Domini, quem facta absentia latere non poterant: vnum cum gratiarum actione suscepit; & discedentem puerum monuit dicens. Vide fili, ne de illo flascone quem abscondisti, iam non bibas: sed inclina illum cautè, & inuenies quid intus habeat. Qui confusus valdè à Dei homine exiuit: & reuersus volens adhuc probare quod audierat, cum flasconem inclinasset, de eo protinus serpens egressus est.

Tunc



## TETRASTICHON XXI.

Verna vafer Patri generosi munera Bacchi  
 Surripit, audentis pandit at ille dolum.  
 Serue, caue, dixit, recrees ne guttur Iaccho,  
 Vipera nam dulci fudit amara necem.

## CAPVT XXI.

**B**ina tulit Patri vinaria plena falerno  
*Vasa olim Famulus ( Domini id mandata ferebant )*  
 Struxerat ex tereti ligno, quæ dextera Fabri.  
 Exequitur præcepta sagax cum munere seruus,  
 Arripuitque viam surgunt ubi Tecta Casini,  
 Dimidium doni scrobibus concredit opacis  
 Pergens, atque uno nutus compleuit heriles.  
 Legifer at Vates iam viderat omnia mente;  
 Persoluit grates; nec dimidiata recusat  
 Munera; sed puero mox decedente reuelat,  
 Vas per iter, Domino subductum, dira Colubri  
 Claudere membra intus tetram minitantia mortem.  
 Admoneas ori missum ne, quæso falernum,  
 Inter quod nemorum crescentibus undique dumis  
 Obduxi latebras: fac experiare latentem.  
 Fur confusus abit; factis & dicta probauit  
 Vatis, & effuso subducti nectare ligni  
 Liber, in herbiferis fugitiuus serpere campis  
 Anguis cæpit atrox, eductus carcere Iacchi.  
 Deuouet antra viri, bifidis & sibila linguis  
 Fundit, in obductis auidus se condere syluis.

Ext.

Tunc prædictus Exhilaræus puer per hoc quod in vino  
reperit expauit malum quod fecit.

## C A P V T XXII.

*Prout admonuit suum Monachum, qui à sacris fæminis  
mappulas acceperat, & celauerat.*

**N**On longè autem à Monasterio vicus erat, in quo  
non minima multitudo hominum ad fidem Dei  
ab idolorum cultu Benedicti fuerat exhortatione con-  
uersa. Ibi quoque quædam sanctimoniales fæminæ erant:  
& crebro illuc pro exhortandis animabus fratres suo  
mittere Benedictus Dei famulus curabat. Quadam verò  
die misit ex more: sed is qui missus fuerat Monachus;  
post admonitionem factam à Sanctimonialibus

fæminis



*Extimuit famulus, casus spectator atrocis .  
 Surrexere comæ : gelidum formido cruorem  
 Occupat ; & madidos contorquet anhelitus artus .  
 Tunc miser infesto complexus Verna pudore ,  
 Exprobat infandum furti scelus ore dolenti .*

## TETRASTICHON XXII.

*Muneribus Virgo cumularat Vatis Alumnum ,  
 Occuluit tacito qui bene dona sinu .  
 Corripuit Gnatum Genitor, munusque retexit :  
 Nulla latent Vatem, quæ bene dona latent .*

## C A P V T XXII.

**I***Ncolit extructa longe non Patris ab Arce ,  
 Plebs Vicum, vanis quæ Idolis thura ferebat .  
 Regis at æterni pandens oracula Vates  
 Nursus, aure bibunt veræ documenta salutis ,  
 Et fidei pascunt Agrestes nectare mentem .  
 Hic quoque Virginei seruabant Claustra Manipli ,  
 Cana verecundi aspicientes iura pudoris .  
 Sæpè Parens niueis solatia sancta Puellis  
 Contulit, Agmen iter fratrum nam prodit olympi  
 Missum, in corde ferens virtutum semina Cætus .  
 Ausonius Vates olim de more remittit  
 Facundo teneras qui dirigat ore sorores .  
 Exequitur iussum Monachus ; Cælestia dona*

*Seminat*

feminis rogatus mappas accepit, sibi que eas abscondit in sinu. Qui mox, vt reuersus est, eum Vir Dei vehementissima amaritudine cepit increpare dicens: quomodo ingressa iniquitas in sinum tuum est? At ille obstupuit; & quid egisset oblitus, vnde corripiebatur ignorabat. Cui ait: nunquid ego illic non præsens eram, quando ab ancillis Dei mappulas accepisti? Qui mox eius vestigijs pro- uolutus, stultè se egisse penituit, & eas quas in sinu absconderat mappulas proiecit.



C A-



Semināt alloquijs, & mollit voce Cateruam.  
 Autumat ad patrios tandem remeare Penates,  
 Turba puellaris, fratris miserata labores,  
 Linea dona dedit, grates ut redderet actis.  
 Abdidit illa sinu, minime donaria spernens,  
 Limina mox repetit: Genitor sed fronte minaci  
 Ora ferit Nati, tactus merore tremendo;  
 Lumina contorquens, toruis obtutibus, atro  
 Alloquitur iuueni, dictis & tundit amaris.  
 Quomodo noxa sinus ingressa est corda retorquens?  
 Nec plura obstupuit; vox interclusa resedit.  
 Criminis oblitus; trepidantia corda repungit  
 Ira senis; tamen ipse dolos, causamque furoris  
 Nescit; mens varijs confunditur anxia curis.  
 Nunquid (ait Vates) non præsens, cernere cuncta  
 Tunc potui casta lini mantilia dextra  
 Virgineus tibi dum Cuneus dedit? omnia certè  
 Lumine lustrabam, ut mappas sinus ipse recepit.  
 Corruit ante pedes, supplex, veniamque precatus,  
 Illacrymans, tristis purgat contagia culpa,  
 Projicit atque datum, sceleratosque abrogat ausus.

P

TE

## C A P V T XXIII.

*Quomodo cognouit animi elationem Monachi, qui antè  
se lumen prætendebat.*

**Q**Vadam quoque die dum Venerabilis Pater vespertina iam hora corporis alimenta perciperet: eius Monachus cuiusdam defensoris filius fuerat, qui ei antè mensam lucernam tenebat. Cumque Vir Dei ederet: ipse autem cum lucernæ ministerio astaret, cepit per superbiæ spiritum in mente sua tacitè voluere, & per cogitationem dicere. Quis est hic cui ego manducanti assisto, lucernam teneo, seruitium impendo? qui sum ego vt isti seruiam? Ad quem Vir Dei statim conuersus, vehementer cepit increpare, & dicere. Signa cor tuum frater, quid est quod loqueris? signa cor tuum. Vocatisq; statim fratribus præcepit ei lucernam de manibus tolli: ipsum vero iussit à ministerio recedere, & sibi hora eadem quietum sedere. Qui requisitus à socijs quid habuerit in corde:

per



## TETRASTICHON XXIII.

Dum properat tumidum fedare superbia Natum,  
 Inflata menti fert Benedictus opem.  
 Pelle, ait, acta, Puer; blandè præcordia mordent,  
 Occultamque parant hæc, sine morte necem.

## CAPUT XXIII.

**I**Am iubar occiduas Phœbi lustrauerat oras;  
 Præcipitanque Polo Nox, terras occulit umbris;  
 Cum protracta Parens tandem ieiunia rupit;  
 Stas Puer antè premens ceræ funalia dextra.  
 Construxere dapes: Pater ora famelica nutrit,  
 Deserit haud Iuuenis mensam exhilarare lucerna,  
 Cæpit at elatas in mente euoluere curas:  
 Sic ait, & tacitè: cui talia debita præsto?  
 Mene adstare decet; seruire & munus obire?  
 Fert genus ista meum? vel nobile stemma Parentis?  
 Protinus ast Vates audet tentare latebras  
 Corais, & arcanos Monachi versare recessus:  
 Mox iuuenem aspexit cilijs, & fronte seuera:  
 Ne tardes munire, Puer, præcordia, dixit,  
 Cur tanto properas animum maculare veneno?  
 Corda Crucis signis, quæso, ne armare recuses.  
 Inclamatque suos, soluant ut pondera dextræ,  
 Atque iubet miserum patria discedere mensa,  
 Seruisio vili præsum; atque sedere quietum.  
 Ardent cum socij scitari, & querere causam,  
 Cur Pater officium renuat, sociumque refellat.

P 1 In.

per ordinem narrauit, quanto superbiæ spiritu intumuerat: & quæ contra Virum Dei verba per cogitationē tacitus dicebat. Tunc liquido omnibus patuit quod venerabilem Benedictum latere nihil potuit in cuius aure etiam cogitationis verba sonuissent.

## C A P V T XXIV.

*Quemadmodum præ foribus Monasterij ducenta modia farinae comperta sunt miraculosè prouenta.*

**A**Lio quoque tempore in eadem Cumpaniæ regione fames incubuerat magna: quæ omnes alimentorum indigentia coangustabat. Iamque in Benedicti Monasterio triticum deerat. Panes vero omnes penè consumpti sunt, vt non plusquam quinque ad refectiois horam fratribus inueniri potuissent. Cumque eos Venerabilis Pater contristatos cerneret: eorum pusillanimitatem studuit

modesta



*Intumuit cor, ait, vetitusque ruebat in aëtus;  
Ambitioque procax Patri servire nequibat;  
Hi sensus vana volitabant mentis in aula.  
Omnibus hinc patuit cordis penetrare recessus  
Ingenio Vatem, clausasque recludere curas,  
Pectoris arcanum cui consonat aure susurrum.*

## TETRASTICHON XXIV.

*Vatis, anara Ceres, Sobolem vexabat orefci,  
Campanasque Vrbes insidiosa Fames.  
Auxilium veniet (dixit) confidite, Nati,  
In sterili Tecto surget opima penus.*

## C A P V T XXIV.

**T***Empora voluntur spatijs labentibus anni,  
Campanisque Fames terris traducitur ingens;  
Namque Ceres, varios gaudet frustrare labores  
Agrestum; patulis prohibere, & germina campis,  
Dum letas sterilis fruges depascitur annus.  
Aspicias haud glebas pingui flauescere arista,  
Messoremque soli solitum deflere tributum.  
Pabula nulla seges, duro expectata Colono  
Contulit, at teneras vellebant dentibus herbas,  
Omnes atque rapit succrescens ardor edendi,  
Luridus hinc languor pallentes inficit artus.  
Triticeæ Cuneos agitat penuria messis,  
Iamque fames miseranda penum vacuauerat omnem,  
Nec saturare valent vix ora famelica, quinque  
Crusta, Gregis cupidi ieiunia soluere mensis.*

*Fra.*

modesta increpatione corrigere, & rursus promissione subleuare dicens: quare de panis inopia vester animus contristatur? Hodie quidem minus est: sed die crastina abundanter habebitis. Sequenti autem die ducenti farinæ modij antè fores cellæ in saccis inuenti sunt; quos Omnipotens Deus quibus deferentibus transmississet nunc vsque manet incognitum. Quod cum fratres cerne-  
rent, domino gratias referentes, didicerunt iam de abundantia in egestate non dubitare.



C A-



Fraternos animos casum respexit acerbum  
 Commouisse Pater; quia dura premebat egestas,  
 Nec potis afflictis quisquam succurrere rebus;  
 His fatur dictis, curarum demere fluctus  
 Sollicitans: (soboles) quam sancta Pronæa refecit;  
 Roborat haud mentes summæ fiducia dextra?  
 Alitibus præbens, cunctisque animalibus escam?  
 Guttura seruatorum modico non pane fouebit?  
 Desperare nefas, superas & temnere curas.  
 Si nunc dura fames languentia viscera mordet.  
 Esca nec impastos replet dulcedine ventres;  
 Crastina merorem veniens opulentia terget.  
 Aurea lux Phæbi tenebras vix pellit inertes,  
 Lætitiæque face Æthercum perlustrat Olympum:  
 Antè fores Tecti (miram) iacere farine  
 Bis centum modij; magni miracula Patris.  
 Nam latuere viros, & prodiga dextra datoris;  
 Pondera quisne tulit: sunt tantum hæc nota Tonanti.  
 Obstupuere viri quos anxius ardor edendi  
 Impulerat; superis tum dignas soluere grates  
 Instant, & precibus cælestia dona rependunt.  
 Pauperiem discunt ergo contemnere egeni.

T E.

## C A P V T XXV.

*Quomodo Monachis ad Monasterium construendum missis  
in visione apparuit, & modum, & formam quo-  
modo construi opus esset designauit.*

**A**Lio quoque tempore à quodam fidei Viro roga-  
tus fuerat, vt eius prædio iuxta Tarracinensem  
Vrbem, missis discipulis suis construere Monasterium  
deuisset. Qui roganti consentiens, deputatis fratribus,  
Patrem constituit, & quis ei secundus esset ordinauit.  
Quibus euntibus spopondit dicens, ite, & die illo ego ve-  
nio, & ostendam vobis quo in loco Oratorium, in quo lo-  
co refectorium fratrum, in quo susceptionem hospitem,  
vel quæque sunt necessaria, ædificare debeatis; qui bene-  
dictione percepta, perrexerunt illicò, & constitutum  
diem magnopere præstolantes, parauerunt omnia,

quæ



## TETRASTICHON XXV.

Anxuris innocuam Prolem dimittit ad oras,  
 Ut struat in viridi Claustra verenda solo.  
 Huic Pater Idolum fert dum sopor irrigat artus;  
 Absuit: at præsens erudit ipse viros.

## CAPUT XXV.

**I**Ntereà cèrti reuolutis orbibus æui,  
 Vir fidei, verique tenax, accensus amore  
 Ausonij Herois, supplex, rogitabat, ut Ædes  
 Anxur ubi surgit, fundaret; ubi arua petentis  
 Luxuriant, segetesque ferunt, sudante Colono.  
 Annuit oranti Benedictus: cessit Alumnos,  
 Rectoremque dedit, regeret qui nutibus omnes;  
 Suffecitque parem, primus si fata subiret.  
 Cum iam prona Cohors mandata capefferet, insit:  
 Pergite: penè sequar, Tecti fundamina vobis  
 Monstrabo; Templique locum; Penetralia mensis  
 Apta magis; pandam hospitijque solum, Atria cuncta;  
 Quidquid & innocuæ præbet solatia proli.  
 Ibat ouans studiis Phalanx, silicesque terebat,  
 Quam prius alma Crucis muniuit dextera Patris  
 Signis: en operise, cum tetigere Penates  
 Accingunt: lateres, Vulcani ardente camino,  
 Igne coquunt: alij flammæ nutrire parabant  
 Arboreis syluis; cæmentum pars quoque findit.  
 Ligna dolant alij, cæduntque strepente bipenni.  
 Feruet opus, manuumque labor, sedisque voluptas.

Q

Qua-

quæ his qui cum tanto Patre venire potuissent videban-  
tur esse necessaria. Nocte vero eadem qua promissus illu-  
cescebat dies: eidem seruo Dei, quem illic Patrem con-  
stituerat; atque eius Præposito Vir Domini in somnis ap-  
paruit, & loca singula vbi quid ædificare debuissent sub-  
tiliter designauit. Cumque vtrique à somno surgerent, si-  
bi inuicem quod viderant retulerunt; non autem visioni  
illi fidem omnino dantes: Virum Dei sicut se venire pro-  
miserat expectabant.

Cum-



*Qualiter Hyblæi viridantia germina campi  
 Examen populatur Apum, verisque decorem.  
 Exercent varios per florea rura labores,  
 Dædaleisque fauis referunt purissima mella.  
 Per sata conuolat, rutilis exercitus alis,  
 Donec opus crescat, cellas & nectare complet.  
 Optati deest socijs præsentia Patris,  
 Qui loca decernat laris & prior ordinet aulas.  
 Vt promissa dies Solis splendore coruscat,  
 Hesperus & tandem nocturna silentia spargit;  
 Nocte Parens illa Reçtori cuncta reuelat,  
 Præpositoque Domus, primæ fundamina sedis,  
 Diuersisque modis distincta cubilia signat;  
 Singula quæque docens, species, artisque figuras.  
 Surgit uterque simul correptus imagine somni,  
 Iam visi memores, blanda quod nocte sepultos,  
 Intulerat sopor unanimi mox fœdere pandunt,  
 Alter & alterius fruitur dulcedine spectri.  
 Non genuere fidem vane mendacia formæ;  
 Expectare Patrem, tutis & fidere dictis  
 Haud cessant; solitum nullis illudere verbis.  
 Lux decreta suas tandem compleuerat horas,*

Cumque Vir Dei constituta die minimè venisset: ad eum cum mærore reuersi sunt dicentes: expectauimus, Pater, vt venires sicut promiseras, & nobis ostenderes, vbi quid ædificare deberemus, & non venisti. Quibus ipse ait: quare fratres, quare ista dicitis? Nunquid sicut promisi non veni? Cui cum ipsi dicerent: quando venisti? respondit. Nunquid vtrique vestrum dormienti non apparui, & loca singula designaui? ite: & sicut per visionem audistis, omne habitaculum Monasterij ita construite. Qui hæc audientes vehementer admirati, ad prædictum prædium sunt reuersi; & cuncta habitacula, sicut ex reuelatione didicerant construxerunt.





Non tamen ulla vehit patrū consortia vultus .  
 Compita corripuit subito , tetigitque Casinum  
 Nuncius , ante Patrem fundens has ore querelas :  
 Cur , Genitor , sobolem verbo deludis inani ?  
 En promissa dies , quæ lumina grata spondit ,  
 Te tardante , virum cupientia corda fefellit .  
 Interrupta iacent opera , incæptique labores ,  
 Propter eâ possunt nec cæptæ asurgere sedes .  
 Luxat Aniciadum , merenti talia dixit :  
 In vacuas , Nati , voces cur soluitis ora ?  
 Nonne statim , veniens , dictorum gesta probavi ?  
 Parce , Parens , illuc nondum videre sodales  
 Te ; placido subdit dicenti Nuncius ore .  
 Nunquid , ait , cum blanda quies præcordia nocte  
 Lamberet , & vestris sopor irroraret ocellis ;  
 Nonne dedi patrios coram dignoscere vultus ?  
 Pectoris atque meas animo tentare latebras ?  
 Taliter , ite citi , surgentia Tecta novate .  
 Tunc hæere oculis mirati verba loquentis .  
 Atque referre gradus illuc Claustrumque locare  
 Sollicitant , somno iam cuncta regente paterno .

## C A P V T XXVI.

*Quomodo sub anathemate comminatus est duabus religiosis fœminis nisi continuissent linguam maledicam.*

**V**ix ipsa communis eius locutio à virtutis erat pondere vacua: quia cuius cor se se in alta suspenderat, nequaquam verba de ore illius incassum cadebant. Si quid vero vnquam non iam decernendo, sed minando diceret, tantas vires sermo illius habebat, ac si hoc non dubiè, atque suspensè, sed iam per sententiam protulisset. Nam non longè ab eius Monasterio duæ quædam sanctimoniales fœminæ conuersabantur nobiliori genere exortæ, in loco proprio; quibus quidam religiosus Vir ad exterioris vitæ vsum præbebat obsequium. Sed sicut nonnullis solet nobilitas generis parere ignobilitatem mentis: ut minus se in hoc mundo despiciant, qui plus se cæteris aliquid fuisse meminerunt; nec dum prædictæ sanctimoniales fœminæ sub habitus sui fræno restrinxerant;

& eun-



## TETRASTICHON XXVI.

Perfida verba Pater prohibet glomerare sorores,  
 Ne petat obstantes fulmine Pontificum.  
 Ponderus habere minas linguæ sensere procaces,  
 Dum sine ponderibus iussa tulere necem.

## CAPUT XXVI.

**V**ix Pater innocuus voces fundebat inanes;  
 Illius Ætherei super alta cacumina Tecti  
 Mens volat, atque oris pondus iam verba loquentis  
 Expressere viri, vacuæ haud rediere loquelæ.  
 Si quem fulminæ minitatur cuspide linguæ;  
 Quam vis nulla rotet certas sententiæ pœnas,  
 Igneus at sermo, iam robore plenus, & ausu,  
 Haud dubios tantum, sed tutos excutit ictus.  
 Ceu librat iusto partes examine Iudex;  
 Absolvit iustum; atque reum pœnis ferit ultro,  
 Insolitas dirimens lites, & iura resoluens.  
 Incoluere Nurus geminæ vicinia Cætus,  
 Nobilitate graues, & claro sanguine Auorum.  
 Relligiosa manus servilia facta gerebat  
 Virginei Tecti, Dominiſque alimenta parabat.  
 Sape sed ingenuus mentes ut splendor obumbrat,  
 Atque tegit morum caligine, gentis honores:  
 Despiciatque minus se, qui præcellere multos  
 Aduertit, generisque iubar, proauumque decorem.  
 Vaniloquæ nondum vitium didicere loquelæ  
 Comprimere; aut mores habitu componere Matres,

Vocibus

& eundem religiosum virum, qui ad exteriora ministeria necessaria eis obsequia præbebat, incautis sæpè sermonibus ad iracundiam prouocabant. Qui cum diu ista tolleraret perrexit ad Dei hominem, quantasque pateretur verborum contumelias enarrauit. Vir autem Dei hæc de illis audiens, eis protinus mandauit dicens: corrigite linguam vestram, quia si non emendaueritis excommunico vos. Quam videlicet excommunicationis sententiam, non proferendo intulit, sed intentando. Illæ autem à pristinis moribus nihil mutatæ, intra paucos dies defunctæ sunt, atque in Ecclesia sepultæ. Cumque in eadem Ecclesia missarum solemnia celebrarentur, atque ex more Diaconus clamaret; si quis non

commu-



Vocibus incautis famulum sed sepè lacesunt ,  
 Illius haud cessant irarum accendere flammās .  
 Vir tolerare minas, & diræ iurgia linguae  
 Impatiens, Summo Genitori inculcat Alumnas .  
 Qui subito vocitans, Zelo repletus, & astu :  
 Ite ( ait, ) & geminis deferre Sororibus , atræ  
 Perniciosa premant tandem convicia vocis ,  
 Ne forte intorquens sacratæ fulmina tedæ ,  
 Virgineas animas feriam , Temploque repellam .  
 Ipse tamen, mitis, Nuribus vix, ore soluto ,  
 Intentat pœnas , ausisque minatur acerbis .  
 Nil potuere minæ : serpunt contagia linguae ,  
 Spargere nec sistant furialis verba veneni .  
 Vix pauci excessere dies, cum fila sororum  
 Parca manu secuit tetra, præcluserit & ora ;  
 Lumina sic vetuit vitæ in statione manere .  
 Mox geminum Templis infert Libitina cadaver ,  
 Et scrobibus clausis, ceno, cinerique litantur .  
 Cumque sacer superis ferret libamina Myste ,  
 Ac Levita comes Templis exire iuberet ,  
 Quis scelerum labes prohibet considerare mensis

R

Sacri-

communicat det locum; Nutrix earum, quæ pro eis oblationem Domino offerre consueuerat, eas de sepulchris suis progredi, & exire Ecclesiam videbat. Quod cum sapius cerneret, quia ad vocem Diaconi clamantis exhibant foras, atque intra Ecclesiam permanere non poterant; ad memoriam redijt, quæ Vir Dei illis adhuc viuentibus mandauit. Eas quippe se communionem priuare dixerat, nisi mores suos, & verba corrigerent. Tunc seruo Dei cum graui mærore indicatum est. Qui protinus manu sua oblationem dedit dicens. Ite, & hanc oblationem pro eis offerri Domino facite, & vltius excommunicatæ non erunt. Quæ cum oblatio pro eis fuisset immolata, & à Diacono iuxta morem clamatum est; vt non communicantes ab Ecclesia exirent, illæ exire ab Ecclesia vltius visæ non sunt. Qua ex re indubitanter patuit, quia dum inter eos, qui communionem priuati sunt minimè recederent, & communionem à Domino per seruum Dei recepissent.



Sacrificis, niueaque frui consortia Gentis  
 Christiadam; Nutrix quæ ferre iuamina Natis  
 Assolet, & donis celsum placare Tonantem;  
 Adspicit e clausis rediuiua cadauera Bustis  
 Exire, & citius sanctis discedere Tectis.  
 Spectat Anus factum, quoties ac ore Minister  
 Improbatur exclusos, Cereri nec Cælite dignos.  
 Continuo memori, Benedicti dicta notauit  
 Pectore, cum geminas minitanti voce Puellas  
 Corripuit, rabidæ purgent ni crimina linguae.  
 Nouit ut hæc Heros, miti tunc munera dextra  
 Obtulit, his (inquit) cumulare altaria donis;  
 Hæc poterunt Matrum sacros dissoluere nexus.  
 Munera vix dantur; repetit tum dicta Minister.  
 Iamque oculos species Prolis nec turbat aniles.  
 Verba quid innocui constat potuere Parentis:  
 Soluere queis nexus datur; atque ligare potestas.

R 2 TE-

## C A P V T XXVII.

*Qualiter apportari praecepit Sacrosanctum Domini Corpus, & imponi super corpus Monachi defuncti, quod terra ipsa non sustinebat.*

**Q**Vadam quoque die cum quidam eius puerulus Monachus, parentes suos ultra quam debebat diligens, atque ad eorum habitaculum tendens, sine benedictione de Monasterio exisset: eo die, ut ad eos pervenit, defunctus est. Cumque esset sepultus die altero, proiectum foras corpus eius inventum est. Quod rursus tradere sepulturae curaverunt: sed sequenti die iterum proiectum exterius, atque exhumatum sicut prius invenerunt. Tunc concite ad Benedicti Patris vestigia currentes; cum magno fletu petierunt, ut ei suam gratiam largiri dignaretur. Quibus Vir Dei manu sua protinus communionem Dominici corporis dedit dicens: ite, atque hoc Dominicum corpus super pectus eius cum magna reverentia ponite, eumque sepulturae tradite. Quod cum factum fuisset, susceptum corpus eius terra tenuit, nec ultra proiecit. Perpendis, Petre, apud Iesum Christum Dominum cuius meriti iste vir fuerit, ut eius corpus etiam terra projiceret, qui Benedicti gratiam non haberet.

C A-



## TETRASTICHON XXVII.

Euomit vt Monachi tumulata cadauera tellus,  
 Materno tandem continet illa sinu.  
 Detonuit placidi postquam iusta ira Parentis,  
 Insolitæ Matris detonuere minæ.

## CAPUT XXVII.

**C**lam Puer aufugiens repetit consortia sæcli,  
 Cum nimius cogebat amor, feruorque videndi  
 Maternos vultus, & dulcia viscera fratrum.  
 Hinc citus arua terens, Benedicti deserit Aedes,  
 Alto nec curat submittere genua Magistro,  
 Et ceruice Crucem dextræ expectare reflexa.  
 Vix tetigere Lares patris, adytusque benignos  
 Planta, cum Pueri iam vita subire Penates  
 Cogitur, heu, Mortis; terræque sub equore claudi.  
 Crastina, sed tellus pueriles euomit artus,  
 Sollicitatque viros fouens abscondere cæcis  
 Nec mora membra solum tumulati cructat Alumni.  
 Protinus Ausonio factum reculere Parenti,  
 Parceret, utque rogant, pius, & daret ossa sepulchro.  
 Nursius ast Heros, Cælestis fercula crusti  
 Porrexit subdens: hoc strata cadauera Nati  
 Tangite, maternis tellus hunc abdet & vlnis.  
 Imperium exequitur: mox Busti gaudet honore  
 Corpus, & ipsa sinu nec humus refouere recusat.  
 Adspice quam profit Benedicti gratia, Petre:  
 En velare nequit Gnatos Libitina rebelles.

T E.

## C A P V T XXVIII.

*De Monacho eius, qui dum fugeret de Monasterio, Draco  
terribissimus se illi opposuit.*

**Q**uidam autem eius Monachus mobilitati mentem  
dederat, & permanere in Monasterio nolebat.  
Cumque eum Vir Dei assidue corripere, &  
frequenter admoneret, ipse vero nullo modo consisteret  
in Congregatione persistere, atque importunis precibus  
ut relaxaretur immineret. Quadam die idem Venerabi-  
lis Pater nimietatis eius taedio affectus, iratus iussit ut di-  
scederet. Qui mox ut Monasterium exiit, contra se assi-  
stere aperto ore Draconem in itinere inuenit. Cumque  
eum idem Draco qui apparuerat denotare vellet, cepit  
ipse tremens, & palpitans magnis vocibus clamare di-  
cens: **Currite, currite,**

quia



## TETRASTICHON XXVIII.

Cum sacros adytus Benedicti liquit Alumnus,  
 Illius horrificus terruit ora Draco.  
 Corda colubrifero liuent fugitiua veneno  
 Infecta; hinc Orci territat illa Draco.

## CAPUT XXVIII.

**C**oenobij cultor, menti laxarat habenas,  
 Mobilis, atque Lares, & mania sacra perosus,  
 Optabat cupidus spatioſa per arma vagari,  
 Despiciens ſancti taciturnæ ſilentia Clauſtri.  
 Increpat affiduis monitis Benedictus Alumnus  
 Incaſum, & rigidis obiurgat corda querelis;  
 Aggrediturque minis; verbisque laceſſit amaris.  
 Namque reluctantes animos, vultuſque ſutigat  
 Patris, & immodicis iras exaſperat auſis;  
 Qui tandem calidi pertæſus verba precantis,  
 Annuit obductis ſe ſe ſubducere Tectis.  
 Atria vix liquit; dirus cum terret euntis  
 Ora Draco; riſtuque necem minitatur hianti,  
 Sibila tergeminis pertentat guttura linguis,  
 Peſtiferum eructans fatali fauce Mephitim.  
 Occupat extemplo formido corda vagantis,  
 Diriguitque metu; albeſcens & in ore reſedit  
 Paller, & horrentis greſſus fera monſtra coercent.  
 Inclamat vocitans, impletque timore ſodales;  
 Terque quaterque rogans, clamoribus Aethera pulſat.  
 Currite (ait) ſocij, miſerum ſeruate labantem;

Iam

quia Draco iste me deuorare vult. Currentes autem fratres Draconem minimè inuenerunt: sed trementem atq; palpitantem Monachum ad Monasterium reduxerunt. Qui statim promisit nunquam se esse iam de Monasterio recessurum; atque ex hora eadem in sua promissione permansit, quippe qui Santi Viri orationibus contra se assistere Draconem viderat, quem prius non videndo sequebatur.

## C A P V T XXIX.

*Quemadmodum infantem elephantino morbo laborantem sanauit.*

**S**ed neque hoc silendum puto, quod illustri viro Abdominio narrante cognoui. Qui aiebat Patris sui puerum morbo elephantino fuisse correptum, itaut iam pilis cadentibus cutis intumesceret.

Cum-



Iam mea squamosi sunt viscera praeda Draconis,  
 Rictibus en patulis me quarit condere in aluo,  
 Euomit iratus spumas, & sibilat ore,  
 Attollitque ferox collum, glomeratque tumentes  
 Spiras, atque celer ruit in mea damna superbus.  
 Audijt ut Cætus gemitus, vocesque precantis,  
 Præbuit auxilium, veloxque trementia sepsit  
 Corpora, sed species apparet nulla Draconis;  
 Aspicit at miserum pauitantem, & multa loquentem.  
 Mox ad Tecta ferunt: ipse at parere Parenti  
 Spondet, nec sacris prorsus se effundere portis.  
 Quippè preces patriæ maculosi spectra Colubri  
 Opposuerunt sibi, cultas quia deserit Ædes.

## TETRASTICHON XXIX.

Putris arat scabies Puerum, pellemque flagellat,  
 Intus & exundans corpora pestis edit.  
 Fert Benedictus opem, crustasque repellit inertes;  
 Arte carens omni dextra dat Artis opes.

## C A P V T XXIX.

**Q**'Vis non Pierio tollat miracula cantu,  
 Fama, per ora virum volitans, quæ prodit in Orbem?  
 En Puer, innasit morbi quem lurida tabes,  
 Affixitque solo vultus, languente colore,  
 Iamque capillorum speliauerat ora decore,  
 Et macies egros Pueri decoxerat artus.  
 Horrida iam sanies pellem merientis arabat,  
 Et, crescente lue, occultus iam proditur hostis.

S Præsul



Cumque incremente sanie occultari non posset; ad Virum Dei ab eodem Patre missus est, & saluti pristinae sub omni celeritate restitutus est.

## C A P V T XXX.

*Quomodo inuenta miraculose pecunia, honestum quendam virum debitoris exactione leuauit.*

**N**Equē illud taceam quod eius discipulus Peregrinus nomine narrare consueuerat, quia die quadam fidelis Vir quidam necessitate debiti compulsus, vnum sibi fore remedium credidit, si ad Virum Dei pergeret, & quæ eum vrgeret debiti necessitas indicaret. Venit itaq; ad Monasterium; Omnipotentis Dei famulum repperit; quod à creditore suo pro duodecim solidis grauer affligeretur indicauit. Cui Venerabilis Pater, nequaquam se habere duodecim solidos respondit, sed tamen eius inopiam blanda locutione consolatus, ait; vade, & post biduum reuertere, quia deest hodie quod tibi debeam dare,

In ipso



*Præsul anhellantis despectans corpora Nati  
 Calicus, arcet ope ætherea tetra agmina morbi,  
 Lethalemque luem, torquentem & viscera pestem.  
 Nam subito teneri florescunt corpora Ephebi,  
 Et iuvenile iubar reduces à funere vires  
 Excitat, & pulsa redeunt primordia lucis.  
 Membra color vestit: pingit queque purpura malas,  
 Casaricque caput decorat, frontemque venustam.  
 Redditur incolumis (mirum) Genitoris ocellus  
 Visceribus patrijs: dignas pro munere grates  
 Obtulit, in laudes & Præsulis ora resolvit.*

### TETRASTICHON XXX.

*Flebat obærratus Vir, quem tristis egestas,  
 Diues & aduersa fœnoris arte premit.  
 Subuenis afflictæ, Benedicte, numismate menti,  
 Et paris optatas pauper egenus opes.*

### C A P V T XXX.

*N* On hic præteream, quod tu (Peregrine) solebas  
 Prodere, cum patrios iactabas voce Triumphos.  
 Olim pauper, egens, alienoque arc ligatus,  
 Afflictos animos, quos acta pecunia torquet,  
 Signifero Heroi ferat ut solatia, pandit.  
 Ergo celsa petit magni Penetralia Patris;  
 Solicitet quantum importuni creditor aris  
 Corda viri, repetens duodeni credita nummi  
 Exprimit: ille refert mentis seponit timores,  
 Namque dies animi succurret crastina curis.

S 2 Ire,

In ipso autem biduo, more suo in oratione fuit occupatus. Cum die tertio, is, qui necessitate debiti affligebatur redijt, super arcam Monasterij, quæ erat frumento plena, subito tredecim solidi sunt inuenti. Quos Vir Dei deferri iussit, & afflicto petitori tribuit dicens, vt duodecim redderet, & vnum in expensis proprijs haberet.

## C A P V T XXXI.

*Quoniam pacto quendam, qui venenum ebiberat, sanum, & liberum reddidit.*

**Q**uidam vir grauissima aduersarij sui æmulatione laborabat. Cuius ad hoc vsque odium prorupit, vt ei nescienti in potum venenum daret. Qui quamuis vitam auferre non valuit, cutis tamen colorem mutauit, itaut diffusa in corpore eius varietas lepræ morem imitari videretur.

Sed



*Ive, redire iuuat, lux ut ferat omnia votis.  
 Interea precibus Cælestia culmina pulsat.  
 Tertia sidereum cum lux exornat Olympum,  
 Limina Pauper adit, nec spe fraudatus amica,  
 Nam super oppletam Cereali munere capsam,  
 Cernitur æs miseri quod debita soluet egeni,  
 Atque uno maior: mox omnia porrigit illi;  
 Bis sex Præsul (ait) iuste, Vir redde petenti;  
 Pauperiemque domus aucta solare moneta.*

## TETRASTICHON XXXI.

*Pressa veneniferis hærebant viscera succis,  
 Lambebantque Viri lurida damna cutem.  
 Restituit membris Benedicti dextra vigorem,  
 Et finè vi medica, fit medicina manus.*

## C A P V T XXXI.

**A** *Emula dextra virum verbis, odiisque laceffit,  
 Agglomeratque dolos, falsa, & diæteria lingue,  
 Insidiasque parat; versutus qualiter Auceps,  
 Pennigeris auibus pedicas, nexusque plagarum  
 Apparat, atque feras haud cessat mille fugaces  
 Artibus auferre, infenso vel fallere visco.  
 Infantes odij strauit nec machina vultus.  
 Hostis ut in cassum iam retia multa parasse  
 Adspicit, ad cyathi lethali mixta liquore  
 Pocula confugiens, infecit membra venenis.  
 Haud rabidum virus vitalia fila refregit,  
 Horrida sed scabies latè diffusa per artus,*

*Intumet,*

Sed ad Dei hominem deductus salutem pristinam citius recepit. Nam mox ut eum contigit omnem cutis illius varietatem fugauit.

## C A P V T XXXII.

*Quomodo Vitreum vas oleo plenum per fenestram præcipitari iussit, et illa sum est compertum.*

**E**O quoque tempore, quo alimentorum inopia Campaniam grauius affligebat, Vir Dei, diuersis indigentibus Monasterij sui cuncta tribuerat, ut penè nihil in Cellario, nisi parum quid olei in vitreo vase remaneret. Tunc quidam Subdiaconus Agapitus nomine aduenit, magnoperè postulans, ut sibi aliquantulum olei daret. Vir autem Domini, qui cuncta decreuerat in terra tribuere, ut in Cælo omnia reseruaret, hoc ipsum parum quod remanserat olei,

*iussit*



Intumet ; ipsa gemens imitatur & ulcere lepram ,  
 Dum maculis iam corpus arat , vicioque laceffit .  
 Antè pedes Sancti Genitoris sistitur ager ,  
 Cælite qui postquam languentia corpora dextra  
 Contigit , orta lues afflictos deserit artus .  
 Florescitque cutis ; niueum vestitque colorem ;  
 Purpureusque rubor geminata corallia vultus  
 Occupat , & maciem , morbumque repellit inertem .

## TETRASTICHON XXXII.

Rupibus ex altis plenum vas pinguis oliui  
 Proiectum , haud casu tristitia damna tulit .  
 Quam seruare fidem Genitori spreuit Alumnus ,  
 Seruat oliuiferis Amphora diuitijs .

## C A P V T XXXII.

**E**Uboicas olim Cæli inclementia fruges  
 Decoxit ; nam pingue solum renuebat aristas  
 Reddere , & Æmonij fragrantia dona Lyæi .  
 Lurida namque fames cunctas afflixerat Vrbes ,  
 Guttur & impastum suspiria mæsta trahebat ,  
 Undique corporibus solatia certa requirens .  
 Dux inopum Custos Benedictus , cuncta petenti  
 Contulerat , refouens inhiantia viscera plebis ;  
 Nullaque mox onerant Natorum fercula mensam .  
 Nam dare cuncta Parens in terris , largior imbre  
 Sueuerat , agglomerans Cælestibus omnia regnis .  
 Amphora adhuc latices oleæ seruabat agrestis .

Et

iussit petenti dari. Monachus verò qui Cellarium tenebat, audiuit quidem iubentis verba, sed implere distulit. Cumque post paululum, si id quod iusserat datum esset inquireret, respondit Monachus se minimè dedisse, quia si illud ei tribueret, omninò fratribus nihil remaneret. Tunc iratus illis præcepit, ut hoc ipsum vas vitreum, in quo parum olei remansisse videbatur, per fenestram proijcerent, ne in Cella aliquid per inobedientiam remaneret. Factum est ita. Sub fenestra autem eadem ingens præcipitium patebat saxorum molibus asperum. Proiectum itaque vas vitreum venit in saxis, sed sic mansit incolume, ac si proiectum minimè fuisset, ita ut neque frangi, neque oleum effundi potuisset. Quod Vir Dei præcepit leuari, atque ut erat integrum petenti tribui.

Tunc



Et pius hoc Heros Monacho concessit egenti ;  
 Promus at imperio renuit parere Magistri ,  
 Distulit, hinc tardus , socio indulgere roganti .  
 Scitatur Senior, num prouidus acta Minister  
 Ordine complerit ; se iussa capescere Patris  
 Posse negat ; nam Tecta manent viduata liquore  
 Palladis, & vexat sacros penuria fratres .  
 En subito irarum voluens in pectore flammās ,  
 Proicere è specula vitreum vas pinguis oliui ,  
 Sancta reluctantis quicquam ne Claustra viderent  
 Mentis, magne iubet Pater . haud mora , iussa retardat .  
 At locus è specula præruptus in ima dehiscens  
 Cernitur ; hic rupes saxorum mole rigentes ,  
 Dissita præcipiti perstringunt lumina visu .  
 Ecce ampulla ruit , valido pellente lacerto ,  
 Subdita saxa tenens ; pendenti in marmore sedit ,  
 Nullaque per sentit damnata pericula casus ;  
 Namque intacta manet nullo fluitante liquore .  
 Protinus hanc iussit fratres deferre Magister ,  
 Incolumemque dari lycni fomentum petenti .

T

Præ-

Tunc collectis fratribus inobedientem Monachum de infidelitate sua , & superbia coram omnibus increpauit.





Præterea Senior repletus lumine Diuum ;  
 Concilium acciri Cætus, totamque Cateruam  
 Mandat, & obstantes animos, mentemque rebellem  
 Corrigit, infidi trepidantiaque ora Ministri.  
 Cur tua decepit stygius præcordia Præses  
 Pronidus immensa qui dirigit omnia cura  
 Omnipotens Rector præbens animalibus escam ;  
 Ardua quique simul, modica & discrimine nullo  
 Digerit, & tristi pariter succurrit egeno,  
 Abnuet afflicte sua dona parare Cohorti ?  
 Quam iuuat excelsæ munus dignoscere dextræ,  
 Iam solitæ innumeros opibus ditare maniplos ?  
 Assidua quantum cura soletur ouile  
 Pastor ; inexhaustis, & nutriat agmina donis ?  
 Vanos pone metus : lapsis confidere rebus  
 Profuit, & vigilem Patris sperare salutem,  
 Sit licet extremis virtus agitata periclis.  
 Astibus ergo hostis, Ditique resistite, Nati,  
 Et vosmet regnis lati seruate supremis.



T z TE-

## C A P V T XXXIII.

*Quemadmodum ex vase vacuo fecit orando, ut exuberaret  
oleum abundanter.*

**Q**ua increpatione completa, se se cum iisdem fratribus in orationem dedit. In eo autem loco ubi cum fratribus orabat, vacuum erat ab oleo dolium, & cooper-  
tum. Cumque Sanctus Vir in oratione persisteret, coepit  
operimentum eiusdem dolij oleo excrecente subleuari.  
Quo commoto, atq; subleuato oleum quod excreuerat,  
ora dolij transiens, pauimentum loci in quo incubuerat  
inundabat. Quod Benedictus Dei famulus, ut aspexit,  
protinus orationem compleuit, atque in pauimentum  
oleum fluere cessauit. Tunc diffidentem, inobedientem,  
que fratrem latius admonuit, ut fidem habere disceret, &  
humilitatem. Idem verò frater salubriter correptus eru-  
buit, quia Venerabilis Pater virtutem Omnipotentis

Domini



139

# TETRASTICHON XXXIII.

Dum votis onerat Præsul conuexa Polorum,  
 Palladis exuperat dolia plena liquor.  
 Funditur excrescens oleum: deferueat ardor  
 Orantis, sistet tunc sua dona Polus.

## CAPUT XXXIII.

**D**ixit, & unanimi supremum Numen adorant  
 Pectore, & ingeminant largo suspiria fletu.  
 Hic ubi corda preces concordi fœdere promunt,  
 Vas oleo vacuum (quod scilicet undique clausum,  
 Vix aer terebrat, per operta foramina pergens)  
 Cernitur; orat adhuc Hæros, & supplice vultu  
 Vocibus indulget, flammæ sub pectore voluens,  
 Diuinæque faces, & amica incendia cordis.  
 Hinc liquor excrescens (mirum) viridantis oliuæ,  
 Obstansque seras, rectique foraminis intus  
 Eleuat, & vasis spiramina clausa recludit.  
 Humor, & exsuperans instrata Asarcta tegebat.  
 Palladios latices suecrescere ut audit amicus  
 Numinis Ætherei; tandem data meta laborum,  
 Crescentes riuos, & Cæli dona coercet.  
 Flammeus at Præsul diuino percitus æstu,  
 Latius ore petit rigidi temeraria Promi  
 Facta, fidemque breuem mentis, frontemque superbam.  
 Erubescere genæ, correptaque corda Ministri,  
 Gressibus & didicit deinceps incedere rectis,  
 Pauper, & in summi Patris confidere dextra,  
 Elatumque animum, & voces frenare proteruas.

Obstans.

Domini, quam admonitione intimauerat, miraculis ostendebat. Nec erat iam ut quisquam de eius promissionibus dubitare posset, quia in vno eodemque momento pro vitreo vase penè vacuo plenum oleo dolium reddidisset.

## C A P V T XXXIV.

*Quo pacto Monachum à Demone possessum sanum reddiderit.*

**Q**Uadam die cum ad B. Ioannis oratorium, quod in ipsa Montis celsitudine positum est, pergeret, ei antiquus hostis in Mulomedici specie obuiam factus est, cornu, & tripedica ferens. Quem cum requisisset dicens, quo vadis; ille respondit. Ecce ad Fratres vado, potionem eis dare. Itaque perrexit Venerabilis Benedictus ad orationem, qua completa concitus redijt. Malignus vero spiritus vnum seniore Monachum inuenit aquam haurientem, in quem statim ingressus est, eumque in terram proiecit, & vehementissime vexauit.

Quem



Obstupere Viri ; patriæ miracula mentis  
 Mirati ; trepida cordis caligine versa ;  
 Mox cæpere fidem sancto præstare Parenti ,  
 Palladis implevit cum grandia dolia succis ,  
 Exiguamque penum donis cumulauit opimis .

## TETRASTICHON XXXIV.

Corripuit stygius Monachi Podalirius artus ,  
 Inferna quatiens subdita membra manu .  
 Corporis obsessa Ditem deturbat ab Arce ,  
 Artibus obsistens Dæmonis , arte Pater .

## C A P V T XXXIV.

**S**Truxerat in rigida sublimis Rupe Casini ,  
 Vertice ubi superi ferit athera celsa Tonantis ,  
 Limina Zatharida Senior . Cum pergeret illuc ,  
 Occurrit Patri seuus Phlegetontis Alumnus ,  
 Signa ferens Medici , gerulis qui Pharmaca Mulis  
 Propinat , pedica , cornuque grauatus adunco .  
 Extemplo Præsul causam scitatur eundi :  
 Rettulit ille : tuis porto medicamina Natis .  
 Nursus interea Heros celsa cacumina scandit ,  
 Pronus , & adiculæ venerandum limen adorat ;  
 Mox , prece completa , festinus Claustra reuifit .  
 Hinc Erebi Nati senioris membra Machaon  
 Corripit , & diro contorquet corda fragore .  
 Ceu Lupus aggreditur mollis cum terga iuuentæ ,  
 Rictibus impavidis , iuuenilis concutit , audax ,  
 Gra feræ ; donec raptoris detegat iras

Pastor

Quem cum Vir Dei ab oratione rediens tam crudeliter vexari conspiceret, ei solummodo aliam dedit, & malignum ab eo spiritum protinus excussit, ita ut ad eum redire ulterius non auderet.

## C A P V T XXXV.

*Qualiter Rusticum vinctum miserabiliter aspiciendo solum eius vincula dissoluit.*

**G**Othorum quidam Zalla nomine perfidiæ fuit Arianæ; qui Totilæ Regis eorum temporibus contra Catholicos Ecclesiæ religiosos viros ardore immanissimæ crudelitatis exarsit: ita ut quisquis ei Clericus, Monachusve ante faciem venisset, ab eius manibus viuis nullo modo exiret. Quadam vero die avaritiæ suæ æstu succensus in rapinam rerum inhians, dum quendam Rusticum tormentis crudelibus affligeret; eumque

per



*Pastor, & audacis prædonis furta retundat.  
 Sic Pater, adueniens, fraudes ut spectat Auerni,  
 Crudelesque hostis motus agitantis Alumnus;  
 Ora petit medico tunc Heros verberare dextra,  
 Bacchantemque Lupum, stygium detrudit ad Orcum,  
 Obsæque manu dissoluit vincula mentis.*

# TETRASTICHON XXXV.

*Dirus auaritia compulsus Zalla, reuinxit  
 Agricola, donec proderet æris opes.  
 Præfulis aspectus nectentia lora refregit,  
 Luminaque oblitricto sunt pia, sica viro.*

## C A P V T XXXV.

**V** *Ir quondam immanis, Gothica de gente creatus,  
 Christiadis, sacrisque viris infensor hostis,  
 Hærescos tenebris scelerati immersus Arii,  
 Agmina & hunc Plebis Zallam cognomine dicit.  
 Totila dum latii fines, & sceptrum regebat  
 Imperij, Christi furibunda mente Clientes  
 Insequitur, manibus cupiens euertere Gentes  
 Emeritas, superum & sanctos temerare Penates.  
 Syluicolas sacros, & Limina diu tuentes,  
 Assiduus odijs, furialique ense trucidat.  
 Hic & auaritiæ flamma succensus iniqua,  
 Diuitijs inhians; auri que cupidine raptus,  
 Artibus Autholici tristes populatur Agrestes.  
 Militis in rabidas infelix incidit iras  
 Rusticus; hunc laqueis, nodosa & cannabe cinctum*

**V** *Torsit,*



per supplicia diuersa laniaret: victus pēnis rusticus se se,  
 & res suas Benedicto Dei famulo comendasse professus  
 est, vt dum hoc à torquente creditur, suspensa interim  
 crudelitate ad vitam horæ raperentur. Tunc idem Zalla  
 cessauit tormentis rusticum affliggere, sed eius brachia  
 loris fortibus astringens, antè equum suum cepit impel-  
 lere, vt quis esset Benedictus, qui eius res susceperat de-  
 monstraret. Quem ligatis brachijs rusticus antecedens  
 duxit ad sancti Viri Monasterium, eumque antè ingres-  
 sum Cellæ solum sedentem reperit, & legentem. Eidem  
 autem subsequenti, & sæuienti Zallæ rusticus dixit. Ecce  
 iste est de quo dixeram Benedictus Pater. Que dum fer-  
 uido spiritu, & peruersæ mentis insania fuisset intuitus,  
 eo terrore quo consueuerat acturum se existimans, ma-  
 gni cepit vocibus clamare, dicens.

Surge



Torfit, & horrisso vincloꝝ verberet carnes,  
 Tergaque proscindit, geminata rotante lacerto,  
 Lora; cruentatis crebro sub vulnere membris.  
 Tunc vir, penarum rabido crescente dolore,  
 Dum flagra dira sonant, & sanguinis imber inundat,  
 Barbarici pietas nec mollit corda furoris:  
 Desine (Agrestis ait) torquere infontis egeni  
 Corpora; diuitias celat nam Nursus Heros,  
 Omnia tam fido iam sub Custode reliqui.  
 Tunc suspensa fides flagrorum damna coerces,  
 Protraxitque miser percuntis stamina vita.  
 Dira Gothi rabies strinxit sed fune Coloni  
 Brachia; iussit Equi tandem praeuerrere gressus,  
 Conscius utque Patris fieret, bona testa potitus.  
 Rusticus ager, Equum pedibus comitatur euntem,  
 Cuius membra terit nodorum immane volumen.  
 Post iter, Herois tetigere iugumque, laresque;  
 Vestibulum ante ipsum sanctum inuenere sedentem  
 Ambo Senem, gemina lustrantem luce libellum.  
 Vincetus ait; (Miles) Benedictum conspice Patrem,  
 Religione sacrum, nulli pietate secundum.  
 Ora supercilio Herois lustrare seuerum  
 Capit, voce minax, rigida tum fronte superbus.

Surge, surge, & res istius rustici redde quas accepisti: ad cuius vocem vir Dei protinus oculos leuauit à lectione, eumque intuitus; mox etiam rusticum qui ligatus tenebatur attendit. Ad cuius brachia cum oculos deflexisset, miro modo tanta se celeritate cæperunt illigata brachijs lora deuoluere, vt dissolui tam concitè nulla hominum festinatione potuissent. Cumque is qui ligatus fuerat cæpisset subitò astare solutus: ad tantæ potestatis cum tremefactus Zalla ad terram corruit, & ceruicem crudelitatis rigidæ ad eius vestigia inclinans orationibus se illius commendauit. Vir autem sanctus à lectione minimè surrexit; sed vocatis fratribus, eum introrsus tolli, vt benedictionem acciperet præcepit. Quem ad se reductum, vt à tantæ crudelitatis insania quiescere deberet admonuit.

Qui



Redde senex, inquit, bona; iam citò redde Colono,  
 Quidquid in occultum Tecti custodia seruat.  
 Lumina bina Parens attollit, & ora tuetur  
 Militis, immoto minitantis membra pererrat  
 Corpore; mox acie miserum speculatur Agrestem.  
 En subito intuitu reuoluta volumina cedunt,  
 Laxanturque manus, Prædonis cannabe fracta.  
 Terruit extemplo Patris alta potentia Zallam,  
 Expauitque metu, stupidusque per ora cucurrit  
 Horror; & excrescens Furis præcordia torfit.  
 Corruit ante pedes Diui, ceruice reflexa,  
 Auxiliumque gemmes, rogitat, veniamque precatur.  
 Ille sed immota percurrens fronte libellum,  
 Intrepidusque manens, subsellia prima tenebat.  
 Mox Pater obduclum Natorum contrahit Agmen,  
 Introrsusque trahi iussit; tum poplite flexo,  
 Ut Crucis accipiat munus, signante lacerto,  
 Robora delapsi generis, monumenta salutis.  
 Cum stetit ante ipsum Miles, tunc ore rigenti:  
 Cur tam seua nimis feritas tua corda venenat?  
 Te Lupa, vel Tigris, squallentibus edidit antris,  
 Prado ferox? rabidis an cincta Megæra colubris,

Qui fractus recedens nil ulterius petere à rustico præsumpsit, quem Vir Dei non tangendo, sed respiciendo soluerat.

## C A P V T XXXVI.

*Quomodo infantem cuiusdam rustici iam mortuum  
exsuscitavit.*

**Q**Uadam die cum fratribus ad agri opera fuerat egressus, quidam vero rusticus defuncti filij corpus in vlnis ferens orbitatis luctu ætuans,

ad



*Te nascente, truci circumdedit ora lacerto ?  
 Barbara vel pavit si guttura, lacte ferino,  
 Mater: tu modo Romuleos hic indue mores,  
 Sola placet supero clementia, crede, Tonanti,  
 Et cordis pietas, nullis nocitura Colonis,  
 Flammis namque petit, quos cæci insania furti  
 Derinet, innocuas cogitque laceffere gentes.  
 Desine membra viri duris urgere lupatis  
 Pauperis, atque oculis mitis te subtrahere nostris;  
 Sic iubet Omnipotens, vastum qui temperat Orbem;  
 Fulmine, ni facias, stygium te trudet ad Orcum.  
 Vocibus his tandem confraclus corde sarelles  
 Insanus, stimulis, curisque agitatus anhelis,  
 Tristis abit, nec opes torti quæsiuit Agrestis,  
 Lumine, quem soluit Præsul, radioque minaci.*

## TETRASTICHON XXXVI.

*Stamina ferali quæ fregerat vngue Puelli  
 Parca ferox, reuocat Nursius ore Senex.  
 Voluit ut ad Superos flammatæ incendia mentis,  
 Debilis, indomitæ proripit arma Deæ.*

## C A P V T XXXVI.

**S***ignifer Ausonius, Natorum prole sequente,  
 Arua terens, duro glebas scindebat aratro;  
 Sic manibus fruges, proprioque labore parabant.  
 Rusticus illacrymans, vix & singultibus auram  
 Ore trahens; Sobolis pallentia membra ferebat,  
 Inuida, quæ teneræ, primo surgente, iuuentæ  
 Germine, Mors rigido dextra resciderat vngue.*

*Au.*



ad Monasterium venit, Benedictum Patrem quæsiuit.  
 Cui cum dictum esset, quia idem Pater cum Fratribus in  
 agro moraretur, protinus antè Monasterij Ianuam cor-  
 pus extincti filij proiecit, & dolore turbatus ad inuenien-  
 dum Venerabilem Patrem se concitus in occursum de-  
 dit. Eadem verò hora Vir Dei ab agri opere cum fratri-  
 bus reuertebatur, quem mox, vt orbatus Rusticus aspe-  
 xit, clamare cepit; redde mihi filium meum; redde mihi  
 filium meum. Vir autem Dei ad hanc vocem substitit  
 dicens: Nunquid ego tibi filium tuum abstuli? Cui ille  
 respondit, mortuus est veni resuscita eum. Quod mox vt  
 Dei famulus audiuit, valde contristatus est dicens. Rece-  
 dite, fratres, recedite, hæc nostra non sunt, sed Sanctorum  
 Apostolorum sunt; quid nobis onera vultis imponere,

quæ



Audierat sancti miracula crebra Parentis;  
 Fert gressus subito surgunt quo Tecta Casini,  
 Vestigatque Senem, lacrymis suffusus amaris.  
 Accipit utque solum duro renouare ligone,  
 Agminibusque sacris flauas decerpere aristas.  
 Antè fores posuit Nati puerile cadauer;  
 Protinus ipse spei fido munimine fultus,  
 Mollit iter, celeri per prata virentia motu  
 Et nihil ignotum, nil deserit irreuolutum;  
 Subuolat in segetes; nunc hoc, modo dexter ab illo  
 Tramite subsiliens, oculis sata plurima lustrat  
 Optatum donec tueatur luce sacorem.  
 Interes finem cæptis imponere rebus  
 Cæperat, & solitas Præses remeabat ad Arces,  
 Cum Pater orbat, verbis inclamat anhelis,  
 Redde mihi Natum, mea viscera redde, Magister:  
 Obstupere omnes: tum substitit arduus Heros;  
 Postea ad hæc: tibi subduxi num Germen, Agrestis?  
 Ille refert: animam superas transmisit ad auras,  
 Denuo, tu, puero vita da currere metas.  
 Audiit hæc postquam turbato pectore Præsul:  
 Pergite iam, Fratres; dorsum cur impare nostrum  
 Pondere comprimitis? bisena Caterua Senatus

quæ non possumus portare? At ille, quem nimius coge-  
bat dolor, in sua petitione perstitit, iurans, quod non rece-  
deret, nisi eius filium resuscitaret. Quem mox Dei famu-  
lus inquisiuit, dicens; ubi est? Ceci ille respondit: ecce  
corpus eius ad ianuam Monasterij iacet. Vbi dum Vir  
Dei cum fratribus venisset, flexit genua, & super corpu-  
sculum infantis incubuit, se seque erigens ad Cælum pal-  
mas tetendit dicens. Domine non aspicias peccata mea,  
sed fidem hominis huius, qui resuscitari filium suum ro-  
gat, & redde in hoc corpusculum animam quam abstu-  
listi. Vix in oratione verba compleuerat, & egrediente  
anima, ita corpusculum pueri totum contremuit, vt sub  
oculis omnium qui aderant apparuerit concussione mi-  
rifica, fremendo palpitaſſe. Cuius mox manum tenuit, &  
eum Patri viuentem, atque incolumen dedit.



Præstat Apostolici hæc ; valet hic rescindere fatum .  
 Rusticus impatiens , verbis audacibus , inquit :  
 Hic prius Omnipotens adigat me fulmine ad Orcum ;  
 Vel mage, detecto vastæ telluris hiatu ,  
 Opto vias Erebi, caligine circumfusus ,  
 Cernere ; quam sine Prele redux inuisere Tectum .  
 Tum Pater : inuisum nobis reclude cadauer :  
 Villicus antè fores , inquit, resupina iacere  
 Corpora Cænobij ; Benedictus ut attigit Ades ;  
 Se super incubuit , porrecto funere Nati ;  
 Mox stetit, & supplex palmas utrasque tetendit :  
 Numen, ait, ne spectes, Legifer, & Sator Orbis ,  
 Crimina nunc famuli, sed corda, fidemque Coloni ,  
 Qui rogat extincti lucès à nocte vocari ;  
 Spiritus (omnipotens) concessa sedilia linquens ,  
 Pallentes animæ vultus, vitamque reducat .  
 Vix ea dicta Parens expleuit ; protinus artus  
 Contremuere, virum turba spectante, Puelli ,  
 Paulatimque vigor languenti in pectore sedit ;  
 Purpureusque rubor vultus, geminumque labellum  
 Inficit, ad primam remeant dum corpora vitam .  
 Præsul at, apprensæ dextra, sua pignora Patri  
 Reddidit ; hic digno extollens miracula plausu ,  
 Ad solitas lætus torsit vestigia terras .

## C A P V T XXXVII.

*Hic incipit vita, & transitus S. Scholasticæ Virginis Sororis suæ;  
& quomodo oratu. intentissimo. largissimas  
induxit pluuias.*

**S**Oror namque Beatissimi Benedicti Scholastica nomine, Omnipotenti Domino ab ipso infantia tempore dedicata: ad eum semel per annum venire consueuerat, ad quam Vir Dei non longè extrà ianuam in possessionem Monasterij descendebat. Quadam vero die venit ex more, atque ad eam cum discipulis venerabilis eius descendit Frater. Qui totum diem in Dei laudibus, sacrisque colloquijs ducentes, incumbentibus iam noctis tenebris simul acceperunt cibos. Cumq; adhuc ad mensam sederent, & inter sacra colloquia tardior se hora protraheret;

*eadem*



## TETRASTICHON XXXVII.

Fraternam rogitat dilecta Scholastica mentem,  
 Ut noctem superis falleret eloquijs.  
 Quod renuit Frater, largis fert imbribus Æther;  
 I, nunc, Virgo inquit, mutua verba nega.

## CAPUT XXXVII.

**V**irgo erat Angelici germana Scholastica Patris  
 Nomine, supremo, teneris surgentibus annis,  
 Virgineis inserta Choris, desponsa Tonanti;  
 Signiferi obliquo postquam duodena cucurrit  
 Tramite signa, fouet radio qui Regna nitenti,  
 Fraternos animos inuisere Virgo solebat.  
 Longe haud à Claustris gratis amplexibus Hæros,  
 Gaudia ruris ubi viridanti germine florent,  
 Obuia germanæ præbet solatia menti.  
 Expectata venit lux: iam Soror anxia Fratris  
 Nec mora, sollicito molimine Tecta reuisit,  
 Vultibus optatis consolatura laborem.  
 Ad loca Viri Domini socia cum prole terendit.  
 Mutua quod dederint consortia grata leuamen  
 Cordibus innocuis; culti nec pleetra Maronis;  
 Nec tubæ Mæonij potis est expromere Vatis.  
 Numinis in laudes lucem comitantur euntem.  
 Incipit infestas cum Nox obscura tenebras  
 Soluere, restaurant dapibus præcordia blandis.  
 Tardior hora aucta, sanctisque immixta loquelis  
 Dona videt mense, noctis simul Hesperus index.

Intererea

eadem Sanctimonialis femina soror eius, eum rogauit dicens. Quæso te, Frater, vt ista nocte me non deferas: vt vsque mane aliquid de Cælesti vitæ gaudijs loquamur. Cui ille respondit. Quid est quod loqueris soror? manere extra cellam nullatenus possum. Tanta verò erat Cæli serenitas, vt nulla in aere nubes appareret. Sanctimonialis autem femina, cum verba Fratris negantis audisset: insertas digitis manus super mensam posuit: & caput in manibus Omnipotentem Dominum rogatura, inclinavit. Cumque leuaret de mensa caput, tanta coruscationis, & tonitruui virtus, tantaque inundatio pluuiæ erupit; vt neque venerabilis Benedictus;

neque



*Interea Virgo : mecum, Germane, soporem  
 Fallere ne renuas ( donec sol lampade noctem  
 Alterna pellat, tenebrasque nitore flagellet )  
 Gaudia Cœlicolam voluens, thalamosque beatos.  
 Que, Soror, ardentem vexat sententia mentem?  
 Lex vetat exiguum Conclauē relinquere Claustri,  
 Frater, ait, cur sollicitas his corda loquelis?  
 Emicat innubis blandē indulgentia Cœli,  
 Auraque somniferis nubes arcere susurris  
 Gaudet, & æthereas telluri prodere gazas.  
 Sensa soror postquam merenti rettulit aure  
 Fraternæ mentis, consortia sancta negantis;  
 Implicuit manuum articulos, mensamque lacertis  
 Comprimit, atque Polum, flexa ceruice, fatigat.  
 Finierat: subito rutilus cum flumina vasto  
 Gurgite præcipitat, disruptis nubibus, Aether.  
 Horrida tempestas crepitanti verberare terram  
 Pulsat, & horrifco discindit Tecta fragore.  
 Ignea flumineis adduntur fulmina lymphis,  
 Ingenti strepitu totusque reuoluitur Orbis.  
 Prodigium Cœli, repetitaque fulgura terrent  
 Fraternos animos, agris & nexibus arctant,*

Obtru-

neque Fratres, qui cum eo aderant extra loci limen quo confederant pedem mouere potuissent. Sanctimonialis quippè Fœmina, caput in manibus declinans, lacrymarum fluuium in mensam fuderat, per quas serenitatem aeris ad pluuiam traxit. Nec paulò tardius post orationem inundatio illa secuta est. Sed tanta fuit conuenientia orationis, & inundationis, vt de mensa iam caput cum tonitruo leuaret? quatenus vnum, idemque esset momentum, & leuare caput, & pluuiam deponere. Tunc Vir Dei inter coruscationes, & tonitrua, atque ingentis pluuiæ inundationem, videns se se ad Monasterium non posse remeare, cæpit conqueri contristatus, dicens, parcat tibi Deus omnipotens, Soror: quid est quod fecisti? Cui illa respondit. Ecce rogavi te, & exaudire me noluisti; rogavi Deum meum, & exaudiuit me. Modo ergo si potes egredere, & me dimissa ad Monasterium recede. Ipse autem exire

extra



Obtraduntque viam solitas ne tendat ad Arces,  
 Neue Cohors remeet sacros fruitura Penates.  
 Virgo caput flectens, palmis vix velat ocellos,  
 Imber at effusus flentis velut ora rigauit;  
 Aereas potuit sic Aetheris abdere nubes,  
 Arque serenati recludere lumina Tecti.  
 Hinc & aquas restinguit aquis, hilaratque Polorum  
 Sidera; mente tonans, commota tonitrua placat;  
 Fulmina, fulminibus verborum, auertit ab Axe.  
 Qualiter arboreis conscendens Ardea ramis,  
 Aucupis extemplo globulis percussa balistæ  
 Decidit, & moriens linquit sub funere voces;  
 Nubila tansa precum lacrymantis taliter ictu,  
 Haud mora secedunt Cæli statione relicta.  
 Tunc sacer Antistes retrò vestigia sensit  
 Flectere nec posse, inquit; cur, soror, ore laceffis  
 Nubila, sicque trahis, mirè, ad tua vota Cateruam?  
 Ecce (refert) superærogitanti contulit Axis  
 Rex; mihi quod (Frater) constanti mente negasti.  
 Inunc, optati remouens consortia vultus,  
 Liber abi, Aeternus Motor si corda secundat.  
 Legifer hinc Heros, pluuijs oppressus obortis,

Y

Spontè

extrà Tectum non valens; quia remanere spontè noluit in loco, mansit inuitus. Sicque factum est, vt totam noctem peruigilem ducerent; atque per sacra spiritualis vitæ colloquia, se se vicaria relatione satiarent.

## C A P V T XXXVIII.

*De eo quod Sororis eius Scolastica animam vidit in modum  
Columbæ in Cælum tendentem.*

**C**Umque die altero eadem Venerabilis Fēmina ad Cellam propriam recessisset, Vir Dei ad Monasterium redijt. Cum ecce post triduum in Cella consistens, eleuatis in aera oculis, vidit eiusdem sororis suæ animam de corpore egressam, in columbæ specie Cœli secreta penetrare. Qui tantæ eius gloriæ congaudens, Omnipotentī Deo in hymnis, & laudibus gratias reddidit, eiusque obitum fratribus denūciauit. Quos etiam protinus misit, vt eius corpus ad Monasterium deferrent, atque in sepulchro, quod sibi ipsi præparauerant ponerent.

Quo



Spontè negans precibus charæ indulgere Sororis,  
 Cogitur ager adhuc inuitos vertere sensus.  
 Hinc trahit infomnis monitis Cælestibus horas  
 Noctis, & eloquii Diuini nectare pascit  
 Pectora Germanæ, pandens secreta Tonantis.  
 Cælica sic Virgo, Astrorum spectante Phalange,  
 Fraternum pectus dijs nutrire loquelis  
 Gaudet, ab æquoreis donec Sol exerit undis  
 Auratos crines, reuocans ad cuncta laborem.

## TETRASTICHON XXXVIII.

Dum volat ad superos sub imagine Virgo Columbæ,  
 Felicem lustrat lumine Præful Auem.  
 I, Soror æterni, dixit, cape lilia Sponsi,  
 Innuba namque Nurus, Sponsaque perpes eris.

## C A P V T XXXVIII.

**C**Rastina flammigera cum Lucifer aduehit Orbi  
 Gaudia lucis, adit sua, leta Scholastica, Tecti  
 Septa; sacrosque lares cum Prasule Turba requirit.  
 Tertia caruleum lustrauerat orbita Mundum,  
 Prasces in obducto Claustri Conclaue sedebat;  
 Lumina cum tollens, animam volitare per aura  
 Virginis inspectat, superique cacumina Olympi  
 Scandere; quam niuæ velabat forma Columbæ.  
 Illicò suprema, cordis dulcedine grates,  
 Persoluit Regi, lethumque reuelat Alumnis.  
 Ite ait, & mecum componite membra Sororis,  
 Vnà fraterno tumultentur v't ossa sepulchro;

Y 2 Sic

Quo facto contigit, vt quorum mens vna semper in Deo fuerat, eorum quoque corpora nec sepultura separaret.

## C A P V T XXXIX.

*Quomodo Mundum vniuersum in vnius solaris radis splendere conspexit.*

**A**Lio quoque tempore Seruandus Diaconus, atque Abbas eius Monasterij, quod in Campaniæ partibus à Liberio quondam Patricio fuerat constructum ad eum visitationis gratia ex more conuenerat; eius quippè Monasterium frequentabat: vt quia idem quoque Vir doctrina gratiæ cælestis affluebat, dulcia sibi inuicem vitæ verba transfunderent, & suauem cibum cælestis patriæ quia adhuc perfectè gaudendo non poterant, saltem suspirando gustarent. Cum vero hora iam quietis exigeret, vt membra sopori dari debuissent, in cuiusdam turris superioribus locis, se Venerabilis Benedictus: in eius quoque inferioribus se seruandus Diaconus collocauit.

quo



*Sic quibus una fuit recta sententia mentis,  
Mixa sub obscuro claudantur corpora busto.*

## TETRASTICHON XXXIX.

*Nursus immensum radij sub luce tuetur  
Dux Orbem, nec non ipsius Artificem.  
Maxima iam cedunt parvis; lux alma tenebris;  
Inque simul spectat fulgere nocte diem.*

## C A P V T XXXIX.

**A***lta petens iterum Servandus Tecta Casini,  
Præsul, ubi felix nutrit Campania fruges  
Cænobij, quondam illustri quod sanguine natus  
Liberius statuit; venerandum visere Patrem  
Arder; & obsequio vultus inclinat, & actus.  
Sapius ille, libens, optari limen Achatis  
Proterit, & studio patrij succensus Olympi,  
Innocuam supera pascit dulcedine mentem.  
Cælica nam Senior facundæ nectare lingue  
Dogmata profundens, pectus silatur amici.  
Parte sed ex alia servandus corda vicissim  
Præsulis Ausony exhilarat, refouetque loquela:  
Namque frui prohibent, hic dum velamina carnis  
Gaudia Cælituum, saltem suspiria mentem  
Tranquillent, regioque Poli thalamique beati.  
Interea tetra quoniam ferrugine Mundum  
Humida Nox pingit, tacito sociata sopore,  
Inuitat placida corda indulgere quieti.  
Occupat aeriæ Benedictos culmina turris;  
Huius & in medio servandi strata iacebant.*

*Infe-*

quo videlicet in loco inferiora superioribus paruus continuabat ascensus. Antè eandem verò Turrim largius erat habitaculum, in quo vtriusque discipuli quiescebant. Cumque Vir Domini Benedictus adhuc quiescentibus fratribus instans vigilijs nocturnæ orationis tempora præuenisset: ad fenestram stans, & Omnipotentem Deum deprecans, subito intempesta noctis hora respiciens, vidit fusam lucem desuper cunctas noctis tenebras effugasse, tantoque splendore clarescere, vt diem vinceret lux illa, quæ in tenebris radiasset. Mira autem valdè res in hac speculatione secuta est; quia sicut post ipse narravit, totus etiam Mundus velut sub vno solis radio antè oculos eius adductus est.

Qui



*Inferiora manent illic connexa supremis  
 Adscensu paruo, fert qui solatia plantis.  
 Turris & antè fores latum conclaue patebat,  
 Hinc carpebat ibi geminata Caterua soporem,  
 Dum Nox atrato terras velamine obumbrat.  
 Nursus ast Heros nocturnas præuenit horas,  
 Venturasque preces, & grata silentia somno.  
 Mente Deum cupida supplex, in vota vocabat,  
 Cetera dum pubes alta grauitate quietis  
 Membra sepulta tenens, obliuia caca vocabat.  
 Ad speculam stabat, nox intempesta terebat  
 Aetheris ut medium; subito lux alma flagellat  
 Effusas tenebras, & lumine dissipat umbras.  
 Haud minus in nebulis effulsit splendor abortus,  
 Vnius ac nitidi fax luceat ampla dici,  
 Emicat auêta magis, medijs quin orta tenebris  
 Lampas, flamminiomos superans Hyperionis ignes.  
 Hic miranda viri rapiunt miracula mentem.  
 Luminibus nituere suis collecta sub vno*

*Titanis*

Qui Venerabilis Pater, dum intentam oculorum aciem  
 in hoc splendore coruscæ lucis infigeret, vidit Germani  
 Capuani Episcopi animam in sphaera ignea ab Angelis in  
 Cælum deferri. Tunc tanti sibi testem volens adhibere  
 miraculi: Seruandum Diaconum, iterato bis, terque eius  
 nomine cum clamoris magnitudine vocauit. Cumque  
 ille fuisset insolito tanti viri clamore turbatus, ascendit,  
 respexit, partemque iam lucis exiguam vidit. Cui tanto  
 hoc obstupescenti miraculo, Vir Dei per ordinem, quæ  
 fuerant gesta narrauit. Statimque in Casinum Castrum  
 religioso viro Theoprobo mandauit, vt ad Capuanam

Vrbem



Titanis radio circum quæ conspicit Orbis,  
 Quidquid & alta regunt glomerata volumina gyro.  
 Cuncta velut modica cernit descripta tabella,  
 Astra, Polumque ambitum quidquid & Amphitrite.  
 Vel quæ tergemini species simulare Trigonis  
 Assolet, ut parua constringit mole colores,  
 Ceruleum rubeo iungens, violasque smaragdis,  
 Mille theatri fingens spectacula forma.  
 Tunc Pater immota dum combibit omnia luce,  
 Splendorisque faces auido speculatur amore;  
 En videt è terris librantem ad sidera gressus,  
 Flammigero inuectam curru, incinctamque Cateruis  
 Angelicis, animam Capuane Antistitis Urbis.  
 Facta sed ut socijs certo cum teste probaret,  
 Seruandum interea compellat vocibus altis  
 Terque quaterque Pater tanto clamore repente  
 Territus insolito, citius Penetralia scandit  
 Celsa Ducis, visamque facem evanescere vidit,  
 Exiguam spectauit adhuc splendere lucem,  
 Omnia mox Heros venienti pandit amico;  
 Germanique iubet scrutari cominus actus,  
 Vuat an incolumis; Cælorum an proterat Axem.

Z

Omnia

Urbem sub eadem nocte transmitteret, & quid de Germano Episcopo ageretur agnosceret & indicaret. Factumque est, ut Reuerendissimum virum Germanum Episcopum, is qui missus fuerat iam defunctum reperiret, & requirens subtiliter, agnouit eodem momento fuisse illius obitum, quo vir Domini eius agnouit ascensum.

## C A P V T V L T I M V M.

*Quomodo mortis suae diem prænunciauit, & presentibus, & absentibus discipulis.*

**E**odem vero anno quo de hac vita erat exiturus, quibusdam discipulis secum conuersantibus; quibusdam longè manentibus sanctissimi sui obitus denuntiavit diem; presentibus indicens ut audita per silentium tegerent; absentibus indicans, quod, vel quale signum fieret, quando eius anima de corpore exiret. Antè sextum vero sui obitus diem aperiri sibi sepulturam iubet. Qui mox correptus febribus,



*Omnia vestigant subtili indagine ; tandem  
 Præsulis agnoscunt obitum , vitæque beatæ  
 Initium , vigiles horas tetigisse Parentis  
 Occidui Claustrî , validæ sub imagine flammæ ,  
 Aethereos vidit thalamos cum scandere Diuum .*

## TETRASTICHON XXXX.

*Proxima promissi sentis dum præmia Olympi ,  
 Sancte senex , vitæ & tædia corda tenent .  
 Agminibus proprijs diuortia sacra recludis ,  
 Mens & ad optatas mortis anhelat opes .*

## CAPVT VLTIMVM.

**I***Am fessus senio , meritisque grauatus , & annis  
 Ausonius Præses , labentis ponere carnis  
 Exuvias ardet , superasque euadere ad Arces .  
 Ultimus hinc vitæ tandem cum voluitur annus ,  
 Corporis occasum dilectis pandit Alumnis ;  
 Nonnulli longè iam distita regna colebant ;  
 Altera pars secum socialia Claustra tenebat .  
 Hos iubet arcanum sub corde obducere lethi ;  
 Signa sed absenti tradit cum spiritus artus  
 Deseret , & sedes felicitis proteret Aula .  
 Antè dies amplo quam Phæbus sex iubar orbi  
 Deferat , obscuri referari limina Busti  
 Imperat aduentante febris , prænuncius ardor*

acri cepit ardore fatigari. Cumque per dies singulos languor ingrauesceret; sexto die portari se in Oratorium à discipulis fecit, ibique exitum suum dominici corporis, & sanguinis perceptione munivit: atque inter discipulorum manus imbecilia membra sustentans, erectis in Cœlum manibus stetit, & vltimum spiritum inter verba orationis efflauit. Qua scilicet die duobus de eo fratribus vni in cella commoranti, alteri autem longius posito reuelatio vnius, atque indissimilis visionis apparuit. Viderunt namque quia strata pallijs, atque innumeris corruscalampadibus via, recto orientis tramite ab eius cella in Cœlum vsque tendebatur. Cui venerando habitu

CAVITY

Vie



Urit anhellantes artus, torretque medullas,  
 Audet & aestiuos, crescens, superare calores;  
 Atrox gelidus torquet lethali frigore morbus  
 Viscera, sicque senis trepidos depascitur artus,  
 Viribus & stratis mortis denunciat horam.  
 Tabida cumque lues vires augeret iniquas,  
 Aeger & ipse animus discrimina dura pararet;  
 Sexta (fatalis postquam luctamina morbi  
 Sustinuit) luce inter sacri limina Teeti  
 Fertur; corpus ubi Domini sub imagine crusti  
 Sumpsit; iterque parat Cœlesti pane refertus.  
 Natorum Cuneus languentes sustinet artus  
 Grandæui Patris: hic palmas ad sidera tendit;  
 Atque preces fundens, animum transmisit ad Astræ,  
 Dulcia lethali praecludens lumina somno.  
 Tunc via sublimis, miris ornata tapetis,  
 Cernitur à geminis eiusdem Patris Alumnis;  
 Hic paruos aditus; at longius arua tenebat  
 Alter; sed visu pariter dignantur eodem.  
 Semita lampadibus nitet illustrata coruscis,  
 Exiguosque lares Herois, necit Olympi  
 Sedibus Eois; quam Vir grauis atterit Ultrò.

Talia

Vir desuper clarus assistens, cuius esset via quā cernerent  
inquisiuit. Illi autem se nescire professi sunt. Quibus ipse  
ait. Hæc est via, qua dilectus domino Cælum Benedictus  
ascendit. Tunc itaque Sancti Viri obitum sicut præsen-  
tes discipuli viderunt tam absentes ex signo quod eis  
prædictum fuerat agnouerunt. Sepultus vero est in Ora-  
torio B. Ioannis Baptistæ, quod, destructa ara Apollinis  
ipse construxit. Qui & in eo specu, in quo prius habitauit  
nunc vsque, si petentium fides exigat, miraculis coruscat.

**F I N I S.**



*Talia sic Senior, geminis cernentibus, insit :  
 Quæ via flammigeris splendet radiata pyropis ,  
 Ducit Aniciadum Prolem super Aetheris Axem .  
 Ut Soboles præsens ; sic & dispersa per Orbem ,  
 Dilecti nouit Genitoris flebile fatum .  
 Illa quidem signis ; hæc omnia, luce ministra .  
 Syluicolæ Vati , quod struxerat ipse Sacellum ,  
 Gens ubi sacrilegos referebat Apollini honores ,  
 Osa sinu recipit , gratisque amplectitur vlnis .  
 Quæque dedere prius Sancto incunabula Ephebo  
 Antra , sub excelsa Sublaci horrentia Rupe ;  
 Nunc quoque, si qua fides , populis miracula pandunt .*

F I N I S.

De

*De Sacra Sublacensi specu.*

## E P I G R A M M A I.

**N**Ursius ut fugiat Cypridis contagia Miles,  
 Proterit aerij scrupula saxa iugi.  
 Factus in obducta Christi captivus Eremita,  
 Marmore sub gelido libera membra ligat.  
 Spiritus æthereas latitantis anhelat ad Arces,  
 Carceris Antra colens, Altra per alta volat.  
 Qualis ab Eois surgit Sol aureus undis,  
 Sic oreris latia, Sol Benedicte, specu.

*Quedam Mulier mente capta in specu S. P. Benedicti per noctem  
 quiescens restituta est menti integra. Quod S. Greg.  
 cap. vlt. 2. Dialog. refert.*

## E P I G R A M M A II.

**I**ndomitos Mulier voluens in corde furores,  
 Per iuga bacchatur; per nemora, atque Domos.  
 Forte specum iam fessa terit, carpitque soporem,  
 Sentit & insanas mentis abire faces.  
 Hic Furor, hic macies, hic cordis deperit œstrum,  
 Mentibus, & sterilis dat pius horror opes.

*De rosis super senticeto S. P. Benedicti à S. P. Francisco  
 Affisinate insertis.*

## E P I G R A M M A III.

**H**ic ubi sæcundi rutilant viridaria Pæsti,  
 Atque nouis opibus sæta superbit humus;  
 Horrida feralis squallebant spicula dumi,  
 Armabantque atrum tela cruenta rubum.  
 Nursius exuijs positus hic membra lacescit  
 Athleta, ut Cypris vulnere victa cadat.  
 Explicuere rosas infecti murice vepres;  
 Hoste hic de geminopauper inermis ouat.

Vitæ





VITÆ S. P. BENEDICTI  
primordia Poeticis adornata luminibus.

**I**Ncipe primæuos Nursini Præfulis ortus  
Voluere Calliope; miris sat lusimus actis.  
Festiuus stipata Choris, Parnasside plectro,  
Punge lyræ neruos, currens exordia cantu  
Ingenui Herois, teneris surgentibus annis,  
Qui tulit innocuæ Mundo præfagia vitæ,  
Indolis & magnæ, cum fugeret vbera Matris.  
Auspice te, faustum modulabor arundine nomen,  
Atque rudi celsæ Genitoris carmine cunas  
Ipse canam, tecum miratus Pignoris orsa;  
Ingeniumque Puer primùm, qua luce magistra,  
Rexerit, vt blandi fugeret contagia luxus,  
Florentis vitæ vix dum libauerat haustus.  
Celsa quidem niueo voluit sub pectore Ephebus,  
Nobilior virtute, Genus quam stemmatis alti.  
Miles inexpertus membris fera bella tenellis  
Excitat, & toto fit formidabilis Orco,  
Antra per, & scopulos, per & auia sentibus apta,  
Prima iuuentutis Cælesti deuouet Aulæ  
Germina, militiam sub rupe sequutus Olympi.  
Nec sinè, credo quidem, superis afflatibus, Orbis

Aa

Pro-



Proteruit fastum, coluitque silentia syluæ,  
 Clara Puer fugiens latix consortia Gentis,  
 Soliugus cultor nemorum, colubrumque, ferarumque  
 Hirsutum tegmen sarrano prætulit ostro,  
 Arduus & cupidis retulit diuortia terris,  
 Impastosque iugi duxit sub fornice luces.

Pupulus, exoriens, primas ut combibit auras,  
 Excepit gremio sublimes Gratia vultus,  
 Ambrosias præbens, expresso lacte, papillas.  
 Spiritus ætherea mentem delapsus ab Arce,  
 Edocuit vitare nefas, luxumque fluentem,  
 Quidquid & ingenio præfert mundana voluptas.  
 Maiestas in fronte nitet, lumenque serenum;  
 Occupat ora pudor sanctus, sectator honesti;  
 Diuinusque timor veræ pietatis amicus;  
 Religioque regit puerili in pectore sceptrum.  
 Membra sinu refouet Genitrix, lactisque liquore  
 Guttura pascit amans, blandissima & oscula figit.  
 Cynthia haud aliter confurgit Tethyos undis,  
 Inualido spargens radios fulgore grauitos:  
 Oceani Coniux pubentes excipit artus,  
 Flaminea cæruleo confortans ora liquore.  
 Dumque Puer tenui splendore reuerberat undas;  
 Lustrat inauratis argentea Regna capillis;  
 Tale decus, pressit sobolis cum membrula, Mater  
 Rettulit, & geminis circumdedit ora lacertis.  
 Inclyta sed tenuit binæ solatia Prolis;  
 Namque enixa marem, focia cum Virgine partu  
 Læta, gemelliperæ Prolis gaudebat honore.  
 Quid Latonigenas iactat longæua vetustas?

Et



Et pariter Graiæ splendentia lumina Leda?  
 Contulit Ausoniae seu par quod nomina Romæ?  
 En maiora solo parit ardua Nursa Sabino,  
 Abdita venturis referans præfagia factis;  
 Turbaque gratantum Pueri pia fata canebat;  
 Auspicijs pariter multos felicibus annos  
 Germinibus niueis vicina tota precatur.  
 Aurea rorifero plauferunt sidera risu,  
 Et triplices longis neuerunt tempora pensis,  
 Fatiferis fufis glomerantes stamina Parca.  
 Indidit infanti Benedicto nomina Mater,  
 Abluit vt geminam vitali fonte Sacerdos  
 Prolem, dura fugans primæ contagia noxæ.

Cum Puer indociles æui transcenderet annos,  
 Nosceret implexi mens & discrimina veri,  
 Ætatis permensa vias, quæ crimina nescit,  
 Arbitriumque regit, sensus & fræna gubernat;  
 Nil puerile mouet tenero sub pectore Ephebus,  
 Cum morum probitate senes superaret, & æuum.  
 Quæ non ætatis profert documenta futuræ?  
 Quæ grauitas vultus? quæ nam facundia linguæ?  
 Mollis adhuc vultus lanugo haud texerat ostrum,  
 Crescere cum sensit canos in mente seniles.  
 Tempora præueniunt mores: natura tremiscit,  
 Sensit vt insolitas legum transcendere metas.  
 Magne Puer, non augurium tibi corniger Amon  
 Præbuit, aut Delphi delusa potentia; Vatum  
 Nec furor, ore Dei qui carmine sensa reuelant.  
 Heu stultæ mentes! quam vos Cortina fefellit!  
 Non Persæ nouere senes; non augur Apollo

Aa 2

Præ-



Præscius haud Babylon, nec vel Chaldæus Aruspex,  
 Arcanos Iuuenis potuere recludere sensus;  
 Nam Sator Omnipotens surgentia membra regebat,  
 Et solus superis afflabat pectora donis,  
 Quæ Sophiæ vanis voluit celare Magistris.  
 Cæpit inardescens vires glomerare iuuentus,  
 Et festina æui properauit vincere fines.  
 Et iam tempus adest quo Palladis hauriat artes  
 Ingenium, studiumque colat, Sophiæque labores.  
 Non hic desidia; Cypriæ non gaudia Matris  
 Affectat, rigidas Phæbi sed carpere lauros  
 Aidet, & Agminibus se se copulare Lycei.

Martia laurigeros iactabat Roma Triumphos,  
 Iam grauida imperijs, Vrbes, Populosque feroces  
 Romulidum tumidis seruire coegerat armis.  
 Iam septemgeminò Tybri decesserat ore  
 Nilus, & Euphrates, ditans & Teutona Rhénus;  
 Iam Medus; iam diues Arabs; iam vellere feres  
 Victorum dextras properant onerare tributis.  
 Orbe triumphato, Nomen super Æthera ponit.  
 Roma potens armis, & magno robore belli.  
 Ipsa Theatrales pompas, Capitolia, Thermas,  
 Pyramidum moles feriunt quæ vertice nubes,  
 Atria despectat, statuas, magnasque Columnas,  
 Miraque Pomonæ viridaria; gaudia Pæsti,  
 Irrigat imbriferis quæ largus Aquarius vndis.  
 Excipiunt varijs fluuialia frigora pontes,  
 Mole premunt celeres latij quæ Tybridis vndas.  
 Tot miratur aquæductus; tot Tecta superba;  
 Regalesque vias hospes, testantia luxus

Saxa



Saxa animata manu humanas imitantia formas.  
 Hic Chorus Aonidum, hic carmen modulatur Apollo,  
 Haud minus armigero colitur cum Marte Minerva,  
 Atque fori strepitus, & Sancti iura Senatus.  
 Hic & Acidaliae Matris dominantur Alumni,  
 Qui pavidum cupiunt semper temerare Pudorem.  
 Hanc Veneris sobolem famulatur prona Libido,  
 Dulce malum tacitis pertentans corda venenis;  
 Nam Iuuenum fallit cupida dulcedine sensus,  
 Et ceca miseram obtundit caligine mentem.  
 Blanda licet vultu, quem lata colore voluptas  
 Pingit, at horrentes claudunt praeordia spinas,  
 Fatiferosque sinu gaudet nutrire colubros.  
 Retibus heu, blandis innectit corda Procorum,  
 Credula lemmiacis circumdans colla catenis.  
 Ducere quot vigiles incautos cogit amantes  
 Noctes, dum cupidus exurit flamma medullas,  
 Et caeca Paphios voluunt in mente furores?

Robora dum Genitor sensit durescere Gnati,  
 Iamque viri roseas insignia gignere malas,  
 Haud mora Romuleas hunc iussit quærere sedes,  
 Moribus, ut Proavos, nec non virtutibus æquet,  
 Ingenij & pariter pueriles exuat umbras.  
 Exequitur mandata Patris Benedictus, & ibat  
 Ardenti accensus claræ virtutis amore.  
 Corripit utque viam, Pater hunc amplexibus, æger,  
 Occupat, & lacrymans, soboli fert oscula eunti.  
 I, latium metire solum, Regalia Romæ  
 Mænia quære, Puer, virtutibus imbue mentem,  
 Dotibus inque tuis splendor reuifcescat Auorum.

I, fe-



I, felix, patrios lustres ut, Gnate, penates,  
 Adde tuis Proavis clarum virtute Nepotem,  
 Esto iubar Generis, præcelſi & Nominis hæres,  
 Sic mea progenies tali quoque prole ſuperba,  
 Sentiat hoc vno proprios excrescere faſtus.  
 Deſtitit his circum collo dare brachia dictis,  
 Et madidis oculis ſobolem poſt terga reliquit.  
 At Benediſtus iter Romæ maturat ad Arcem;  
 Sedula ſed Nutrix carum ſequēbatur Alumnum,  
 Et faciles vultus cura ſeruabat anili;  
 Noluit hunc dulci pãuit quem nectare lactis  
 Deſerere, at mentem ſancta pietate replebat,  
 Lumineque & Iuuenis mores cuſtode tuetur.  
 Qualiter, Arge, Iouis iuſſus ſpectare iuuenecam  
 Innumeris oculis; quosdam in ſtatione tenebas,  
 Dum pars irrigua laxabat membra quiete:  
 Hinc benè iuſſa Deæ ſtellata fronte gerebas,  
 Perdius, & pernox vitulæ ſeruator herilis.  
 Conſecere viam tandem, finemque laboris,  
 Et magnæ feſſi tenuere ſedilia Romæ.  
 Obſtupuit uuenis totum cum luſtr t in Vrbe  
 Vna Orbem vaſti claudens miracula Mundi.  
 Atria celſa videt centenſis fulſta columnis,  
 Ingentes Portas, Regalia Teſta Quiritum,  
 Innumeros Plebis Cuneos, gentemque togatam:  
 Tunc hilaris, binas erexit ad æthera palmas,  
 Et tales niueo profudit pectore voces.  
 O Pater Omnipotens, nutu qui cuncta gubernas,  
 Et mentes hominum Diuino lumine replet,  
 Ne ſubeant ſtygiæ ignari contagia noxæ;

Diri-



Dirige me Puerum, Mundi vix gressibus aptum;  
 Ingenio, Rector, Cēlestes suffice iures,  
 Nulla pudicitiae valeant hic lilia nostrae  
 Carpere corda, puellaris nec forma veneno  
 Inficiat blando mentem, pectusque pudicum.  
 Da faciles cursus; diros da vincere fluctus  
 Hic, & Auernales Orci vitare Charybdes.  
 Sint mandata Patris tacitis infixæ medullis,  
 Atque tuæ pariter sedeant in pectore leges,  
 Et timor innocuus, nec non reuerentia Diuum.  
 Talibus assidua Benedictus mente fatigat  
 Numen, & insomnes curat producere noctes.

Cæperat ingenui iuuenis pubescere vultus,  
 Aurea quem niuea pingebat gratia dextra,  
 Nobile Maieſtas & rexerat ore Theatrum,  
 Atque in fronte simul Prudentia sceptræ gerebat.  
 Viderat extremum quartæ trieteridis annum,  
 Et quintæ primas, iam luce tenebat aristas,  
 Iam Sophiæ summis libauerat orſa labellis;  
 Illum mirantur Matres, latiaque Puellæ,  
 Illius obtutu ſoluunt & iura pudoris,  
 Sollicitantque toros, deceptæ frontis honore.  
 Nūſius aſt Heros fallaces Cypridis artes  
 Nouerat, & fraudes maculantis pectora Amoris.  
 Multa mouens animo, curarum exæſtuat vndis,  
 Cordis & implexos auget Nox atra tumultus;  
 Voluitur in partes varias, atque omnia verſat.  
 Hinc retrahunt poſitum funeſta pericula greſſum,  
 Illinc iuſſa Patris Iuuenis præcordia torquent,  
 Conceptusque dolor, cum amiſſi fleret ocelli

Pigno-



Pignora, labentis tum fulcimenta senectæ.  
 His Pueri ambiguis agitantur pectora curis,  
 Quas celeri ingenio in partem librabat utramque  
 Corde sed augusto tandem sententia sedit,  
 Vertere terga Vrbi, & se se subducere damnis,  
 Nescius æternas, & solus discere leges.  
 Interea rutilans tenebras Aurora fugarat,  
 Expellit pigros Titanis & orbita somnos,  
 Segnior haud Heros plumosa cubilia linquit,  
 Altricemque vocat, mox talibus abdita pandit:  
 O dilecta Parens, quæ nutrimenta dedisti  
 Prima mihi, cupidis immulgens vbera labris,  
 Incustoditam nec linquis abire iuventam,  
 Grataque sollicitæ confers solamina menti;  
 Nonne vides quantis mergantur corda periclis?  
 En Venus Augustam bacchatur sæua per Urbem,  
 Luxuriesque simul factis inimica pudicis,  
 Innumeris armata dolis, præuertere Ciues  
 Ardet, & infontes animas detrudere ad orcum.  
 Credo equidem, nec vana fides, defferre medelam  
 Hisce fugam damnis, ignotam & quærere terram.  
 Id superi inspirant: idem lex sancta pudoris,  
 Regius id Vates instillat mentibus; inquit:  
 Aufertur trepidis quoniam via certa salutis,  
 Iam fugiens, deserta peto, per inhospita sesqua,  
 Perque domos altas solus diuersor in antris.  
 Horruit his at Anus diro perculsa dolore,  
 Horror & algentes extemplo corripit artus;  
 Fontibus ac rugas lacrymarum lauit aniles,  
 Nec dare verba valet; siccis vox faucibus hæsit.

Sin-



Singultus inter, pluuiâlique imbre genarum  
 Reddidit hæc Nato tandem, licet ore trementi:  
 O mea labentis, Proles, spes vna Senectæ,  
 Solamen cordis, vita mihi gratior ipsa  
 Te per canitiem hanc; per dulcia pabula lactis,  
 Sique labor meruit blanditæ prolis amorem,  
 Pelle, Puer, niueo crudas de pectore curas,  
 Consilijs carę mentem submitte Parentis,  
 Ingeniumque cole, audax; nullo parce labori;  
 Magnorum Proauum ingens gloria pectora firmet,  
 Hos imitare, Puer; cunctis celebrabere terris,  
 Nam virtutis honor, titulis decoratus auitis,  
 Homina, ceu iubar, innumeris splendoribus implet:  
 Quod si amor æthereus iuuenilia corda remordet,  
 Terret inexpertem si inimica pudoris Alumnum  
 Diua Paphi, luxusque frequens, & sæua libido,  
 Illorum non cogit amor, sed pene volentes  
 Allicit, incautis pedicas, & retia tendens  
 At renuente animo, delusa potentia cedit  
 Matris Acidaliæ, confusaque gloria luxus,  
 Auxilium trepidis demittit dextra Tonantis,  
 Nec finit orantes collum supponere Diti:  
 Vtere sorte, Puer, generosa Propago Quiritum  
 Heroum, claris Generis seruata Trophæis,  
 Stemmata ne macules Genitoris sorte fugaci,  
 Vanescatque facis primum vix splendor obortus.  
 Quod si nulla mouent animum; sed viscera Patris.  
 Sistere cuncta valent, vetitas & pellere curas.  
 Qui si viuit adhuc, & lucis protrahit auram,  
 Per te chare Puer, longęuos sustinet artus,

Bb

Nobi-



Nobiliora putans exordia cernere Prolis,  
 Sæpius & reditus suspirat tempora nostri.  
 Auia si peteres, & spes ellideret ægri  
 Corda senis, mæror cursus abrumperet æui;  
 Labentesque dolor sensim consumeret artus;  
 Audirentque lares inconsolabile carmen.

Haud tamen Herois cessit singultibus ardor  
 Fæmineis; hæsit, qualis marpesia rupes,  
 Fluctibus vt pelagi rabidisque fragoribus artus  
 Opponit validos, resonantia murmura spernens,  
 Iratos fluctus, & verbera dura retundit.

Sic Iuuenis Sapiens Altricis vocibus aures  
 Occludens, lacrymas, speciolaque verba repellit.  
 Finijt vtque Parens; contrà sic inquit Alumnus:  
 Quis potis est, inter Mundi discrimina mille,  
 Mille dolis actus, mentem iactare pudicam?

Quid iuuat haud dubijs animam obiectare periclis?  
 Namque perire cupit, qui sic tentare ruinam  
 Ipsius exoptat, se seque immergere flammis  
 Iudicis æterni: sic Pneuma sacrum edocet; atque  
 Pagina supremi relegens documenta Parentis.  
 Mentibus inspirant hæc Diuum flamina nostris,  
 Vt maiora sequi doceant vestigia, spretis  
 Sæcli diuitijs, irritamenta malorum.

Parce, precor Mater, lacrymasque absterge fluente,  
 Per iuga, per valles fugiens secreta requiram  
 Limina, despiciens, quamuis inglorius Urbem,  
 Vt superis mens ipsa vacet sine fomite Tectis.  
 Numine namque duce, incipiam noua militis ausa  
 Ætherei, nostram cum vis ferat enthea mentem,

Diri-



Diriget Ales iter, cuius custodia mores  
 Insinuat rectos, callemque ostendit Olympi.  
 Si dare terga Arci Romanæ corde repostum  
 Iam manet, ò mea lux, veniam te pone sequutum,  
 Per loca cuncta comes Nutrix tibi fida manebit.  
 In gelido quamvis decrescant corpore vires.  
 Annuit his dictis Heros, Urbemque reliquit,  
 Romulidumque lares, luxus, patriosque Curules,  
 Palladias artes ausus contemnere, prudens;  
 Ignarusque sapit meliorem quærere sortem.



*Ad proprium Sanctissimi Patriarchæ Genitorem.*

EPIGRAMMA IV.

**R**ara fuit Cuius tres gignere fama Pueros,  
 Augebatque pares Cæsar honore viros.  
 Proprius at Gnato multo felicior vno;  
 Solus & æquavit furculus innumeros:  
 Te gemina patrios cumulavit prole Triumphos,  
 Cum Pueri augustos vis superavit Auos  
 Gratia, Fama, vehunt Prolem, Nomenque verendum,  
 Proprius hinc vno Pignora trina dedit.

*Ad Abundantiam eiusdem S. Patris Genitricem.*

EPIGRAMMA V.

**I**nter Romuleas ó felicissima Matres  
 Mater, honosque Soli, sydereique Poli.  
 Ledæos partus sileat lungæua vetustas;  
 Tu gemina decora Tecta suprema face.  
 Fama gemelliparæ iactet nec lumina Diuæ;  
 Vera Diana Nurus; verus Apollo, Puer.  
 Exhilarat Sol luce dies; noctesque Diana;  
 Virginum at hæc Cetus lustrat; & ille virum.  
 Deliquium gemina at patitur fax Ætheris alti,  
 Nursinas tenebræ non tetigere faces.

*Adi*



*Ad S. Scholasticam S. P. Benedicti Sororem.*

EPIGRAMMA VI.

**V**irgo, clara cui fecit Schola nomina, toto  
Pectore virtutum dum monumenta colis.  
Hoc merito gaudes: referas in fronte Theatrum  
Virtutis candor cum pietate nitet.  
Æmula, dilecti sequeris vestigia Fratris,  
Virgineosque Choros culta Magistra doces.  
Par labor, & studium, dum corda gemella fatigat,  
Fraternos artus mens, reor, vna regit.

*Ad Cyrillam S. P. Benedicti Nutricem.*

EPIGRAMMA VII.

**O** Memoranda Nurus, custos fidissima Gnati,  
Qui fuit Ausonij fama, decusque soli:  
Dulcia tu tremulis strinxisti membra lacertis,  
Vincere Romanos quæ potuere Duces.  
Hi ferro populos; armis at mitibus isto  
Innumeros domuit, voce tonante, viros.  
Diuitias, Vrbes, dum temnit, Regna, Tiaras,  
Ingentes glomerat diues egenus opes.  
Utque Polo peperit seriem, virtute, Nepotum,  
Plurima in hoc Puerio germina paut Anus.



*In Gentilitijs eiusdem S. P. Benedicti Insignibus argenteo  
Leone purpureo in campo expressis.*

EPIGRAMMA VIII.

**Q**Vem patrium, Benedicte, refert Insigne Leonem,  
Herculei indicium roboris esse, ferunt.  
Horrificis terret rugitibus ille ferarum  
Pectora; tartareum tu pietate pecus.  
Vnguibus ille fibras, immani vulnere, nudat;  
Cypridis, vngue vepris, tu fera monstra domas.  
Sed tuus Argenti candorem miscuit ostro,  
Sanguine qui fuso læta trophæa canis.

*In Nursia laudem.*

EPIGRAMMA IX.

**I**Nclyta Nursa olim validis dominata Sabinis,  
Æmula Cecropidum, Romulidumque Duem.  
Vrbs Aquilas iactet; sed Nursia clara Leones,  
Robore quæ inferior, nec pietate fuit.  
Græcia signiferum gemino si lumine vestit;  
Hæc parit Elysijs Astra gemella Polis.  
Sunt bona Nauigijs ledæi sydera Fratres,  
At meliora pijs lumina bina viris.  
Viuentes, hominum Cynosura fuere Catervis,  
Extinctæ & pariter prænituerè magis.

*Auctar*



*Auctoris vota Sanctissimo Parenti suo.*

**E**N, Benedicte, tibi laudum præconia Gnatus  
 Occinit; hos pleno consecrat ore modos.  
 Dona supercilio lætanti despice Alumni,  
 Dignaque qui gessit carmine, carmen amet.  
 Iam mea Pierios auxit fiducia cantus,  
 Cuncta satis tollit nam Genitoris amor.  
 Nulla potis virtus cunctas Aganippidos vndas  
 Hauserit illa licet, facta referre tua.  
 Haud equidem spero Aoniam sic carpere laurum,  
 His & Apollinea cingere fronde caput:  
 Gratus, at exigua benefacta rependere Musa;  
 Vt Patris hoc vnum munera penset opus.  
 Primitias hilari Genitor collustrat oculo  
 Germinis, arridens, Prolis & orsa fouet.  
 Carmina si Gnati tali dignaris honore.  
 Parua, Giganta, reor; Musque Colossus erit.

F I N I S.

Approbatio R.<sup>mi</sup> P. Præsidentis Generalis.

*D. Hieronymus à Placentia Monasterij S. Saluatoris extrà propè  
Papiam Ordinis S. Benedicti de obseruantia Congregationis  
Cassinensis Abbas ac eiusdem Congregationis Præsidentis  
Generalis.*

**C**Um opus, quod inscribitur, Paraphrasis in Secundum Dialogorum S. Gregorij Papæ, ab A. R. P. D. Isidoro Foroliuiensi Priore S. Mariæ Montis extrà, & propè Cæsénam, compositum; A. R. P. D. Cyrinus à Senis S. Iuliani de Albaro propè Ianuam, ac in Vniuersitate Pisarum Sac. Scripturæ publicus Lector, de mandato Reuerendissimi Definitorij nostræ Congregationis recognouerit, & in lucem edi posse probauerit; facultatem facimus vt typis mandetur, si ijs quorum interest ita videbitur. In cuius rei gratiam has litteras manu nostra subscriptas, sigilloque nostro munitas damus. In præfato Monasterio S. Saluatoris. Die 19. Octobris 1660.


*D. Hieronymus à Placentia Præsidentis qui suprà.*

Locus ✝ sigilli





## Synopsis totius Operis.



<i>Repositio, &amp; inuocatio.</i>	<i>pag. 1</i>
<i>S. Benedictus adhuc puer Mundo renunciat.</i>	<i>3</i>
<i>Iuuenis quantum vis pulcher, &amp; diues Mundi tamen luxum deserit.</i>	<i>3</i>
<i>Illius patria exprimitur.</i>	<i>4</i>
<i>Studiorum causa Romam missus clam disce- dens ad locum, qui Effide dicitur tetendit.</i>	<i>7</i>
<i>Ibidem ab Incolis receptus fractum Capisterium redintegrat.</i>	<i>9</i>
<i>Nutrice clam relicta Sublaci Eremum perijt.</i>	<i>11</i>
<i>Obuius Iuueni Romanus, habitum, cibumque ministrat.</i>	<i>13</i>
<i>De aereo signo à Demone fracto, quo alimenta Viro Dei in specu lati- tanti sufficiebat.</i>	<i>15</i>
<i>Sacræ Sublacensis specus descrip.</i>	<i>15</i>
<i>In Paschali solemnitate à quodam Presbitero diuinitus admonito inuenitur, &amp; pascitur.</i>	<i>17</i>
<i>A Pastoribus S. Benedictus recubans in specu reperitur.</i>	<i>21</i>
<i>Venerca tentatio diabolica fraude Viro Dei immissa describitur.</i>	<i>23</i>
<i>At diuinus Miles tandiū inter spinas nudum corpus volutauit do- nec carnis incendia vulnerum dolor extingueret.</i>	<i>25</i>
<i>Crescente D. Benedicti fama à quibusdam Monachis in eius Abba- tem eligitur.</i>	<i>29</i>
<i>Vas propinati Veneni signo Crucis fregit.</i>	<i>31</i>
<i>Monachos placide obiurgans deserit, &amp; ad propriam solitudinem a redit</i>	



redit.	31
Monasteria, multis ad eum conuenientibus duodecim edificat.	35
De SS. Placidi, & Mauri susceptione.	35
Monachum vagantem flagris sanat.	37
Dæmon humana specie assumpta Monachum ab oratione diuel- lit.	39
Fons in supercilio montis precibus S. Benedicti aperitur.	43
Securim de profundo lacus reuocat.	45
Dum Maurus iussa S. Patris exequitur, siccis pedibus super aquas ambulauit.	49
Sanctus Benedictus veneno infectum panem agnoscit, quem à Coruo occultari imperauit, ne alicui molestus esset.	53
Restitit Coruus Patri voluntati, designans infectum panem, quem tandem in syluis, iuxta præceptum oculuit.	55
Presbiter quidam insequens Sanctum Dei hominem, septem nudas in illius hortum immittit.	56
Qui hostis huius immanitate cognita Sublacum deferere coactus fuit.	57
Vix S. Benedictus discesserat, cum Florentij Domus cecidit, eumque repente interfecit.	57
S. Pater Cassinum peruenit, ibique Monasterium extruxit.	59
Crebra Dæmon apparitione S. Virum, & crescentem sobolem infe- stat.	61
Dæmonis effigies designatur.	ibid.
Ingens sanum, ne moueri posset Dæmon detinebat, sed S. Viri preci- bus liberatur.	65
Idem Sanctus apparentem ignem extinguit.	67
Extinctum sub pariete Monachum mirabiliter exsuscitat.	71
S. Benedictus spiritu Prophetiæ pellebat.	ibid.
Prædicat Alumnis transgressionem Regulæ extra Claustra longè patra-	



patratam.	73
Ameni prati, del' cijs accommodati desc.	77
S. Pater Viatori ad se venienti, quæ gessit in via recludit.	79
Totile Regis seruus incesu Regali ad inueniendum Sanctum Patrem pergit.	81
Exprobrat hunc Sanctus quod ei illudere tentasse, atque confusum dimittit.	83
Totila genuflexus Sanctissimum Patri veniam petit, cui idem totius vitæ cursum prædicat.	85
Ruinam Urbis sacer Vates prædicat.	89
Clericum à Demone obsessum sanat, cique prædicat exequenda, quæ cum longum post tempus spreuisset, iterum à Damonio vexatus vitam perdidit.	93
Destructionem Casinensis Cænobij diuinitus cognitam planxit Alumnorum salute à eo impetrata.	97
Vinum clam à famulo surreptum reuclat nec non colubrum in vase latentem.	99
S. Benedictus prædicatione Verbi Dei multos ad fidem conuertit.	
101	
Mappulam quam Monachus quidam in sinu abdiderat recludit, & illum salubri increpatione ad penitentiam inducit.	103
Elationem cuiusdam Monachi, qui edenti Patri lumen ministrabat mirabiliter agnauit, atque increpatione modesta correxit.	105
Fames campanum solum vexat.	107
S. Benedictus Alumnos famelicos solatur.	109
Ducenti farine modij ante Ianuam Monasterij inuenti sunt, cunctis ignotum quis detulerit.	109
Monachos Tarracinam ad construendum Monasterium mittit.	
III	
Cuncta necessaria ad fabricam Discipuli præparant.	ibid.
a. 2. Com.	



- Comparatio operis cum Apibus mella fabricantibus.* 113  
*S. Pater, Rectori, Prapósitoque simul in somnis fabricæ Idolum re-*  
*uelat.* *ibid.*  
*Ipsam nocturnam visionem peperisse Nuntio occurrenti aperuit,*  
*atque omnia iuxta illam parari voluit.* 115  
*S. Benedicti vis in loquendo, & illius efficacia verborum.* 117  
*Nobilitas Generis sæpè ignobilitatem animi parit.* *ibid.*  
*Vir Dei comminatus est duabus fæminis Religiosis, quod nisi conti-*  
*nuissent linguam maledicam illas Anathematis fulmine petijf-*  
*set, quæ verba tantam vim habuerunt, ut ipsis intrà paucos*  
*dies, iussa spernentibus necem intulerint.* 119  
*Profugum Monachum renuit tellus sustinere sepultum, sed euo-*  
*luit, donec in Patris gratiam rediret.* 123  
*S. Vir Monachum fugitium obiurgat.* 125  
*Draconis species fugientem terret.* 125  
*Occurrunt socij, & nullam Draconis effigiem cernere potuerunt.* 127  
*Elephantini morbi vis Puerum deformat.* *ibid.*  
*Eum pristinae salutis S. Pater reddit.* 129  
*Inuenta miraculose pecunia pauperis angustijs subuenit.* 131  
*Virum veneno affectum S. Benedictus incolumem reddidit.* 133  
*Fames Campaniæ Vrbes à S. Viri eleemosinis solatium sumpsit.*  
 133  
*Vas vitreum iussu S. Patris e specula proiectum super saxa licet ce-*  
*cidisset incolume tamen permansit.* 135  
*S. P. Benedicti exhortatio ad Monachum inobedientem.* 137  
*Orante Domini Viro cum Monachis Delium vacuum repente oleo*  
*plenum apparuit, itaut pavimentum loci inundaret.* 139  
*Dæmonem Monachum sub Mulo medici specie aggredientem S.*  
*Pater eijcit.* 141  
*Dæmonis cum lupo oves insectante comparatio.* *ibid.*

*Zalla*



<i>Zalle crudelitas, &amp; auaritia.</i>	143
<i>Rusticum ligatum ducit ad Sanctum.</i>	145
<i>Qui solo intuitu ligatum soluit.</i>	147
<i>Diuus crudelitatem Zalle exprobrat, eoque correpto humilem, &amp; mansuetum dimittit.</i>	149
<i>Orbati Patris luctus, quo filium resuscitari postulat.</i>	151
<i>D. P. Benedictus precibus fufis exsuscitat Rustici Natum.</i>	153
<i>Sororis consortio fruitur S. Pater.</i>	155
<i>Negante fratre velle sororis dictis parere, pluuiam egressum prohibentem orando D. scholastica impetrat.</i>	157
<i>Sororis suae animam D. Benedictus videt sub columbae specie Caeli conuexa penetrantem.</i>	161
<i>Sub uno Solis radio collectum Mundum S. Patriarcha Benedictus aspexit.</i>	165
<i>S. Germani animam in sphaera ignea Caelum conscendere vidit.</i>	167
<i>Seruandus euangelicis lucis partem conspexit.</i>	ibid.
<i>S. Vir Domini suae mortis praenunciat horam praesentibus, atque absentibus discipulis.</i>	169
<i>Gravi morbo oppressus S. Senex portari voluit in Oratorium, ubi sumpto Eucharistiae Sacramento inter discipulorum manus expirauit.</i>	171
<i>Visio Discipulorum post eius obitum.</i>	ibid.
<i>Eius Corpus in S. Praecursoris Sacello ab eodem Sanctissimo Patre constructo sepultum fuit specus vero quae ei suae conuersionis incubula praebuit in sublacensi Rupe magna veneratione, ac Populi frequentia seruata miraculis crebris adhuc corruscet.</i>	173
<i>De Sacra Sublacensi specu. Epig.</i>	174
<i>De Muliere in eadem specu menti restituta.</i>	ibid.
<i>De rosis super senticeto S. Patris insertis.</i>	ibid.
	Vita



<i>Vita primordia D. Benedicti Poema.</i>	175.
<i>Indicia futurae sanctitatis vix ortus dedit Benedictus.</i>	176.
<i>Soli nascenti illius natiuitas comparatur.</i>	ibid.
<i>S. Benedicti Genitrix fecundo partu geminam mundo prolem ma- rem scilicet &amp; faminam dedit.</i>	ibid.
<i>Vix pubertatis metas Benedictus tetigerat, cum seniles in mente tenella mores aleret.</i>	177.
<i>Romani gloria imperij, Urbisque Maiestas desc.</i>	178.
<i>Libidinis damna describunt.</i>	179.
<i>Benedictum Iuuenem Romam mittunt. Parentes ut literarum stu- dijs incumbat.</i>	ibid.
<i>Genitoris ad filium discedentem oratio.</i>	ibid.
<i>Eunti Benedicto Nutrix iungitur comes, quae puerum &amp; igili custo- dia seruat.</i>	180.
<i>Argo Iuencam Iunonis custodienti Altrix Sancti Iuuenis com- paratur.</i>	ibid.
<i>Oratio D. Benedicti Urbis inspecta pulchritudine.</i>	ibid.
<i>Benedicti forma cum iam tertiumdecimum annum attigit descri- bitur.</i>	181.
<i>Illius pulchritudinem demirantur Romanae Puellae, illiusque toros cupiunt.</i>	ibid.
<i>Hinc Iuuenis pudicitiae amator &amp; custos, variarum cogitationum fluctibus agitatus, Urbem tandem desere decreuit.</i>	182.
<i>Benedicti oratio ad Nutricem.</i>	ibid.
<i>Altrix nimio perculsa dolore sic contra Alumno respo dit.</i>	183.
<i>Rupi fluctibus Maris reperiussa nec tamen disiectae iuuenis con- stantia comparatur.</i>	184.
<i>Rationes Nutricis soluit Benedictus, atque priora dicta confirmans Romam deserit, sequente Nutrice Alumnum.</i>	ibid.
<i>Ad. Proprium S. Benedicti genitorem Epig.</i>	186.
	Ad.



<i>Ad Abundantiam eiusdem Matrem. Ep.</i>	<i>ibid.</i>
<i>Ad S. Scholasticam eiusdem sororem. Ep.</i>	187
<i>Ad Cyrillam eiusdem Nutricem. Ep.</i>	<i>ibid.</i>
<i>In Gentilitijs S. P. B. insignibus. Ep.</i>	188
<i>Ad Nursiam eiusdem patriam. Ep.</i>	<i>ibid.</i>
<i>Auctoris vota Sanctissimo Genitori suo</i>	189

F I N I S.

		<i>Errata</i>	<i>Corrige</i>
Pag.	verf.		
1. & 2	1	Proemium	Proemium
14	9	conolceret	cognolceret
18	11	Omnipotēs	omnipotētis
23	19	hos	os
7	10	luminibus	liminibus
35	17	superebat	superabat
38	11	dic	die
45	2	Gothico	Gothico
47	9	tumores	timores
47	6	lympbis	lymphis
51	6	eluxiffe	elufiffe
51	18	fuletibus	fletibus
56	16	ducem	decem
61	4	addufta	adducta
61	9	alia	talia
68	3	vox	vos
70	7	proohetiæ	prophetiæ
73	14	prefius	præfius
75	3	ite	iter
81	13	omitante	comitante
90	3	crebrefcenti- bus	crebrefcenti- bus
90	12	bonum	donum
97	15	numque	namque

		<i>Errata</i>	<i>Corrige</i>
Pag.	verf.		
107	8	orelci	orexi
117	6	lententiæ	lententia
119	4	functo	fancto
125	15	peftiferum	peftiferam
127	21	innafit	inuafit
135	20	fomentu	fomenta
139	13	fucrefcere	fucrefcere
140	4	tripedua	tripedicam
143	1	quondam	quidam
144	15	magni	magnis
145	14	tefta	tefta
146	8	cum	vim
147	12	gemmes	gemens
149	19	flamatae	flaminatae
153	9	Ades	Ædes
159	18	superæ	superi
162	tit.	radis	radij
ibid.		fpplendere	fpplendore
163	20	Benedictos	Benedictus
167	4	ambitum	ambitum
181	2	iures	vires
182	25	fefqua	tefqua
183	13	Homina	Nomina
184	25	fluente	fluentes